



Boyle


p. Va

ria

Ex
co








15032/AN. ix. i 17

Fulton 87 (var)
Fulton 93.






23451 (1)




Intrick & S.
25/2/16




Lo- - -

15 154

Ad unum nocti 15.





ROBERTI BOYLE

Nobilis Angli

TRACTATUS

De { Cosmici Rerum Qualitatibus.
Cosmici Suspicionibus.
Temperie Subterranearum
Regionum.
Temperie Submarinarum Re-
gionum.
Fundo Maris.

Quibus præmittitur

Introductio ad Historiam

QUALITATUM

PARTICVLARIVM.

Accedit denique

TRACTATUS

De absoluta quiete in corporibus
Omnia ex Anglicâ in latinam linguam conversa

AMSTELÆDAMI,


Apud JOHANNEM JANSSONIUM

A VVAESBERGE,

& HAMBURGI

Apud GOTHOFREDUM SCHULTZEN,

Anno 1671.



ADMONITIO
EDITORIS
AD
LECTOREM.

Quoniam nobilissimus horum tractatum Auctor simili modo plurimas diversis de rebus dissertatiunculas conscriptas habeat, apud se tamen delitescere passus fuisset, cum, si in evulgationem eorum consensisset, eas instituto cuidam suo, quod Lectorem nunc quidem nosse nihil attinet, accommodare in animo haberet; nisi ab hoc proposito quaedam illum dimovissent.

Multi interim viri sapientes qui horum tractatum aliquos viderant, & de rebus, de quibus hic agitur, sermones cum Autore nonnunquam miscuerant, utilitate communipublicoq; doctrinae bono (ut agebant) incitati saepius illum sollicitaq; admonebant.

Primum, quod multi tractatum illorum, quorum nulla est vel exigua inter se conciliatio, sic seorsim, quâ serie quoque numero Autori libitum fuerit, bonis rationibus edi in publicum possint.

Secundo, quod, cum princeps Autoris sit propositum
tâ

tam in his quam in aliis rerum
naturalium commentariis
novis ditare Historiam natu-
ralem observationibus, suffi-
cere videri possit, si ipsi operi
sint accommodata, quacumque
etiam serie vel nexu inter se
conjuncta atque in promptua-
rio Philosophico composita.

Tertio, quod tractatibus
his cum curiosioribus commu-
nicatis, nulla eorum amplius
jactura esse possit, quam fecit
Autor aliarum quarundam
schedarum, quas jam olim
nuper adeo perdidit.

Quarto, quod Relationes
illae, quas a curiosis acceperat,

invitare illum, vel jure quo-
dam efflagitare videantur, ne
maturum illis experimento-
rum usum intideat, quæ for-
tassis, antequam institutum
Autoris pateretur, ut consi-
lia in publicum hæc proferendi
susciperet, philosophiæ commo-
dis inservire possent, inducen-
do sagacissima ingenia ad ope-
ras similes, dum aliorum exci-
taretur curiositas, aliorum in-
dustria exerceretur.

Ultimo, quod uti eorum, quæ
hactenus promulgavit (nisi
ubi sua sibi obstitit negligen-
tia) prima nulla diu fuit edi-
tio, fortassis & horum tracta-
tum.

tū, post exiguum tempus, pa-
rare alteram editionem possit,
libertatem tum habiturus au-
gendi eorum numerum, ac, ut
ipse optimum judicaverit, im-
mutandi ordinem, & (si inte-
rim ad Bibliothecam suam re-
dierit) supplendi dissertatio-
nes suas testimoniis illis, quæ
mutuari ab iis cogitavit.

Verum, quanquam & ra-
tiones istæ, & hominum, qui
iis utebantur, gravitas, &
Autoris adversus eos obser-
vantia, resistere tot persuasio-
nibus vetabant; nunquam ta-
men moveri potuit, ut omnino

consentiret; donec tandem
morbi & negotiorum infau-
sta conspiratione effectum fu-
it, ut, cum institutum suum
intra modicum tempus absol-
vi posse desperaret, prelo tandē
subjici quosdam illorum tra-
ctatum passus fuerit, quos e-
ditioni saltem imparatos inve-
nit, ordine eo quo in manus in-
ciderant. Hæc itaq; admoni-
tione præviâ facile ingeniosus
cordatusq; Lector intelliget,
quid causæ fuerit, & quan-
tum commodi rei philosophicæ
afferat, Autorem Excellen-
tissimum, apud quem magna

ra-

variorum de philosophia natural
turali commentariorum ,
(quod testari horum editor
potest, ac superius significavit)
copia delitescit, sollicitatum
toties fuisse, & ut) quoad ejus
per valetudinem fieri posset,
maturè satis expediret has
Dissertationes, quæ frustra
obnitente omni invidiâ &
malitiâ, tendunt ad utilissimæ
doctrinæ amplificationem
& incremen-
tum.

IN
ILLVSTRIS VIRI
ROBERTI BOYLE
*Librum de temperaturâ Regionum
Subterranearum, Submarinarum
& fundo maris,*

Cum in linguam Latinam conversus,
à
GOTHFREDO SCHULTZIO,
ederetur.

Qui mare, qui terras liber intus &
in cute novit.

Eximium ignoti prodiit oris opus.
Jamque etiam nobis sensus patuere
latentes,

Te socias operi, SCHULTZI, adhi-
bente manus.

Nam ne cum toto divisis orbe Britan-
nis

Divisus toto sit simul orbe liber,
Tu facis, ac toto, totum qui scripserat
orbem

Dum Latio legitur, possit ut orbe
legi.

Ad

ILLUSTREM AUTOREM.

*Aërii dudum tibi, Vir celeberrime,
tractus*

*Finibus immensis quæ patuere, patent.
Nunc imos penetrat terræq; mariq; re-
cessus*

*Gloria radices hinc habitura suas.
Nam quæ naturæ, quæ sunt primordia
rerum*

*Nominis, ô BOILI, sunt elementa tui.
Alta fuit, fuit ampla; modos impleret ut
omnes,*

*Nunc etiam, BOILI, fama profun-
da Tibi est.*

DANIEL GEORGIUS
MORHOFIUS.

INTRODUCTIO
AD
HISTORIAM
QUALITATUM
PARTICULARIUM.



HISTORIA

QUALITATUM

PARTICULARIUM.

In instituta abs nobis Dissertatione, *Pyrophile*, sufficienter, ut ego quidem arbitror, tam de naturâ quàm de origine qualitatum generatim dictum est. Restat nunc, ut ad Qualitates particulatim consideratas pergamus, dispiciamusque, quousque modus & ratio, quâ producuntur, aliaque earum phænomena, quorum indagationi occasio non dabitur, consentiant cum doctrinâ illa, quam hætenus proposui, eamque confirment: & annon saltem melius illis cum nostris, quàm cum Peripateticorum vel Chemicorum opinionibus conveniat.

A. Non

Non perdam hic tempus in inquirendis variis *Qualitatis* significationibus, quod adeò variè accipitur vocabulum, ut satis quidem sit ambiguum: è subsequenti enim dissertatione dilucidè satis patebit, quâ potissimum usitatiore significatione illud accepturi simus. Id vero hoc in loco monendum est, haberi quædam pro Qualitatibus, quæ rectius haberi poterant status Materię vel complexiones qualitatum particularium, ut *animatam*, *inanimatum &c.* *Sanitas & pulchritudo*: quod posterius attributum è *figurâ Symmetria*, vel perfecta proportionē, & *colorum* in faciei partibus apparentium *jucunditate*, oriri videtur. Ac sunt alia quædam attributa, videlicet, *Magnitudo*, *Figura*, *Motus & Quies* quæ inter Qualitates numerari consueverunt, rectius vero dici poterant *primarii modi* partium materię: Ex iis enim simplicibus attributis vel primitivis affectionibus omnes qualitates derivantur. Verùm isti verborum

& no-

& nominum contemplationi diutius non immorabor.

Nec operæ pretium fecerim, si in enumerandis aut decidendis variis illis Qualitatum distinctionibus tempus insumpsero. (quarum multas apud alios inveni, & quarum numerum ipsemet augere poteram) nam quanquam aliquis censoriam Virgulam hinc stricturus non facile in aliquâ illarum acquiesceret, sed potius ut arbitrarias, quàm in accuratâ rerum naturalium ipsarum contemplatione fundatas, intueretur; veruntamen quoniam non tam facile mihi videtur exactam dare qualitatum distributionem, donec aliqua, quæ ad Qualitates spectant, luculentius, quàm hactenus, explicata fuerint; Sufficit in præsens mihi proponere aliquam ex usitatioribus Qualitatum physicarum distinctionibus, (nostis enim de aliâ me non acturum) hanc mihi libertatem concedens, ut, ubi opus visum fuerit, Divisionis membra aliquando faciam

laxiora. Cum multis itaque modernorum philosophorum physicas qualitates in manifestas & occultas, & posterioribus ad peculiarem tractationem sepositis, priores in primas, secundas & tertias dividemus: ad quarum duas postremas reponemus diversas qualitates, Scholasticis & systematibus physicis incognitas, quarum aliquas, distinctionis gratia, non ineptè vocare possumus Chemicas rerum qualitates: quoniam, cum Aristoteles & Scholastici de iis solliciti non fuerint, primùm in notitiam venerunt per varios chemicarum operationum & experimentorum modos, quales sunt Fumigatio, Amalgamatio, Cupellatio, Volatilisatio, Præcipitatio &c. quibus operationibus corporeæ res apparent volatiles vel fixæ, solubiles vel insolubiles in quibusdam menstuis, amalgamabiles vel inamalgamabiles, apta ut præcipitent corpora vel præcipitentur ab illis, & (ut verbo dicam) acquirant vel per-

perdant aliquas potentias agendi in alia corpora, vel dispositiones patiendi ab illis; quibus attributis æquè competere nomen qualitatum potest, ac variis aliis attributis, quæ nomine illo vocantur. Atque istis Chemicis Qualitatibus jungere alias quasdam possumus, quas, quod vel Medicis solis, vel præ aliis in usu sint, Medicas appellamus, per quas corpora quædam in corpus humanum recepta, sunt deoppilantia, incidentia, resolventia, discutientia, suppurantia, adhærentium noxiorum abstersiva, sanguinem & humores incrassantia, adstringentia, anodyna & dolores compescientia. Nam quamvis quædam facultatum medicinalium, ut calefactio, frigefactio, exsiccatio, attenuatio, purgatio &c. aptè satis referri possint ad primas, secundas vel tertias Qualitates à Phycis recenseri solitas; aliisque inter occultas numerari consueverint: quamvis etiam Medicæ istæ Qualitates à Medicis tractari soleant: videtur tamen,

men, quod plurimæ illarum eò, quo referri solent, non sint referendæ. Ac tractatio illarum, ut *Desideratum* ali-quod in naturali philosophia spectari debet, & merito peculiarem aliquem locum hinc sibi vendicat. Nullam enim Scientiæ istius Scriptores mentionem earum faciunt; Medici vero ut Medici tractant, quorum opera in eo tantum versatur, ut cognoscant, quænam corpora istis qualitatibus prædita, & quas vel bonas vel malignas in corpora humana vires habeant, non ut Physici, quibus id negotii datum est, ut in productionem & causas tam harum, quàm aliarum Qualitatum inquirent.

CAPUT II.

PRiusquam ullam particularium Qualitatum mentionem faciamus, expedit, meo iudicio, aliquantum temporis impendere
con-

considerationi trium magnorum dubiorum circa nostram & Corpuscularem Doctrinam Qualitates concernentem, quæ licet non meminerim aperte mota ab adversariis Corpuscularis Philosophiæ, vel hanc fortè ob causam nunquam à Patronis ejus soluta; sunt tamen talia, quæ mihi res naturales accuratius intuenti suggesta, teque, si in eadem incideres, turbare possunt; tanti enim mihi videntur, ut nisi in initio statim removeantur, multum adferre præjudicii possint in capiendis istis, quæ circa Qualitates particulares à nobis differuntur.

Prima objectio fundata est in receptâ Vulgarium & Aristotelicorum Philosophorum opinione, quorum hæc est sententia, quod varietas illa Qualitatum necessariò fluat à formis substantialibus, vel quoniam pars aliqua naturæ illarum est, ut sint principia proprietatum & peculiarium operationum in corporibus, quæ informant, vel quo-

niam multæ illarum ita sunt comparatæ, ut nulla Elementorum mixtura eas producere apta sit. Ex iis hypothefibus, quibus innixum hoc dubium est, jam in examine nostro Substantialium & Subordinatarum formarum, priorem, ut quæ admitti non possit, discussimus: restat itaque ut alteram illam hypothefin examinemus, quæ consideratione majori digna est, quoniam multum urgetur à doctissimo *Sennerto* ejusque Sectatoribus, qui probant hoc argumentum hac additione: quod quemadmodum sola Elementorum mixtura; ita nec generalis *forma mistians* (talis scilicet, qualem moderni multi excogitarunt ad salvandam hypothefin) diversarum istarum Qualitatum, quas alibi recenset, rationi ineundæ sufficiat.

Verum (ut primò hoc dicam) cum ii, qui hoc dubium proponunt, pro concessio quaternarium Elementorum accipiunt, quorum è varia mixtione omnia sublunaria corpora oriantur, & pro-

proinde solliciti tantum sint in probando eo, quod tales Qualitates è mixtura eorum fluere nequeant; ad me quidem non spectat tota illa dissertatio, cum Hypothesin quatuor Elementorum non admittam, quæ hic supponitur: & tamen observare hinc licet, quod è confessione recentiorum Peripateticorum, qui urgent hoc argumentum, antiqui & alii Aristotelici errent, qui adscribunt mixturis Elementorum effectus, quibus producendis inidonea illa judicantur.

Verum cum Refutationes istiusmodi magis ad objectores spectent quam ad objectionem, transeo ad ipsius dubii considerationem, non tantum ut à Peripateticis, verum etiam ut à Chemicis proponi possit, qui, quanquam aliqui illorum cum aliis ejusdem sectæ non probent quatuor Elementa, in eo tamen cum Scholis conveniunt, quod sit determinatus numerus eorum, quæ ingrediuntur corporum, compositio-

nem, à quorum mixtione & proportionem multæ qualitates derivandæ, quæque derivari inde nequeunt ab altiori dependere principio dicendæ sint, sive substantialis forma sit, vel aliud quidpiam, cuius Chimici multa afferunt nomina; quanquam solidam ejus & intelligibilem aliquam notionem habere dubitem. Ut igitur de dubio ipso dicam, pro removendo eo proponam tibi quatuor præprimis consideranda.

Sed antequam incipiam istis respondere ad objectionem, prompte fateor, quibusdam in casibus & quodam respectu non male esse fundatam. Id autem addam, quod in istis casibus considerem ut partem aliquam corpuscularis Doctrinæ, non vero ut objectionem contra illam. Quando enim contingit, ut arcta aliqua connexio sit inter modificationem materiæ, quæ requiritur ad exhibendum Phænomenon, & id, unde aliud necessariò sequitur: in istis casibus non concedemus tantum, sed & ipsi

& ipsi docemus, quod is qui per mutationem texturæ ejus portionem materiæ priori modificationi addit, similiter qualifcet per eandem alterationem ad exhibendum congruum Phænomenon; quamvis nemo forte suspicionem aliquam operationis, quæ corporibus in corpora est habeat. Sic exempli gratia, Spiritus distillatus ex aceto vini per virtutem acoris sui facultatum acquirat Sirupum Violarum in rubeum colorem vertendi. Verùm si coralliorum vel similium corporum solutione, quàm fieri potest, acerrimâ per Spiritum hunc facta, acorem ejus destruxeris, Liquor iste, simulac alium saporem acquisiverit, aliam simul acquirere potest, & certè habet super Sirupum Violarum, quam antea, operationem. Memini enim, quod cum experimentis meditarer illustrare hanc materiam, posteriorem illam solutionem, aliasque aceto vini factas statim, instar Salis Alcalisati vel urinosi, Sirupo Violarum

nativum cæruleum colorem non amplius in rubeum, sed in amabilem viridem transmutasse invenerim. Quibus experimentis cum ulterius insistere, inveni, quod Spiritus salis, qui apto aliquo concreto dephlegmatus, quamvis solutio ejus horribiliter austera, eundem, in Syrupum violarum effectum habuit. Sed quoniam casus, in quibus superius dicta connexio Qualitatum & Modificationum occurrit, si cum aliis comparentur, rariores sunt, non amplius illis immorabor, sed ad quatuor illa particularia, quorum modo mentionem feci, pergam.

Ac primum quidem dico, quod res possint acquirere per mixturam Qualitatis à Qualitatibus ingredientium diversissimas. Ejus exempla quam plurima afferendi dabitur occasio in sequentibus notis super particulares Qualitates, ac propterea nunc duorum vel trium, quæ in laboratoriiis Chemicis frequentiores occurrunt, meminisse sufficiat.

ficiat. e. g. Saccharum Saturni supra modum dulce est, quanquam Minium sit insipidum, Spiritus Aceti acidissimus. Ac quamvis nec aqua Regis nec crudum cuprum aliquid in se habeat cærulei, solutio tamen istius metalli in illo liquore saturato cœruleo colore apparet. Habuiquē aliquando ipse Solutionem crudi Mercurii in bona Aqua forti viridissimi coloris, qui tamen non diuturnus fuit. Et talium quidem exemplorum in sequentibus magnam, uti jam dixi, invenies copiam: Adcō ut multi errent persuadentes sibi, non alias manifestas Qualitates produci posse per mixturam, illis exceptis, quæ resident in Elementis, vel immediate è combinationibus primarum quatuor qualitatum resultant. Etenim, ne dicamus hic, quot variationes vel simplicissimorum ingredientium mixturæ producere possint; satis manifestum est, quod Natura & Ars indefinenter efficiat mixturas corporum, tam ex jam compositis

corporibus e. g. cum è cinere & arena conficitur vitrum vulgaris usus, & Natura Sulphur immaturo Vitriolo, & fortassis aliis quoq; substantiis in Marcasità jungit: quàm ex corporibus jam decompositis: quemadmodum nativum Vitriolum in visceribus terræ factum est ex aquoso liquore sale acido imprægnato & cupro vel martiali minerali arctè juncto combustibili sulphureæ substantiæ, aliique corpori magis fixæ & terrestris naturæ. Et sic quidem artifices facile possunt producere novos elegantesque colores, cum artificiosè in igne miscent partes duas Amauforum (quæ jam decomposita sunt corpora) coloris magis simplicis & primarii, quàm sunt isti, qui resultant ex eorum colliquatione. Atque iste modus ita uniens corpora non simplicia vel Elementaria fertilissimus est in producendis variis qualitatibus & Naturæ Phænomenis, si consideres quantopere variatio Proportionis eorum, quæ mixti corporis constitutionem ingrediuntur

tur, alterare Qualitates & operationes ejus possit, quodque proportio illa variari penè in infinitum possit. Sufficiant ista pro prima consideratione, nam speciatim multa, quibus confirmari ista possunt, in sequentibus duobus capitibus occurrent.

Secundo loco observo, quod tantum male fundata sit hypothesis eorum, qui existimant novas qualitates non posse introduci in mixtum corpus, vel eas, quas antea habebat, destrui, nisi per sensibilis portionis unius vel plurium Aristotelicorum elementorum aut chemicorum principiorum additionem aut ablationem.

Nam multæ possunt mutationes ad Qualitates produci in corpore absque visibili additione vel ablatione alicujus ingredientis; tantum per alterationem texturæ vel motus minimarum particularum, ex quibus consistit. Quando enim e. g. Aqua in vitro Hermeticè sigillat hiberno frigore in glaciem conversa est, eoque tam fluidi-

tatem

tatem priorem quam transparentiam
 amittit, soliditatem vero fragilitatem
 & nonnunquam opacitatem acquirit,
 quas qualitates omnes iterum, dum li-
 quescent, perdit; eo in casu quæro, quo-
 modo probari possit, quodnam ele-
 mentum vel hypostaticum principium
 vitrum sigillatum vel ingressum vel eo
 egressum fuerit, & vel per intrusionem
 vel recessum alterationes istas incluso
 in corpore produxerit. Sic quænam
 sensibilis vel accessio vel decrementum
 in fixo argento concipi potest, cum per
 solam malleationem (quæ situm & tex-
 turam partium tantum mutat) acqui-
 rit fragilitatem, quæ per ignitionem,
 quâ sensibilibiter nihil perdit, statim re-
 duci potest ad malleabilitatem? Idem
 experimentum demonstrat, quod invi-
 sibilis agitatio partium sola possit suffi-
 cere in dandis corpori, saltem per tem-
 pus aliquod, novis Qualitatibus.
 Crassiuscula enim argenti pars conti-
 nuis ictibus malleata statim acquireret

nota-

notabilem aliquem caloris gradum, quo alia corpora liquefaciet; alia exsiccat, diversaque alia producet phænomena, quæ non produceret frigidum. Possem huic addere, quod Spiritus Nitri non usque adeo violentus, accuratè quamvis phialâ, sub formâ liquoris, conclusus, superiorem phialæ partem rubris vaporibus impleat, si vel radii Solis vel alius calor commodus (quamvis exterius vitro arctissime semper clauso applicatus) Spiritus illos nitrosos in agiliorem aliquem motum deduxerit, quam habebant antea vel requirebant sub forma liquoris. Possem etiam quærere, quod acui novum elementum vel principium addatur, cum solus fortioris cuiusdam magnetis contractus eam inficit admirabili illa qualitate, qua polos respicit, & debita distantia alias acus attrahit; vel quam partem Chalybs amittat, cum per contrarium magnetis motum in-

tem-

temporis articulo magnetismo suo privatur. Subungere illis possem multas quæstiones alias: verum exemplorum, quæ confirmare secundam hanc considerationem possunt, copiam invenies partim in alio tractatu, partim in sequentibus capitibus, ut supersedere hic illis recensendis possimus.

Quare tertio loco observo, quod considerantibus nobis, quam numerosa ac varia phaenomena exhiberi possint per mixta corpora, ea, non quatenus in se talia sunt, id est, ut sunt portiones materiae, ita determinatae naturae vel texturae, sint spectanda, sed quatenus partes sunt mundi, ita constituti, uti noster hic, & per consequens ut portiones materiae inter multa alia corpora locatae. Quando enim ea ratione apta fiunt ad recipiendas à quibusdam, ex illis corporibus impressiones, aliasque in quædam illorum traducendas, illa vel ut principales, vel ut auxiliares causae disponentur ad producenda

ma-

majori numero varietateque phænomena, quàm exhibere possent, si quodvis illorum locatum esset in Vacuo, vel (si vacuum non datur) in Medio quod nullo modo vel juvare vel impedire operationes ejus posset.

Hoc partim jam probatum est in dissertatione *de Origine formarum* & porro demonstrabitur, ac propterea sufficiet, quod eorum, quæ de particularibus in scriptis istis memorata ad præsens argumentum spectant, cogitationibus atque animo hûc relata esse videantur. Quare, postquam ita expeditam dedimus tertiam considerationem procedo nunc ad quartam & ultimam quæ ista est: quod videlicet quatuor elementa peripatetica, & tria principia chimica adeò insufficientia sint ad probam rei alicujus, nedum differentium phænomenorum Naturæ rationem reddendam, ut circumspicienda nobis sint aliqua communiora principia: quodque ista è corpusculari philosopho-

Iosophia petita majoris sint utilitatis,
 fertilioraque, magisque comprehensi-
 bilia, quàm altera ista. Non equidem
 morabor hic, ut plenius repræsentem
 defectus *Aristotelica* Hypotheseos, cum
 jam in aliis tractatibus multa in eam
 rem differuerim: Veruntamen præ-
 sens hoc argumentum invitat me ad
 duo hæc proponenda. *Primum* quod
 talia *Phænomena*, videlicet, constans de-
 terminataque figura montium umbra-
 rumque in Lunà, quam Telescopia
 nostra delegant, ac mirabilis illa gene-
 ratio & interitus macularum in Sole,
 ne quid dicam de variis Planetarum
 coloribus, aliisque cœlestium corpo-
 rum qualitatibus, non possint adscribi
 quatuor elementis eorumque mixtu-
 ræ, vel Chymicis principiis, quæ ad sub-
 lunarem regionem pertinere in con-
 fesso est. *Secundum* quod multipli-
 cia sint Naturæ phænomena (de qui-
 bus alibi præcipuè in *Chimista Sceptio*,
 aliquâ ex parte actum est) quorum im-
 pro-

probabilis quidem ratio, nec à Peripateticorum, nec à Chemicorum de Elementis corporum doctrina reddi potest. Qualia sunt Ecclipses Solis & Lunæ, Satellites Jovis, proportio accelerationis descensus, quæ observari potest in corporibus cœlestibus, fluxus & refluxus maris, magnus numerus Magneticorum, Musicorum, Staticorum, Diophticorum, Catophticorum & si quæ alia adhuc genera sunt, Phanomenorum, quorum nomina ob festinationem prætermittimus.

Ac quoniam satis multa circa primam præpositæ considerationis partem diximus, vidimusque quod vulgaris circa elementa corporum doctrina non satis apta sit ad explicandas diversas Species Phanomenorum Naturæ, in gratiam secundæ partis addimus, quod opportunum jam sic circumspicere magis prægnantia & universalia principia, & quod, in particulari, illa Corpuscularis Hypotheseos, quantum ad duo illa
attri-

attributa, longe præferenda sint vulgaribus, satis, ut credo, apparebit ex responsionibus nostris ad duas objectiones, quæ restant examinandæ in duobus sequentibus capitibus, ad quæ ut eò citius accedam, minus immorandum duco objectioni hætenus examinatæ, quorum tùm in hoc, & duobus sequentibus capitibus, tùm alibi sufficientissimam ad hanc objectionem responsionem haberi suppono. Ac fateor sane, insolens & peregrinum videri posse, quod consideratio variorum motuum, & texturarum corporum, non plus conducat explicandis phænomenis, quàm sola illa notitia numeri, proportionum, quiescentium elementorum. Nam ut motus localis illud est, quod naturalia corpora disponit ad actiones mutuas, ita texture corporum sunt variæ illæ res, quæ & modificant motum agentium, & diversificant eorum effectus Naturis Patientium convenientes.

CAPUT III.

AGgrediar nunc considerandam secundam ac revera magnam difficultatem Corpusculari doctrinæ circa originem Qualitatum à me propositæ objectam; videlicet: quod incredibile sit tantam Qualitatum varietatem, quam actu ipso invenimus in naturalibus corporibus oriri posse à principiis tam paucis numero, scilicet duobus, tamque simplicibus ut Materia & Motu locali, quorum posterius tantum unum est è sex speciebus motus, quas recenset Aristoteles ejusque sectatores, qui vocant Lationem: Prius, ut est omnino uniformis naturæ, secundum nostram sententiam, diversificatum, tantum est per effectus motus localis. Pro solvendâ hâc difficultate conabor demonstrare: primò, quod ceteræ communes affectiones materiæ apertè deduci possint à locali motu, tum, quod principia ista variè sibi associata

tam

tam sint fertilia, ut vastus aliquis numerus Qualitatum ac aliorum Phænomenorum naturæ hinc resultet. Primum illorum non multum temporis pro explanatione requireret. Etenim, quando suppono, ut evidens est, quod (1.) *Localis motus* perveniens ad quasdam partes universalis materiæ, non omnino eadem via pergat, sed varias habeat in diversis materiæ partibus determinationes, sequetur, quod per motum localem ita circumscripta materia in distinctas partes debeant esse divisa, quarum una quæque finita existens, necessariò debet habere quandam (2) *Magnitudinem*, & quandam determinatam. (3) *Figuram*, vel quiddam aliud.

Ac quoniam omnes partes universalis materiæ non semper sunt in motu, quædam illarum sunt detentæ per mutuam implicationem, quædam etiam (quantum sensibus experimur) omnia quæ habuerunt communica-

runt

runt cum aliis corporibus, consequetur hinc quod quædam portiones communis materiæ existituræ sint in statu (4) *Quietis*, (sensu vulgari accepto vocabulo.) Atque hæ sunt Primariæ & simplicissimæ affectiones materiæ.

Verum, quoniam sunt alia quædam, quæ naturaliter fluunt ex istis, suntque, quamvis non omnes universales, tamen verè generales & prægnantes, subjungam illa quæ sunt maxime fecunda principia Qualitatum Corporum aliorumque Phænomenorum naturæ.

Præterea non solum majora ista materiæ fragmenta, sed & minora illa, quæ propterea *Corpuscula* vel *particulas* vocamus, habent certum localem respectum ad alia corpora, & illas situationes, quas ab Horizonte denominamus, ita ut quælibet minutorum istorum fragmentorum habeat particularem (5) *Situm* vel positionem (ut erectam, inclinantem, horizontalem &c.)

ac uti respiciunt homines, qui illa observant, illis erit certus (6.) *Ordo* vel *Consecutio*, qua ratione aliud posteriori; aliud anteriori parte constitutum dicimus, & multa fragmentorum in unam massam vel corpus collectorum habent certum junctim existendi modum, quem vocamus (7.) *Texturam*, vel voce magis comprehensivâ *Modificationem*. Ac quoniam sunt valde pauca corpora, quorum partes constituentes, propter irregularitatem vel differentiam figurarum vel alias rationes, invicem se possunt tangere, adeò quidem accuratè, ut nulla relinquantur intervalla, eam ob causam omnia pene consistentia corpora & fluidorum aliqua, quæ crassioribus partibus constat, continebunt (8.) *Poros*, & quoniam multa corpora particulas habent, quæ propter exiguitatem vel non adeò firmam cum majoribus vel fixioribus corporum partibus, ad quas spectant, habent coherrentiam, facilius agitantur & se-

pa-

parantur à reliquis per calorem vel alia agentia ; Magnus erit corporum numerus , quæ emittunt subtiles emanationes , quas communiter vocamus (9.) *Effluvia*. Et quemadmodum istæ conventiones simplicium corpusculorum , quæ apta nata sunt ut sibi inhæreant atque inter se mutuò complicantur , constituunt durabiles & difficulter dissolubiles ramulos particularum , quæ vocari possunt primariæ concreciones vel elementa rerum : ita illæ ipsæ inter se misceri possunt atque ita constituere composita corpora, atque ista resultantia corpora per misturam cum aliis compositis præstare possunt elementa decompositorum Corporum , viamque monstrant qua natura variat materiam quam vocamus (10.) *Mixturam* vel Compositionem, non quod istud nomen ejus tam propriè quàm primariis Corpusculorum

concretionibus competat, sed quoniam
 pertinet ad multitudinem associatio-
 num & differre videtur à *Textura* (quâ
 cum in tantum affinitatem aliquam
 habet, in quantum fortassis reduci in
 illam potest) eatenus, quod semper in
 mixturis non vero in texturis requira-
 tur Heterogeneitas partium constitu-
 entium. Tum unaquæque distincta
 materiæ portio, sive sit corpuscularis
 vel primaria concretio, sive corpus pri-
 mi vel alterius cujusdam ordinis mix-
 torum, non debet considerari ac si esset
 posita in vacuo, neque ut relationem
 tantum habet ad corpora vicina, sed ut
locata est in universo, eo modo uti videmus
constituto inter innumeram aliorum
 corporum multitudinem, quorum ali-
 qua propria illi, aliqua remotissima;
 aliqua magna, aliqua parva; aliqua par-
 ticularia, aliqua universalia agentia,
 quæ tamen omnia diriguntur tam per
 (II) *universalem rerum fabricam*, quàm
 per

per *leges motus* ab autore Naturæ in hoc universo ordinatas.

Jam itaque Pyrophile, enumeratis undecim istis generalibus affectionibus materiæ, quæ cum ea ipsa duodecim variationis principia in corporibus efficiunt; permitte, ut à parte *Corpusculariorum* ad *originem qualitatum* applicem comparisonem aliquam veterum *Atomistarum*, quæ à Lucretio ac aliis adducitur ad illustrandum modum illum, quo infinitus corporum numerus è tam simplicibus materiæ fragmentis, qualia atomos esse putant, producitur. Quemadmodum enim 24. litteræ Alphabeti tam variè inter se pro literarum numero & locatione junctæ, omnium quotquot in orbe sunt, linguarum vocabula formant; eundem in modum, ajunt Physici illi per variam atomorum, eo numero, figura, motu in massas & concreta certa conjunctionem innumerabilem effici posse diversorum corporum multitudinem. Quare si i-

stis quatuor affectionibus materiae, quas modo vocavi maxime primarias & simplices, addamus septem alios modos, quibus alterari potest, qui sunt, quamvis non omnes, plurimi tamen catholici, habebimus undecim principia adeò fecunda, ut à variis eorum juncturis longe amplior multitudo *phænomenorum*, interque ea *Qualitatum*, oriri possit, quàm credat aliquis, qui non satis attento animo materiam consideraverit. Atque ut tibi hoc persuadeam, tria hæc perpendenda tibi proponam.

Primum est, quod præsupposito: decem ista principia tot esse literas Alphabeti, quæ variè ratione numeri atque ordinis inter se jungi possent: combinationes eorum longè numerosiores futuræ sint, quam credideris, si ignoraveris, quomodo per calculum numerus diversarum conjunctionum in decem rebus propositis possit investigari. Quàm optimè, quantum ego quidem scio

scio res illa fieri potest per *Algebram*,
 five Symbolicam Arithmeticam, unde
 apparet, quod ex paucis rebus tam mul-
 tæ fieri possint (α) associationes, qua-
 rum quælibet à quâlibet alia discrepat,
 five ratione numeri rerum consociata-
 rum; five ratione ordinis, quo exhi-
 bentur.

Verùm quilibet ex decem illis
Phænomenorum productoris (quod
 secundum est notabile) admittit va-
 rietatem vix credibilem. Namque ut
 non descendam ad insensibilia corpus-
 cula (quorum multa requiruntur ut
 constituent unum Sinapis granum)
 quam innumerabilis multitudo, quam
 diversæ magnitudinis concipi potest,
 inter quantitatem acari alicujus (quo-
 rum magna etiam copia vix grano ap-
 penditur) & montem vel corpus Solis,
 quod 160. vicibus quantitatem globi
 terreni excedit?

Porro quamvis (β) Figura sit ali-
 quis è simplicissimis modis materiæ,

potest tamen *partim* ratione superficiei,
vel superficierum figuratorum corpus-
culorum, (quæ consistere possunt è
Triangulis, Quadratis, Pentagonis &c.)
& *partim* ratione formæ corporis ipsius,
quod potest esse vel planum, ut caseus
vel trochiscus; vel sphæricum, ut,
Glans plumbea; vel Ellipticum, ferè ut
ovum; vel cubicum, ut tessera lusoria;
vel cylindricum, ut volvulus; vel acu-
minatum, ut pyramis aut panis saccha-
reus; his aliisque modis magnam pro-
ducero multitudinem differentiarum,
ut, quod illam ejusque affectiones atti-
net, *Euclides, Apollonius, Archimedes, Theo-
dofius, Clavius* eoque posteriores, tot pro-
positiones inde demonstrarint. Et
tamen hætenus nominatæ figuræ con-
sideratione dignæ vix videntur, si irre-
gulares formas spectes, quales occur-
runt in asperis, hamatis & ramosis par-
ticulis &c. quas etiam invenias inter
corpuscula & corpora, nomine suo pro-
prio plerasque carentes; cum multi-
tudo

tudo earum & varietas omnem numerationem, nedum appellationem excludat.

Huic addere mihi liceat, quod istæ varietates Figuræ & Formæ inserviant ita modificando motui aliisque affectionibus corpusculi eis præditi, vel compositi corporis cuius partem constituit.

Jam quod (γ) Forma atque adeo quantitas corporum vel parvorum vel magnorum, supra quàm dici potest, diversificet eorum naturam & operationem, sæpius datâ occasione, demonstrabo: quare nunc tantum crassius aliquod ejus exemplum tibi sum daturus, rogitans, ut perpendere tecum velis, quot diversas instrumentorum species, quorum unumquodque ad multas easdemque distinctas operationes aptum Fabri aliique ignobiliores opifices formare possint ex fragmentis ferri, tantummodo per variationem quantitatis & Figuræ. Eorum si nominamus

aliqua, videlicet, Calamiftra, Furcas, Enses, Uncos, Incudes, malleos, Limas, Radulas, Scalpra, cochleas, Trochleas, Serras terebras, terebellas; longè tamen majorem illorum numerum indictum relinquo.

Eodem modo (2) Motus, quod videtur adeò simplex principium in simplicibus corporibus, multum variari in illis potest. Nam vel magis vel minus accelerari potest, & quidem pene infinita graduum differentia. Vel enim simplex esse potest, vel compositus, uniformis, difformis, & præcedere vel sequi major illa celeritas potest. Corpus moveri potest vel in rectâ vel in circulari aliâve curvâ lineâ ut Elliptica, Hyperbolica, Parabolica &c. quas singulas quidem descripserunt, Geometræ, sed longè plures dari possunt. Variari etiam potest motus Corporum ratione situs aut naturæ corporis, quod in illa incurrit, prout vel reflectere vel refringere, vel utrum-

que

que facere, & diversa quidem ratione aptum est. Potest itaque corpus habere modum undulatum & quidem vel magis vel minus talem: vel rotationem circa proprias partes centricas; vel rotationi junctum motum Progressivum, quorum vel alter alteri æqualis, vel eo pene infinitis proportionibus celerior. Quod determinationem motus attinet, Corpus moveri potest vel directè sursum, vel deorsum, vel per quandam declinationem, vel Horizontaliter, ad Orientem, Occidentem, Septentrionem, Austrum &c. pro ratione situs corporis impellentis. Deinde præter illas aliasque modificationes motus simplicis Corpusculi vel Corporis, cujus *Phænomena* vel Effectus ita diversificantur, uti jam tum notavi; per magnitudinem ejus & figuram nova accidit, & magna varietas *Phænomenorum* cum diversa corpuscula, ut ut primogenia, eoque magis si composita, semel & simul moventur: atque sic mo-

tus in singulis corporibus consideratur. Nova enim diversificatio orietur à majori vel minori numero corpusculorum moventium; ab eorum se excipientium mutuâ juncturâ vel potius distantia; ab ordine quo se invicem excipiunt: ab uniformitate motus eorum, vel confusione; ab æqualitate vel inæqualitate quantitatis, similitudine vel dissimilitudine Figuræ; ab angustia vel capacitate &c. canalium vel locorum in quibus moventur; ab æquali vel inæquali celeritate motus, & violentiâ impulsus eorum. Atque isti effectus eorum omnium variantur à diverso situ & structura sensoriorum, vel aliorum corporum, quibus illa corpuscula alliduntur.

Quod alibi diximus nos demonstraturos, Localem motum post autorem Naturæ esse primum agens in productione phænomenorum, ea in re satisfieri tibi posse spero; quod diversitas motus corporum possit producere

tam

tam mirabilem varietatem in natura & qualitatibus ipsorum. Et quemadmodum modò faciebam, ita & nunc adumbrabo sententiam meam, id te rogans, ut præfenti negotio accommodes, quod quotidie observas in arte Musica. Nam quemadmodum chordæ aliaque instrumenta musica vel magis vel minus celeriter tremunt: ita aëri vibrantem aliquem motum vel magis vel minus agiliorem imprimunt & producunt diversitates illas Sonorum, quos Musici in certas notas distinxerunt, quibus ita subdivisis distincta illa nomina imposuerunt. Ac quamvis corpora, unde soni isti formantur possint diversæ esse (*) naturæ, ut chordæ metalinæ ex intestinis animalium confectæ, campanæ, humanæ voces, fistulæ lignæ &c. tamen quoniam aëri similem motum undulatorium imprimunt, sonus & character ejus convenient: quod ostendit, quantum magna illa varietas, quæ in sonis deprehenditur, motui lo-

cali debeat. Quod si sonus ab aliquo
instrumento e. g. chely formatur, in
quâ non una tantum chorda sonum
suum habet, sed multæ inter illas di-
stinctos Tensionis gradus, & jam hæ,
jam illæ simul pulsantur: quò fit, ut
jam plures jam pauciores, jam nullæ
plane vibrationum istarum coincident,
illæ ita stringent aërem, ut producant
interdum jucundos istos sonos quos
harmonicos vocamus, nonnunquã du-
ros illos, quos dissonantes appellamus.

Multum temporis mihi infumen-
dum esset, si unicuique è decem reliquis
materiæ affectionibus, quas modo enu-
meravi, & ut mirè fœcundas exhibui,
immorari ulterius velim: Quæ alibi
tradidi de solis Poris variisque Phæno-
menorum speciebus, ad quæ illi aliquid
conferant, addere in non exiguam con-
firmationem possem istis, de quibus ha-
ctenus dissertavi, nisi vererer, ne in ni-
miam molem chartæ excrescerent: qui-
bus proinde potius supersedebo, cum,
quæ

quæ jam eam in rem dicta sint, quamvis breviter tractata, sufficientia arbitror, ut persuadeant tibi, principia hæc ita esse comparata, ut longe possint esse fertiliora, quam sibi aliquis de paucitate illorum promittat. Atq; hæc persuasio juvabitur, si consideraverimus, quanta varietas non solum per diversificationes, quarum unumquodque principium (ratione attributorum eò spectantium initâ) capax est, produci possit; sed multo magis per distinctas (&) combinationes, quæ inde oriuntur, uti & speciatim attendendum, quod tam externi quàm interni sensus nostri ita sint constituti, ut ferè unumquodque earum diversificationum vel modificationum possit producere distinctam impressionem in organa, & respondentem huic perceptionem in Facultate discernente, quarum perceptionum multæ, speciatim si suis nominibus distinctæ ad seriem particularium Qualitatum pertinent.

CAPUT IV.

Tertia ultimaque difficultas, quæ consideranda nobis relinquitur, modo proponi potest: Quod, quando secundum *Corpuscularem* Hypothesin, non solum una vel duæ qualitates; sed omnes procedunt à magnitudine, Figura & Textura minutarum partium, materiæ: consonum etiam istis principiis sit, quod si duo corpora una eademque qualitate conveniant, atque ita & structura, unde ista Qualitas dependet: necessum sit ita quoque in aliis Qualitatibus convenire, quoniam istæ similiter dependent ex structura, in quâ conveniunt, & per consequens vix possibile erit concipere, quod duo talia corpora sint prædita tot differentibus Qualitatibus, ut Experientia nos docet.

Ut illustretur hæc objectio exemplo: albedo Spumæ provenire dicitur à multitudine & hæmisphærica figura.

bul-

bullarum congregatarum. Et si hæc vel alia mechanica fabrica, seu textura sit causa albedinis; unde fit, quod quædam corpora alba sint inodora & insipida, ut Calx, Cornu Cervi; alia gravis odoris & saporis, ut Sal volatile, cornu cervi vel sanguinis; alia dissolubilia in aqua, ut Sal Tartari; alia indissolubilia in isto liquore, ut Cornu cervi calcinatum; alia fixa in igne, ut corpora jam dicta; alia fugitiva, ut Sal Armoniacum pulverisatum; alia incombustibilia, ut Sal Tartari; alia facile inflammabilia, ut Camphora. Quibus plura exempla corporum alborum addi possent, si necessarium videretur.

Magna, ut verum fatear, ista difficultas est, quæ vel exercitatoribus in Corpuscularia philosophia scrupulum injiciat. Quare, ut ad responsum me accingam, quatuor hæc proponam consideranda.

I. Ac primum quidem hoc considerabo, quod in Poris visibilibus solidorumque corporum sæpe possint delitescere invisibilia & heterogenea corpuscula quibus particularis aliqua qualitas, quæ non pertinet ad corpus, quâ tale adscribi potest. Illud videmus in chirothecis odoratis, in quarum poris particulæ odoriferæ reconduntur, quæ alius naturæ sunt quàm corium, & totæ adventitiæ; istâ tamen adeo laudatâ fragrantia eas inficiunt. Simile exemplum habemus in vino rubeo cum baccis Rubi Idæi præparato: gratissimus enim odor ille communicatur vino à corpusculis baccarum, minimis particulis per totum vinum diffusis.

II. Secundum quod considero illud est: quod sæpe numero corpuscula diversissima, si apta sint, ut inter se congregentur, vel certa quadam ratione sibi apponantur (quod tamen non requirit radicalem aliquam in Essentiali eorum structuram mutationem, sed

cer-

certam tantummodo juxta positionem, vel peculiarem aliquam compositionis speciem) non obstante Essentiali eorum differentia eandem exhibere qualitatem possint. Invisibiles enim istæ mutationes in minutis & forte indiscernibilibus partibus solidi corporis sufficere possunt ad producendas tales alterationes in ejus textura, quales novas qualitates inferre possunt, & per consequens diversas à qualitatibus aliorum corporum ejusdem speciei vel denominationis; atque ideò quanquam remaneat tantum prioris structuræ, quantum necessarium est ad retinendam denominationem, potest tamen admittere alterationes, quæ novis qualitatibus producendis sufficiunt. Ita quando fragmentum ferri violentâ malleatione concutitur, quanquam semper ferrum eo in statu perduret, nec ratione structuræ visibiliter alteretur; In insensibilibus tamen ejus partibus tam vehemens agitatio potest excitari, ut ob calorem ne manibus quidem teneri queat.

Simi-

Similiter, si malleaveris oblongum & tenue argenti fragmentum, quanquam texturæ mutatio non sit visibilis, fragilitatem aliquam acquireret, dissilietque quod antea in eo non deprehendebatur. Quod si vero, post malleationem per tempus aliquod prunis impositum refrigerescere siveris, quanquam oculis æquè ut antea forte non percepturus sis alterationem texturæ per ignem factam; tamen invenies vim elasticam, destructam.

Si in superficiei corporis oriatur, vel protuberet multitudo acutarum & rigidarum partium densius sibi appositarum vel junctarum, sive ferrum sit, sive argentum vel lignum, aut quælibet alia materia, exstantes illæ & rigida partes efficient, ut omnia illa corpora eandem qualitatem asperitatis exhibeant.

Quando vero omnes illæ exstantes partes (Physicæ) superficiei ad æqualitatem cum reliquis sunt reductæ;
ita

ita ut cœquatio (ut ita loquar) facta sit omnium superficialium partium corporis; jam sufficit, ad priorem illam asperitatem tollendam & novam, contrariam qualitatem inducendam, quam Lævitatem vocamus. Quæ si accurata exquisitaque sit, accideritque superficiei opaci corporis, quod compactæ solidæque texturæ est, aptumque ut radios lucis aliorumque corporum incidentes non turbatos reflectat, sufficit ad speculari corpus reddendum, siue sit chalybs, siue argentum, vel cuprum, vel marmor aut lapis aut argentum vivum &c.

Quod si, ut priori capite aliâ occasione notavi, corpus aliquod ita compactum extensumque, ut debitè motum ab alio corpore Aëri incutere undulatorium motum possit, & ita quidem fortiter, ut ferire aures nostras possit, nos illud *sonorum* vocamus, siue campana sit, siue chordæ vel metallinæ vel ex intestinis animalium confectæ &c. Quin

&c. Quin &, si undulatorii illi motus, qui aëri a tam diversis corporibus sunt impressi, sint æquales, corpora illa non solum in genere sonum aliquem dabunt, sed & particularem illum soni gradum, quem vocamus eandem Notam.

Hic jam considerandum est, quod extra peculiare & essentielles modificationes, quæ constituunt corpus & distinguunt à reliquis omnibus, quæ non sunt ejusdem speciei, possint esse certa quædam alia distributa, quæ nos vocamus *Extra essentialia*; quæ possunt huic corpori cum multis aliis esse communia, & unde dependere possunt istæ magis externæ affectiones materiæ, quæ jam hanc, jam illam relationem ad alia corpora inducere possunt, quarum Relationum multas nos Qualitatum titulo appellamus.

Hujus ego evidens exemplum in productione caloris dabo. Nam quando sufficiens & confusa agitatio
in-

introducenda est in insensibiles corporis partes, siue id ferrum, siue cuprum, siue argentum, vel lignum, vel lapis sit; ea citra destructionem naturæ corporis, quod illam admittit, aptum illud reddet pro tali operatione in sensum Tactus nostri, vel in alia corpora facile fusibilia (ut Butyrum, Cera &c.) qualem nos appellamus calorem.

Atque ita quod instantiam illam vel objectionem circa albedinem attinet, accidentarium est plane illi Qualitati, quod corpuscula, unde ea procedit, hemisphærica sint. Nam quamvis contingere potuerit; ut ita in aqua in spumam agitata fuerint; in aqua tamen congelata, & in minutas partes contusa, corpuscula omnes formarum species admittere possint; cum pulvis tamen sit albus. Et cum sufficiat ad productionem albedinis, quod lux incidens copiosè & imperturbatè quoquo versus reflectatur à corpore reflectente;

non

non refert, an corpus sit aqua, in vinum album, vel alius quidam clarus liquor in spumam conversus, vel glacies, vel vitrum, vel cristallus, vel Resina clarificata &c. in pulverem comminuta; quoniam absque dissolutione Essentialis texturæ in diaphanis istis corporibus, sufficit comminutio in grana numerosa, atque adeò exigua, ut ob multitudinem superficierum suarum & aëris (vel alterius fluidi) quod intercedit inter illa, radiorum lucidorum transitum impedire possint, & quoquo versus tam copiosè quàm imperturbatè reflectere.

Fortassis hic non inconueniens erit, si addamus, alias posse esse catholicas affectiones corpusculorum, præter formam vel structuram illorum, quarum virtute aggregata ex talibus quæ sunt, (quoad sensum) homogenea diversas qualitates exhibere possunt: nam exempli gratia, alias habebunt in celeri; alias in languidiori motu; alias in quiete constituta. Sic, si nitri partes

partes sufficienter per ignem in crucibulo agitata, illud non solum fluidum, sed pene aquæ instar transparens est; quod si frigore consistit durum & album corpus iterum assumit. Et Butyrum quod opacum est, ut solet vulgo adhiberi, cum funditur, diaphanum fieri potest. Sic magna quantitas Alabastri contusi (de quo infra dicendi occasio dabitur) quæ aliàs formam albi pulveris immobilis retinet, si debito modo calori exponatur, multas præcipuarum qualitatum corporis fluidi (& quidem citra reductionem ad fusionem) obtinet. Quod si bono Spiritu Nitri vel Aqua forti vitrum ad medietatem impleveris, nullam exhibebit rubedinem, (quanquam optimè dephlegmata sit) vel alium vicinum colorem in vase; Verùm si paululum calefeceris vel fragmentum aliquod ferri aut argenti injeceris, ut liquorem in motum deducat, tum Spiritus illi nitrosi, deposita liquoris formâ, & sub fumi specie

C

ascen-

ascendentes, omnes superiores vitri partes saturato flavo vel rubro colore apparere facient.

III. Tertium quod considerari abs te velim illud est, ut ad ea respicias, quæ proximè præcedenti sectione proposui de corpore, in ordine ad productionem Qualitatum non modo in se considerando, sed ut locatum est in aliis, & portio est universi. Verum de ista quidem materia plurima dixi in jam memorato discursu, inque illo loco, quorsum te remisi, ut nunc tantum in memoriam tibi revocare velim, multa è particularibus, quæ ibi occurrunt, applicari ad præsens negotium posse.

IV. His omnibus ultimo loco addere mihi liceat, quantum ad partem illam magnæ istius objectionis, quam expeditam damus; quæ urget difficultatem explicationis corpuscularium Principiorum, quomodo exempli gratia, idem corpus cujus structura talem illi formam largitur, quæ apta est
ad

ad exhibendam albedinem, possit eodem modo habere alias qualitates, quæ non videntur affinitatem habere cum albedine. Quod possimus hunc scrupulum remove per ea, quæ jam differuimus, in specie, si aliam illi considerationem subjungamus. Nam si corpuscula absque perditione texturæ, quæ illis essentialis est, possunt (uti jam demonstravimus) habere formas, vel superficies suas, vel situm mutatum, atque ita admittere alterationes (in specie si hæc corpuscula efficiunt aggregatum aliquod vel congeriem) quantum ad motum vel quietem; quantum ad hos vel illos gradus vel alias circumstantias motus, quantum ad laxitatem & densitatem partium, & diversas alias affectiones: quomodo ut impossibile concipi possit, quod unumquodque (quamvis non indivisibile) corpusculum, & multò magis aliquod è corpusculis aggregatum possit per aliquas illarum vel similium

mutationum, quæ, ut dicebam, non destruunt Essentialem Texturam, præparari ad producendas diversas alias qualitates, extra illas, quæ necessariò inde profluant. Speciatim si consideramus (quod nunc addam) quod Qualitates vulgò vocatæ sensibiles, & multæ aliæ, quæ ex nostra sententia tantum sunt relativa attributa, aliqua ex jam dictis istis alterationibus, quamvis tantum mechanica, possint obvio sibi corpori impertire novas relationes tam ad organa sensuum, quam ad alia corpora, & per consequens accessorias qualitates.

Si à bonâ Venetâ vel alia Terebintina placida evaporatione abstraxeris tertiam circiter partem totius ponderis, obtinebis pulchrum transparens, & ad ruborem vergens Colophonium. Hoc si in pulverem redegeris, & colorem & perspicuitatem amittet, dabitq; opacum albissimum pulverem. Quem si moderato colori exposueris, statim & absque ullâ violentia colorem & per-

perspicuitatem recuperabit, & fluorem acquireret. Quod si ita liquefacto extremitatem pennæ vel arundinis paululum infra superficiem immiseris, atque subtiliter insufflaveris, bullas excitabis, plane variis vividisque coloribus adornatas. Quando post fluiditatis amissionem blandè calidum est, eo in statu viscositatem aliquam deprehendes, cujus beneficio æquè ut gluten extrahere in fila poteris; verum simulacrefruxerit, valde fragile evadit. Et si dum calet adhuc formam illi Prismatis triangularis quantitate convenienti dederis, plane instar vitri triangularis varietatem colorum repræsentat. Quamdiu colophonium illud frigidum est, & partes ejus non sunt in convenientem motum deducta, stipulæ aliæque levia corpora ab illo immobilia servari possunt; verum si per attritionem exigua partes in convenientem agitationem deduxeris, quamvis forte in Colophonio sensibilis calor non per-

cipiatur, Electricam aliquam qualita-
tem spargit, promteque crines, stipulas
&c. attrahit, quæ prius moveri ab eo
non poterant. Pleraque ista, nisi fal-
lor, effici etiam possunt resina clarifica-
ta, cujus tamen experimenti adeò cer-
tus non sum.

Huic exemplo aliquod super ad-
dam, quo videbis idem corpus, quod
Chimici ipsi pro Simplici & homoge-
neo venditabunt, virtute formæ suæ a-
liarumque mechanicarum affectionum
(nam factitium corpus est, perque de-
structionem naturalis alicujus confe-
ctum) tam diversos habere posse respec-
tus ad diversa sensoria, & Poros &c.
diversorum aliorum corporum, ut spar-
gere distinctas adeò vereque differentes
Qualitates possit. Exemplum, de quo
loquor, præbuit mihi distillatio Urinæ
putrefactæ. Nam quanquam urina
ista jam perdiderit priorem texturam,
antequam distillata fuerit, tamen cum
duas vel tres distillationes pro de-
phlegmatione subierit, Spiritus ejus ve-
hiculo

hiculo phlegmatico supernatantes
 pungitivam falfedinem in lingua ha-
 bent, & violentum ac multorum olfa-
 ctui infestum odorem, qui si ab aqua se-
 parati, oculis sub albedine apparere so-
 lent, ac in teneris partibus, ut excoria-
 tis vel Conjunctivis acutissimi sensus
 sunt, & Caustici, ne dicam, ignis instar
 urere videntur, ita ut subito pustulas in
 lingua, quæ ante contactû eorum non
 erat excoriata, inde ortas viderim: eæ-
 dem salinæ particulæ invisibiliter ocu-
 los petentes, eos ad lacrymas usq; velli-
 cant; cumq; naribus ingeruntur, sæpe
 numero magnam cerebri aliarumque
 corporis partium commotionem, quam
 sternutationem vocamus, efficiunt. Ea-
 dem corpuscula per odorem solum fœ-
 minam Hystericis passionibus laboran-
 tem in momento sæpe restituunt, at-
 que ita numerari inter specifica pessimi
 istius & multiformis morbi remedia
 possunt, quanquam etiam in aliis mor-
 bis, ut alibi demonstravimus, nota-
 bilem præstare medicinam possint.

Eadem in corpus humanum assumpta, qualitates habent, quas in aliis remediis diaphoreticas & diureticas dicimus: Limaturæ cupri superfusa elegantem colorem cœruleum; cœruleis vel purpureis multarum plantarum succis instillata statim viridem colorem producant; infusa cupro vel crudo vel calcinato, promptè, ut solent corrosiva menstrua in alia metalla operari, illud dissolvunt; & eadem tamen debitâ proportionè cum salibus acidis talium menstruorum mista, corrosivitatem suam destruendi potentiam habent, sique immiscentur solutionibus per talia menstrua factis, corpora in illis soluta (paucis casibus exceptis) præcipitandi vim habent.

Possem hic addere, Pyrophile, quomodo eadem particulæ applicatæ singulis aliis corporibus, ad quæ differentes respectus habent, tot distinctas in ea operationes habeant, quot aliarum qualitatum nomina salinis istis Spiritibus.

tibus imponunt. Verum hoc in loco ea omnia enumerare tædiosum foret, præsertim cum jam adeò multas Qualitates in sale hoc spirituosò residentes nominaverim; quas ideò hic eò libentius adduxi, quoniam, cum factitium corpus sit, & ex putrefacto confectum, atque ita simplex, ut ullum Sal chymicum (quod, uti nostri, Spagyrici constituunt unum è tribus corporum compositorum principiis) minori cum scrupulo sententiæ te nostræ ad stipulatum, credo, quod scilicet virtute mechanicarum affectionum operetur. Quod ut eò magis tibi persuadeam, hoc addam, quod si urinosum hoc sal cum particulis Salis communis (quod æquè factitium est, & à Chemicis pro simplici principio concreti, quod præducit, habitum) conjunxeris; duo hæc inter se debita proportionem mista, & lentæ combinationi permixta, sociabuntur in corpuscula, in quibus Sal urinosum plurimas qualitates, quas illi adscripsi,

amittit, cumque acido spiritu componit, ut sæpe expertus fui, corpus parum differens à Sale Armoniaco; quæ magna immutatio nulli probabilius adscribi potest causæ, quam mutationi figuræ & motus (ne hic addam quantitatem) Salis urinosi, quod illam immutat, hujus vero magnam partem per combinationem cum acido spiritu perdit. Et ut utrumque contingere posse confirmem; sæpius lente exhalare feci non tam *totum* quam *superfluum* liquorem à mixtura quadam spiritus urinæ, & Spiritus Salis, debita proportionem facta, ac inveni, prout conjeceram, in fundo salem, non tantum multò magis volatilem, quam est volatile illud urinæ, sed & visibili figura sua penitus à figura volatilium crystallorum urinæ diversum, ita, ut compositum illud Sal instar pectinis vel plumæ fuerit maxima parte figuratum,

Si post omnia illa quæ diximus vel addamus vel inculcemus, quod Extræssenciales mutationes, quæ possunt fieri in figura, textura & motu &c. corporum quæ conveniunt in sua Essentiali modificatione, non solum disponere illa possint, ut immediatè per se diversâ ratione in differentia sensoria operentur, aliaque corpora, quorum pori &c. diversam constitutionem habent, sed & ut alias recipiant impressiones, quam antea habuerunt vel recipere consueverunt à magis Catholicis Naturæ Agentibus: Si inquam, omnia ista, quæ tradita in tota hac dissertatione fuerunt, considerata tibi proponam, videre tibi, uti spero, hinc licebit propositum in initio ejus scrupulum, non esse adeò pro philosophia nostra perplexum, ut hinc forte persuasum fuit.

Tres istas difficultates partim in hac, partim in præcedentibus duabus sectionibus consideratas hoc
potis-

potissimum loco (nam in diversis aliis locis librorum meorum invenies quædam, quæ habitæ dissertationi applicari possunt, & hûc sunt referenda) disquiri abs me arbitrabar; partim cùm dubia ipsa magni sint momenti, nec ab aliis, quod meminerim debitè excussa; partim quoniam, si referantur, quadam ratione ad corpuscularem Hypothesin in genere, discussio illorum conducere possit ad multa, quæ scripsi circa originem formarum & qualitatum (quibus proinde ut appendix jungi potuit) confirmanda, & ut multæ particularium qualitatum, in quibus ego tradendis occupor, & fortassis multa alia Naturæ phænomena, rectius intelligi & explicari possent.

DE
SYSTEMATICIS
VEL
COSMICIS
RERUM
QUALITATIBUS.

Systematicis vel Cosmicis Rerum Qualitatibus.

C A P U T I.

CRedo, Pyrophile, quod titulo hujus dissertationis aliquantum detentus statim à me quaesiturus sis, quid per *Cosmicas* vel *Systematicas Qualitates* intellectum velim; cum ipsa nominis novitas, ut dicam quæ sentiam, aut quomodo dispertiri eas velim, requirere videatur.

Ut respondeam tam justæ quaestioni, discas velim, eam mihi esse sententiam, quod *Qualitates* particularium Corporum (non enim hîc loquor de magnitudine, figura & motu, qui sunt primitivi modi, & ipsius *Materiæ Affectiones Catholicæ*) maximâ sui parte consistant in *Relationibus*, quarum intuitu unum corpus aptum est,
ut

ut agat in aliud, vel ab illo patiat^{ur} & impressiones recipiat. Sic Argentum vivum habet qualitatem vel potentiam (qualitatem enim hic largiori sensu accipio) dissolvendi aurum & argentum, ac capacitatem vel dispositionem, ut per aquam fortem & per aquam Regis (quanquam per hanc non adeo expeditè) dissolvatur. His ita præmissis ulterius observo, quod, quamvis in æstimandis qualitatibus corporum naturalium, considerare tantum soléamus potentiam, quam particulare aliquod corpus agendi in aliud habet, vel capacitatem patiendi ab his vel istis particularibus corporibus, cum quibus manifestum aliquod commercium in dandis vel recipiendis impressionibus habere cognoscitur; quædam tamen possint esse attributa, quæ particulare aliquod corpus & diversas alterationes, quibus colligari potest, concernant, non tantum ad modum Qualitatum illarum, quas ut
evi-

evidenter inhærentes indicamus; vel respectuum illorum, quos habent ad alia particularia corpora, ad quæ manifestam habere relationem videntur; sed ratione Systematis ita constituti, ut orbis noster est, cujus fabrica ita est comparata, ut diversa possint esse occulta Agentia, quæ imperceptibili aliqua ratione magnam habere agendivim possunt in corpus, quod consideramus, & operandi in eo alterationes, aptumque reddendi, ut talibus alterationibus in alia corpora operetur; quales effectus rectius adscribi possunt quibusdam occultis agentibus, quàm aliis istis corporibus, cum quibus corpus propositum rem habere creditur. Ita ut, si diversa corpora locata simul essent in vacuo, vel simul remota ad imaginaria illa spatia, quæ extra fines universi fingunt Scholasticorum multi quanquam multas Qualitates, quibus nunc pollent, retinere possint, non tamen omnes servatura sint;

5.
sint : Sed si prioribus suis orbis hujus
locis restituerentur, novum acquisitura
sint fundamentum Facultatum vel Po-
tentiarum & Dispositionum, quæ quo-
niam dependent ex inobservatis relati-
onibus & impressionibus, quas corpo-
ra ista debent determinatæ Fabricæ
magni Systematis mundani, commo-
dum credidi, si, usque dum commo-
dius fortè se offerat, Cosmicarum vel
Systematicarum Qualitatum nomine
appellarem.

Jam tum in Dissertatione de Ori-
gine Formarum de negotio præsent
egi; verum aliâ ratione, uti nunc fiet.
Nam, cum, quod illic præcipue (obiter
tamen) ago, illud sit : *Quod in corpus
aliis corporibus circumdatum manifestè a-
gant multa illorum corporum, inter quæ
est locatum* : Præcipue in hoc Discursu
considero impressiones, quas corpus
recipere potest, vel potentiam quam
acquirere potest ab istis vulgo incogni-
tis vel saltim inobservatis agentibus,
qui-

quibus ita, non solum pro modo peculiaris texturæ vel Dispositionis, sed & virtute generalis Fabricæ mundanæ afficitur.

CAPUT II.

QUamvis magnorum corporum mundanorum multæ sint, diversæque leges & consuetudines naturæ quæ (magis vel minus) concurrere queant cum Phænomenis Qualitatum, de quibus nos agimus ; Tamen, quoniam distincta specialisque earum inquisitio prolixiorum discursum, quàm breviscula hâc commentatione contineri potest, habilioremque quàm noster est, calamus requirat : Non opportunum tantum credidi, ea, quæ circa leges & consuetudines naturæ, quantum ad præsens negotium, mihi occurrerent, ad alium reservare discursum, vel quandam hujus appendicem ; Sed & significare, quod, cum tria illa vasta corpora, quorum plurimæ

mæ inobservabiles operationes ac alterationes maximè notabiles influxus in Qualitates illas, de quibus agimus, habent, sint vel subterraneæ partes Globi, quem inhabitamus, Stellæ vel fixæ vel erraticæ cum Æthere circumstante, & Atmosphæra vel Aër, in quo vivimus, prævideam fere necessitatem illam, quæ Experimenta & observationes, circa tria illa subjecta à me collectas ad particulares, rejicere tractatus jubeat. Illud itaque in præsentī discursu præcipuè mihi datum esse negotii arbitror, ut considerationes quasdam, quæ viâ magis generali quasi introductoriæ sint ad subjecti, de quo agimus, clariorem notitiam, proponamus. Quibus, cum tempus occasioq; permittit, addere particularia quædam possum, quæ, quamvis forte non adeò directè & propriè omnia, ad proposita illa Discursus capita pertinere videre possint : à conatu tamen propositoque nostro minimè alienæ erunt, & istâ

istâ quidem ratione locus iis concedi potest.

Ne vero forte cogites sub nomine Cosmicarum Qualitatum Chimæras aliquas nos in Philosophiam naturalem in ducturos: In tempore monendus es, quod multa particularia, quæ in sequenti differtatione tibi occurrerent ab ista suspitione me facile liberatura sint : Ut quæ ob oculos tibi ponere poterunt, non meras fictitias esse has Qualitates, sed eas, quarum existentiam non tantum speculationibus non adeò absurdis, sed & ipsis experimentis & phænomenis naturalibus demonstrare possum. Atque ut errores qui suboriri possunt, præveniam, hoc observare te velim, quod sub nomine Catholicarum & absconditarum Causarum ac Agentium non solum invisibiles materiæ portiones comprehendam, sed & firmatas universi leges, vel illud quod, vulgo *Ordinarium Naturæ cursum* vocamus. Cumque de inobserva-
tis

tis agentibus vel causis sermo mihi est, non semper eas intelligo, quarum notitia nulla in Rerum natura dari possit, sed quæ vulgò non considerantur ut causæ quorundam phænomenorum Particularium, quo respectu illis rationem causæ Efficientis adscribo.

Verum, antequam ulterius progrediar, significandum hoc in loco est, quod præcipuè tria ista sint, quibus propositas notiones de Cosmicis Corporum attributis superstruo.

1. Quod multa sint corpora, quæ diversis casibus non agunt, nisi aliunde impellantur; Quædam illorum agunt vel solitarie vel principaliter, prout in illa operantur Catholica, at in observata agentia, de quibus locuti sumus.

2. Quod certa quædam subtilia corpora in orbe existant, parata, ut insinuent se poris alicujus corporis ita dispositi, ut admittat illorum actionem, vel quæ alia quadam viâ illud intendunt, in primis, si cum illis concurrant

rant aliæ inobservatæ causæ, & stabilitæ in hoc universo leges.

3. Quod mechanicâ aliquâ texturæ immutatione Corpus vel acquirere vel perdere possit aptitudinem patiendi ab istis incognitis Agentibus & simul operationes illorum in se pro ratione variantis texturæ diversificandi.

Has tres propositiones ut distinctè per sequentia Experimenta & phænomena confirmem, operam sum daturus. Verum, quoniam multa eorum ita sunt comparata, ut unumquodque ex iis ad plurimum quàm unius propositionis confirmationem pertineat, cumque duarum posteriorum propositionum diductio, ut quæ majoris momenti & minus probabilis est, potissimus discursus mei scopus sit, pauciora de primâ dicam, tibi libertatem concessurus, ut ad primam referas, quæ in singulis posterioribus propositionibus eò spectantia à me differuntur.

CAPUT III.

ATque ut à prima propositione videlicet: *Quod multa sint corpora, quæ diversis casibus non agunt, nisi aliunde impellantur, quedam illorum agunt vel solitariè vel principaliter, prout in illa operantur catholica & inobservata agentia, de quibus locuti sumus*: initium faciamus: Non dubito primam ejus partem quemlibet facilè concessurum, cum satis vel è crassioribus exemplis, quod scilicet cuneus non findat truncum, nisi à malleo, vel alio simili instrumento impellatur, nec culter attrahat acum, nisi exciteretur Magnete, veritas ejus patefcatur. Sed quod secundam partem attinet, non tam facilè assentiet aliquis, quam ob causam, si rem obiter hâc observatione illustravero, quod concava vel convexa vitra non incendunt alia corpora, nisi potentiam hanc à radiis solis vel reflexis vel transmissis acquirant, ad eam duobus exemplis probandam progrediar.

Pri-

Primum est, de bacillo aliquo ferreo, qui diu ante fenestram vel alio quodam commodo loco, perpendiculariter stetit. Nam quamvis cum primum erigeretur, non fuerit præditus magnetismo, qui prævaleret aliquo modo aliorum bacillorum ferreorum ejusdem formæ & magnitudinis magnetismum; tamen, postquam diu eo positu stetit, ab invisibilium agentium operatione ulteriorem Magnetismi gradum acquireret, quam competere illi ut bacillo ferreo possit, & Magnetica quædam Phænomena (quorum alibi mentio facta est) quæ antea non poterat, producat.

Alteri exemplo occasionem præbuit, quod in marmore accuratissime polito & plano mihi accidit. Quamvis enim illud per se non habeat potentiam elevandi aliud siccum corpus, cui imponitur, attamen si alteri cuidam marmoris æqualis planitie, nec molis adeo enormis impositum fuerit, superius

rius illud virtute fabricæ mundanæ,
 quæ impulsus & pondus dat ambienti
 aëri, nullo alio vinculo vel instrumen-
 to, quam solo contractu interveniente,
 secum, si elevetur, rapiet inferius mar-
 mor, quanquam forte centies pondero-
 sius. * Quæ lapidum * *Vide hoc Expe-*
 compositio, si in vacuo *mentum in Auto-*
 fuisset instituta, non *ris continuatione*
 credo eam potentiam *novorum Experi-*
 superior lapis habuif- *mentorum, de aë-*
 set. *re, experim. so.*

CAPUT IV.

PROCEDO jam ad secundam propositi-
 onem, quæ ita se habet: *Quod certa*
quædam subtilia corpora in orbe existant,
parata, ut se insinuent poris alicujus corpo-
ris ita dispositi, ut admittat illorum actio-
nem, vel aliâ quadam via illud intendant,
imprimis si cum illis concurrant aliæ inob-
servatæ causæ & stabilitæ in hoc universo

D

le-

leges. Non erit necessarium hâc occasione commemorare, quod multi antiquorum Philosophorum crediderint aliquod communi aëre subtilius corpus, *Ætherem* scilicet, quodque Cartesiani de substantiâ quadam per universum hoc diffusâ, dicant, quam secundum diversam magnitudinem partium ejus aliquando *primum Elementum*, aliquando *Materiam Cœlestem* vocant, cui cum usum assignant, quod omnia alia corpora pervadat, & adæquatè poros impleat illorum, quæ magnitudine & figurâ diversis portionibus insinuantis materiæ respondeant. Quod talis quædam sit in hoc universo substantia, Adstructores ejus argumenta adducent multa è Phænomenis, quibus enarrandis ego nunc occupor. Verum utrum sit talis aliqua materia, vel non sit in mundo, quæ exactè respondeat descriptionibus illis primi & secundi Elementi, quas tradunt, hoc in loco non dispiciam, quanquam diversa

sa experimenta probare videntur, quod sit in mundo ætherea quædam, subtilissima & non parum diffusa substantia: attamen, quanquam illa, ut dixi, videantur satis probabilia, invisibilia illa agentia, quorum præcipua, quamvis non unica, mentio hic fit, erunt Aër (quatenus habet pondus & impulsam) & magnetica effluvia Globi terrestris.

Si bacillum è ferro vel potius chalybe, & æqualem alium ex argento candefacias, eosque igni exemptos ad Septentrionem & Austrum accuratè directos refrigerescere sinas, quanquam in utrumque metallum ab eodem Agente, igne scilicet, operatio facta, & chalybs, quoad sensum, variatus non videatur; tamen cum textura utriusque sit diversa, argentum non acquirit novam aliquam qualitatem per istam operationem, cum ignitio chalybis, postquam poris ejus reclusis partes ejus magis flexiles effecit (ut probari po-

test ex intumescencia ferri candefacti & mollitie ejus sub malleo) facillimè dum eo in situ versus Septentrionem & Austrum tenetur, illum pervadunt Magnetica terræ effluvia, quæ perpetuo per aërem à polo ad polum feruntur, ut ita per transitum illorum magneticâ quâdam proprietate, quam aliqui Polaritatem vocant, afficiatur, cujus virtute in libero aëre ad æquilibrium suspensus, spontanea directione versus polum Septentrionalem & Australem vertetur, & operationes aliquas Magneticis corporibus familiares exercebit. Ne vero mirum cuiquam videatur, tam crasso corpori adscribi à me potentiam, quâ invisibiliter cum ferro magneticam virtutem communicet, quæ spiritualis naturæ credi possit; Revocabo tibi in memoriam Experimentum ante aliquot annos à me propositum, quod Terræ potentia quibusdam casibus absque adminiculo magnetis, ipsi magneti directivam facul-

cultatem impertiat. Nam ablata magneti oblongo per ignitionem priori potentia attractiva, pro arbitrio extremitatem quamcunque in polum Septentrionalem convertere possum, si magnetem dum candet in directione versus istum polum refrigerescere sinam, quem si iterum candefactum contrario positu dirigam eadem illa extremitas, ubi refrixerit, australem polum referet.

Si accipias capacem phialam vitream angustioris colli, extremitatis adeo acutæ, ut ejus foramen magnitudinem foraminis in acunon excedat, (cujus loco Vasculum, quod Ardeæ ovum dicitur, quamvis multo angustius & absque tali collo, adhiberi etiam potest) & per suctionem vel alium modum aëre incluso, quantum potes, extracto foramine per digitum obstructo, profundis in aquam immergas, digito tandem subtracto, aqua contra naturam suam (ut vul-

go concipitur) cum violentia quâdam in cavitatem Phialæ ascendet, qui ponderosi liquoris motus ad superiora non adscribi motui digiti potest, ille enim tantum aperiebat orificium, nec sursum impellebat aquam; Nec tribui facile debet Naturæ abhorrentiæ à Vacuo, ad quam (sive illa sit, sive non) ut omnino confugiamus, & in hoc quidem casu non est necessarium. Cum pressio ambientis oneris procedens à pondere ejus in superficiem aquæ sufficiat ad liquorem intra phialam cogendum, in qua aër reliquus rarefactus, per absentiam ejus, qui extrahebatur, debilior est, quam ut pressioni externi aëris, ut antea, resistere possit. Quod experimentum si caperetur in vacuo, aqua non ascenderet, cum externo Agente non propelleretur.

CAPUT V.

EXercui aliquoties curiositatem meam in considerandis fabis & pisces è ter-

terra evulsis, ut in eorū germinationem inquirerem, cognitāque eorum post inhibitionem misturæ terreæ intumescentiā, transitūque per ambientem terram tam sursum in caulem, quam deorsum in teneras radices excrefcentium, experimentum capere cogitabam, qua violentia causæ istius intumescentiæ in iis dilatandis laborarent. Quod ut tentarem implevi multas phialas & vasa tam vitrea quam fictilia, quorum aliqua satis crassa, fabis exsiccatis, quales in Anglia equis in pabulum dari solent, intervalla subeunte aqua orificiū subere validis corrigiis religato accuratè clausis, ita ut nihil exerere se possit. Cogitabam enim fore, ut si aqua poros fabarum subiens, eorum Figuram mutaret, & conatum aliquem intumescendi in iis produceret, eo à lateribus & obstructoriis Vasorum impedito, si is, ut suspicabar, ad eò violentus, exitum sibi quaererent. Evenit itaque ut plurima pars Vasorum tam vitreorum quam fictilium rumperentur;

nam in uno vel altero corrigiæ quæ sublevationi obstructorii resistebant fractæ inveniebantur.

Verum cum desiderio ducerer propiorem aliquam habendi notiti-
am, quanta esset expansiva ista vis in-
tumescentiæ in fabis, convenientem
earum quantitatem imposui cavo, sed
valido Cylindro Cupreo pro talibus
experimentis confecto, cujus Cylin-
drica cavitas sex pollices in longitudi-
ne, in diametro duos æquabat, tùm
infusâ aquâ, quantum satis erat, ita ut
ad summitatem fabarum pertingeret,
superiori Cylindri parti, quæ eam ob
causam vacua relicta, ligneum obstru-
ctorium orificio ita æqualiter apta-
tum, ut aliquantum angustius sine dif-
ficultate moveri posset, inserui, quan-
quam ex aquâ intumescat. Obstru-
ctorio illi, cui adjunctum aliud lignum
latum atque crassum, formâ orbiculi
ex eodem, quo obstructorium confe-
ctum, super imposui pondus plumbe-
um

um quinquaginta librarum, ita tamen deprimere obstructorium posset, interveniente latitudine orbiculi, eam ob causam additi, ut impediret nimiam depressionem Obstructorii, & convenientem ponderi basin præstaret. Tandem seposito in locum opportunum cylindro, per aliquod tempus (quod duorum vel trium plus minusve dierum est pro temperie Aëris & quantitate materiæ inclusæ) observavi, ut speraveram, obstructorium una cum pondere à fabis intumescentibus sublatum & loco priori motum. Quod si pondera minoris formæ (unius vel duarum librarum singula) habuissem, gravius pondus eâdem vi elevari potuisse tum suspicabar.

Superfedere hoc in loco possum enumerandis particularibus plurimis ad hoc experimentum spectantibus e. g. quomodo succedat in frumento vel integro, vel in farinam comminuto, fructibus exsiccatis, ut uvis passis &

corinthiacis, pis (quæ vehementer dilatantur) qui liquores, qui non efficere, tumorem possint. Nec dicam hîc de diversis circumstantiis, quarum notitia capi potest in istis experimentis. Id solùm memoratu dignum est, periculum me facere voluisse, annon vis illa intumescantium fabarum in pondere imposito tollendo pro diversâ magnitudine Cylindrorum, duplici propemodum ad diametros & orificii areas proportionem, incrementum sumeret. (Pro magnitudine enim & capacitate arcarum vis illa fortius propelli sursum potest) verum destitutus ponderibus, ita, ut volui, formatis, experimentum non capere aut desiderio meo satisfacere potui. Quanquam tamen aliquatenus maiorem sursum pellendi vim in capacioribus, quàm in arctioribus vasis cylindricis deprehenderim. Cum enim Cylindrum metallinum ne sex quidem pollices longum; quatuor circiter latum fabis imple-

pleveram, ex ubi intumuerunt, obstructorium priori illo latius, cum pondere centum & amplius librarum, sublevarunt.

Hic tibi jam definiendum propono, annon illa nova *vis movens* physica haberi possit, considerandumque relinquo, annon tanta vis, quæ per mechanicas operationes hoc modo producitur, quæque tacito adeo & lentè procedit, usque dum summam suam *ἐπέκεινται* nacta fuerit, & corporibus se insinuat, absque aliquo ante tempus oportuno effectû, quibusdam in casibus, utilissimis inservire meditationibus & consiliis possit.

Nolo nunc examinare experimentum hoc, an vel quomodo ad *Cartesianam Hypothesin* de *materia subtili* confirmandam conducatur, neque an notionibus illis, quas nobis hoc experimentum suggerit, satis instructi simus ad explicandam violentiam illam, quâ fermentantes liquores sæpe vasa, quibus

bus arctè nimis conclusi, disrumpunt, de quibus phænomenis, aliisque ejus generis alibi conjecturas aliquas propono.

Commodius videtur, ut hoc in loco quædam tecum communicem, quæ directè magis ad præsens subjectum pertinent : Videlicet quod Aër, cujus sub nomine hîc quoque Ætherem comprehendo, qui ejus poris contineri potest, quibusdam in casibus ob continuam præsentiam; In aliis, quod semper in promptu sit, paratusque insinuare se, ubicunque admitti potest, concurrere possit ad productionem diversorum phænomenorum, quâ in re cooperationibus ejus suspicio nulla Philosophis suboriebatur. Nam, ut prætermittam, quod experimentis didici, Aëris præsentiam in premendis liquorum superficiebus, adeò esse in suctione necessariam, ut absque eâ ascendere nolint : Item quorundam corporum putrefactionem, intra tempus, quod na-

natura putrefactioni definivit, vel decuplo etiam majus, procurari non posse, si aëris accessus sollicitè prohibeatur : Inveni præterea, quod lumen illud, ut in putrefactis quibusdam lignis & piscibus apparet, in tantum ab aëris præsentia dependeat, ut, si aer illis subtrahatur, pereat illud, ac ubi contractui aëris iterum permittuntur, lumen, quod antea habebant, recipiant. Sed de his alibi,

C A P U T VI.

Nescio equidem an addam his, quod Aër (cum subtiliori materia quæ cum illo miscetur) præter quam quod ut substantia operatur, perficere diversas res aliâ ratione possit, prout subtiliores ejus partes moventur, ut ut insensibiliter, motu rectilineo physico; vel ut est subjectum Turbæ Corpusculorum peculiari quanquam invisibili motu agitatorum. e.g. cum folium Pa-

pyri oleo vel aleâ pinguedine inungo, nihil aliud secundum apparentiam agit liquor iste, quàm ut insinuet se papyri poris, eosque pervadat, qui antea ob curvitatem aut obliquitatem suam vel aliam quandam rationem mechanicam opacam illam reddebant. Verùm cum insinuatio hujus unctuosi corporis poros tum quâ figuram, tum quâ magnitudinem, aut utramque variaverit, eâque alteratione Papyro Texturam dederit aptam, ut transitum corpusculis lucis concedat, vel transmittat peculiarem eorum speciem impulsus (unde plurimi physici lumen derivant) isti motus, ut dicebã, vel invisibilia in aëre corpuscula à constitutione mundi dependentia statim agunt in papyrum, & producant in illa sensum aliquem luminis, & repræsentationes multorum objectorum, unde lumen reflectit, quod transparenere antea non poterat.

Non

Non attinet fortassis hîc commemorare, quomodo in pyxide satis amplâ, eum in modum laboratâ, ut in extremitate alterâ subtilis chartæ sit scheda instar corii in tympano extensa convenienti ab altera extremitate distantiâ, ubi foramen relinquitur vitro lenticulari & isti rei apto obductum, per exiguum foramen superiori ejus parte videre in charta possis vivam representationem non solum motûs, sed & figuræ & coloris objectorum externorum, quod non leviter me delectavit, cum primùm hoc spatium tenebrosum portabile, si ita vocare liceat, fieri curarem. Quod instrumentum hic specialius non describam, partim, quod jam ante annos aliquod ostenderim, ex quo tempore multi viri ingeniosi illud vel imitati sunt (quod nosti ita comparatum ut Telescopii instar pro occasione datâ adduci & extendi potuerit) vel experimenta ejus ceperunt partim, quoniam eam

tan-

tantum ob causam mentionem ejus facio, ut demonstrem, ejus instrumenti ad omnes partes vel in agris vel civitate conversione, nova semper objecta terrarumque aliquando figuras in charta comparere, atque ita toto die omnibus in aëris partibus, quibus exhiberi phænomenon illud potest, habitare semper effluvia quædam certa, quæquaversum ab objectis emissa, aut certos aliquos motus insensibilium Corpusculorum, quæ primum ab externis objectis resultant, inde vero a charta reflexa in oculis horum objectorum imaginem producant; ita ut aër ubique plenus sit speciebus visibilibus, quæ non possunt concipi vel explicari absque locali minutorum quorundam corpusculorum motu; quæ dum aër illuminatur, semper eum pervadunt.

Revoco tibi hîc in memoriam, *Pyrophile*, quod in secundæ propositionis, de quâ hactenus diximus, clausulâ,
sta-

stabilitas leges Universi, ut partem præsentis constitutionis mundanæ nominaverim: quædam enim è legibus istis multum ad operationem inobservatarum causarum; de quibus modo agimus, contribuunt. Ejus exempla alio tempore daturus sum. Hâc vice unum illud sufficiat. Si virgam ferream perpendiculariter tenens inferiorem ejus partem puncto septentrionali acus magneticæ bene præparatæ applicueris, illa statim repellet hoc punctum: verum Magnetismus iste per quem Virga operatur, ut in momento per positum illum, quem habebat, acquirebatur, ita statim immutatur, si positum istum inverteris. Simulac enim virgam perpendiculari positu supposueris acui, ita ut idem punctum virgæ ferreæ, quod antea directe supra punctum Septentrionale acus pependerit, nunc eidem puncto directè subjiciatur, virga non ut antea, illud repellat, sed, ut vulgò loquimur, attrahit. At si virga ista lon-

go temporis spacio in erecto isto positu
 servata, ut istæ, quæ ante fenestram diu
 steterunt, vel si candefacta ac refrigerata
 diu in situ versus Septentrionem & Au-
 strum perduravit fortiori & durabi-
 liori verticitate prædita erit; ut alibi
 plenius demonstramus. Cujus rei
 hæc esse causa videtur, quod in situ il-
 lo ab Austro ad Septentrionem directo
 viam occupet, quâ secundum stabilitas
 in natura leges, magnetica terræ efflu-
 via longo à Polo ad polum tractu pro-
 cedunt: unde occasio illis conceditur
 sensim operandi in poros ferri, quod in
 viâ ista positum est, aptumque ut tran-
 situm concedat magneticorum corpo-
 rum effluviis: quâ in aptitudine præ-
 cipuè magnetismus ferri consistere vi-
 detur. Quod si metallum illud ab O-
 riente ad Occidentem porrectum tam
 diu jacuisset, vel parum vel nihil ma-
 gneticæ virtutis acquisivisset. Ac ra-
 tio, quare rectus positus virgæ ferreæ
 potentiam repellendi punctum septen-
 trio-

trionale in acu magnetica largiatur, probabiliter concipi potest illa: quod inferior illa pars ut terræ vicinior magis fiat particeps magneticorum effluvi-
 viorum, quæ illic arctiori ordine, quàm in remotiori plagâ, feruntur, & dum potenter illam ferri partem afficiunt, illam ad tempus in Polum septentrionaleni ferri convertunt, qui secundum leges magneticas acus magneticæ polum septentrionalem repellere, australem vero attrahere debebat. Quod si virgâ inversâ, extremitas illa superior inferiorem situm occupet, per eandem rationem, contrariam operationem habebit, nisi forte per diuturnum positum perpendicularem, verticitas ejus firmitus radicata, quàm ut effluviis tam languidi magnetis, ut terra est, eo momento destrui aut alterari possit. Sed an hæc explicatio vera sit vel minus (nolo enim hîc pro eâ contendere) apparet tam ex determinato positu ferri, quàm ex diuturnitate positus, unde
 fit

fit, quod metallum acquirat durabilem verticitatem, quam inobservata illa magnetica effluvia, quæ imprimunt magnetismum illum ferro, movent ac operantur secundum leges stabilitas in natura. Tantum est quod instituto meo explicando necessarium duxi.

C A P U T VII.

REstat nunc, ut dissertationem de ultima nostra propositione instituat, videlicet: *Quæd mechanica aliquâ Texturæ immutatione Corpus vel acquirere vel perdere possit aptitudinem patiendi ab istis incognitis Agentibus & simul operationes illorum in se pro ratione variantis texturæ diversificandi.*

Hæc propositio tantum habet cum præcedenti affinitatem, ut sint multi casus, in quibus eadem experimenta aliaque argumenta ad utriusque confirmationem faciant.

Ad

Ad illustrationem ejus rei cras-
 sius aliquod adducam exemplum â
 more illo nautarum, qui velis debilio-
 re vento impulsis, aquam certis quibus-
 dam istrumentis immittunt, ut sæpe
 inter navigandum observamus. Ac
 primo quidem intuitu absurda videri
 methodus celeritatem navis promo-
 vendæ posset, cum tantum aquæ pon-
 dus navis ponderi addatur. Sed vidi
 ego tamen isto uti subsidio nautas, cum
 piratæ illos persequuntur : Neque id
 absurdum videri debet. Quando e-
 nim vela sicca sunt, magna pars venti
 ea implentis facile pervadit rimas vel
 poros magnos, qui intervalla filorum
 constituunt. Si vero aquâ imbuun-
 tur, imbibitus liquor ex omni parte in-
 tumescere fila facit, & poros vel inter-
 valla constringit. Unde fit, quod
 ventus non adeò libere, ut antea, per
 spirare possit, sed majorem inveni-
 ens in velis resistantiam, majori illa vio-
 lentia cumque illis navem impellat.

Ne

Ne quid dicam de rigore illo quem vela ex aqua marinâ acquirunt; Nolo enim hîc aliis immorari particularibus, quibus successus hujus rei ex parte possit adscribi.

Aliud addam exemplum isti rei probandæ; Si ventus validior in conclave aliquod, cujus fenestræ & valvæ omnes conclusæ arietet, id tantum efficiet, ut locum totum aliquantulum concutiat; verum si transfennam aliquam aperueris, quanquam exiguam modo ferri partem vel aliud quippiam, quod fenestram defendit, loco suo moveris, & quidem in loco, ubi vehemens est aëris agitatio, quam ventum nos vocamus, statim siparia violente commovebuntur, pulveres, stramina ac alia levia corpora non satis firmata, vel ponderosa, licet graviora quàm ut flatu dissipentur, hinc inde disjicientur.

Sed procedam ad exempla aliquantum subtiliora. Quanquam vulgaris Tartarus, siccus in aëre persistat,
nec

nec dissolvatur facile aquâ frigidâ; eo tamen, quanquam modice calcinatò sal quod residuum est Texturâ jam alteratâ, promptè satis in aëre humido (qualis in cellis est) diffluet in liquorem, quem Chymicis vocare placuit *Oleum Tartari per deliquium*. Verùm, considerato eo, quod ad majorem inducendam mutationem pars tartari igne expellenda sit, utar potius exemplo, quod facilè ab experimento à me aliâ finis nuper adducto, capi potest. Nam cum magnetem, modo ibi tradito candescere & refrigerescere fecissem, quanquam exiguum in igne perdiderat, ut judicio oculi nulla observari mutatio vel formæ vel magnitudinis potuerit, operatio tamen per ignem, invisibiliter mutatâ Texturâ adeo diversa alterabat dispositionem in respectu ad magnetica terræ effluvia, ut statim ad lubitum mutare polos lapidis potuerim eandem extremitatem jam in Septentrionalem, jam in Australem convertens.

Si-

Similem verticitatis mutationem, ut alibi demonstro, in ferro perfecti sine ullo ignis adminiculo vel alio magnetē, quam terrā. Sic experimento didici, certum quendam lapidem ponderosum, qui vulgo longius abesse à metallica naturā creditur, levi & subitaneā quādam præparatione, quæ nec formam nec magnitudinem immutat, aptari posse, ut polos acus magneticæ attrahat vel repellat.

C A P U T VIII.

EXemplis illis, quæ in solidis hætenus corporibus exhibui, si duo vel tria à liquidis corporibus desumpta addidero, inconueniens forte non erit: Cum insolens videri queat, quod mutationes texturæ notabiles absq; igne vel aliis novis ingredientibus, in corporib9 quæ ob rationem fluiditatis suæ texturam suam turbatam facilè recuperare videntur, perfici possint. Si mel & aqua

aqua seorsim in conveniente vase ponantur, retinebunt illa naturam suam & quamvis inter se non iustâ proportionem miscueris, ita ut propter mellis abundantiam consistentia nimis crassa, vel diluta nimia aquæ proportionem solutio mellis nimis sit tenuis, mellis & aquæ naturam non exuunt. At si bini isti liquores iustâ proportionem sibi juncti (quatuor scilicet vel quinque partibus uni mellis parti additis) tum nova eorum textura ita eos disponit ut agere in illos subtilis ista omnia pervadens materia possit, vel si quod aliud commune naturæ agens fermentationi producendæ se accommodat, nec ingredientia in eodem statu diutius persistent, sed in se mutuò musti aut cerevisiæ instar agere incipient. Ac observavi ego, quod exiguus aliquis brevisque motus localis (ut si mixturæ illæ curru per aliquod tempus vectæ) ita excitaverit liquorem, ut violentum sibi, quod

E

mira

miratus fui, exitum paraverit, aut ob-
 structoria excusserit. Memini inter-
 rogatum abs me eâ de re eximium
 quendam Oenopolam, qui multos an-
 nos in Canariis, consumserat. Is ob-
 servasse se aliquoties in fortunatis istis
 insulis (ut antiqui vocant) refere-
 bat, quod si vas optimo vino è Cana-
 riis impletum, post mensem unum le-
 viter tantum per aream aliquam
 non adeo longam volutum fuerit,
 rudis illa texture turbatio tantam
 tam subito vino mutationem indu-
 xerit, ut magna sæpe vini pars vio-
 lentè orificio ejecta, aut si id nimis
 occlusum, vasis fundum furibundus
 iste liquor extruserit: quod suo sæpe
 damno se expertum fuisse quereba-
 tur.

Plurima habemus exempla vitri
 communis crepantis, si nimis citò, ab
 igne remotum exponatur aëri frigido:
 nec subtilia illa corpora in eo exi-
 stentia rupissent illud, si lentiori refri-
 gera-

generatione partes ejus conveniente pro
 transitu subtilium istorum corporum,
 texturâ componere se potuissent, quæ
 eo casu impune illud permeassent.
 Ostendi nonnunquam curiosis soler-
 tius aliquod & manifestius ejus rei
 exemplum, quantum scilicet momen-
 ti habeat præsens corporis textura, si
 ad catholicas & invisibiles causas, quæ
 in illam operari possunt, respectum
 habeamus. Candefeci laminam cu-
 pri, ponderosi utique & solidi corpo-
 ris, & refrigerare illam sivi per ali-
 quam temporis moram, in loco mo-
 deratius calido. Illa, quanquam non
 apparebat tota ignita, cum ex igne
 remotam papyri folio apposui, statim
 tamen simulac athmo Sphæræ expo-
 sita fuit, superficiales ejus partes, non
 crepabant solum, ut fit in vitro præ-
 properè refrigerato, sed & absiliebant,
 nec sine strepitu, flocci, ut dicam, non
 exiguo numero in vicinam chartam,
 totam pene squamiculis istis cupreis
 coniectam.

Atque ut aliud subtilioris naturæ afferam exemplum : Nihil quidem nunc dicam , quamvis commode poteram , de putrefactis piscibus & lignis , quibus , mutatione texturæ sæpe in visibili , ad contactum aëris & subtilium corpusculorum , quibus hospitium vel transitum concedit , vel confertur vel subtrahitur lucendi potentia : Sed eligam nunc potius , quod de lapide Phengite habemus , qui per calcinationem mirandam illam virtutem acquirit , ut si modò radiis solis (quorum vicem quodcunque validum lumen , ut expertus fui , supplere etiam potest) expositus fuerit , non solum exiguo minorum temporis spatio lucendi potentiam recipiat , sed & aliquo tempore etiam in tenebris retineat.

F I N I S.

SUSPI-

SUSPICIONES
COSMICÆ

*APPENDICIS LOCO
SVBJVNTÆ*

DISSERTATIONI

DE

COSMICIS RERUM
QUALITATI-
BUS.

SUSPICIONES COSMICÆ

Appendicis loco subjunctæ

Dissertationi

De

Cosmicis Rerum Qualitatibus.

IN priori Dissertatione, Pyrophile, proposui tibi quædam circa subjectū illud de quo agebam, quæ eum habere probabilitatis gradum videntur, qui sufficiens physicæ disquisitioni videtur, vel saltem vulgò adhiberi solet. Verum si consideraverimus, quod Orbis, sive largiori sensu pro toto universo, vel strictiori, communi tamen, pro Globo à nobis habitato, accipiamus, subjectum sit adeò vastum, æquum certe est, ut non solum omnis demonstrativa veritas, quantum ejus deprehendi potest, hic attendatur, sed & conjecturæ & suspiciones ipsæ, quæ

quæ in genere eò referuntur, nisi vel
omni fundamento careant, vel extra
scopum ferantur, locum aliquem in-
veniant, nec planè silentio prætermi-
tantur. Detinebo te aliquantum isti-
usmodi meditationibus, præsertim
quoniam occasionem mihi præbent
recensendi Historicas quasdam obser-
vationes, quæ, quicquid etiam de du-
biis & conjecturis sentiatur, novæ ma-
gis quàm contemmdæ videri pos-
sint.

Dicendum itaque mihi nunc est,
quod aliqua mihi suspicio suborta:
Præter numerosiora illa & uniformia
minutarum particularum genera, quæ
recentioribus quibusdam philosophis
componere Ætherem creduntur, quæ
de re modò differebam, alias posse esse
corpuseulorum species aptas, ut o-
perentur, si in convenientia, in quæ
agere possint, corpora incurrant. Ve-
rùm, quamvis Effectus, quos consi-
deramus satis forte probabiliter per

Ætherem explicari possint, ut jam dictum est: Effectus tamen illos causas, quibus adscribuntur, unicè non debere suspicor: Sed peculiare esse, uti dixi, corpusculorum quorundam species, quæ, quanquam nomine hætenus non sunt distinctæ, peculiare operandi facultates & vias aperiunt, cum incidunt in corpora talis texturæ, quæ pro illis admittendis bene sit disposita, ut & concurrere cum efficacia, incognitorum Agentium possit.

Suspicio hæc mea eò minus improbabilis tibi videbitur, si animo reputaveris quod, quanquam antiquorum Æther non nisi sub diffusæ & subtilissimæ substantiæ notione cognitus, nobis nunc probare sufficiat: Ubique in aëre esse Turbas vel Examina Effluvi-
viorum determinato ab Australi ad Septentrionalem polum cursu se commoventium, de quorum substantia ne per somnium quidem cogitasset, nisi sagacissimus noster
Gil.

Gilbertus terrestris globi magnetismum invenisset. Ac pauci, opinor, sibi persuasissent, quod fera vulnerata, dum subito per gramina fertur cursu, iis adeo determinata, quam invisibilia effluvia, imprimere possit, quæ ad multas horas ita Aërem imprægnant, ut eorum beneficio una aliqua celerrima & non visa fera indagari possit, nisi canes essent venatici, in quorum Odoratus organa peculiariter ita disposita operari apta essent. Mirabile profectò est longo tempore (integro forte anno vel biennio) remanere in aëre posse talia effluvia, quæ quanquam sensibus discerni nostris nequeant, nec in alios homines operentur : Tunc tamen, cum incidunt in homines peculiaris alicujus temperamentum, qui peste quondam correpti, singularem quandam dispositionem nacti sint, quæ pestiferorum Effluviorum operationibus facit obnoxios, eam agendi vim in illos exerant, ut

quidam etiam illorum, ut pestiferā discernere ac distinguere possint: Huic Paradoxo ut fidem faciam, duo vel tria adnectam testimonia, quorum primum inter adversaria mea ita notatum invenio. Tribus mensibus antequam magna illa Londini Anno 1661, pestis grassari incipiebat, accedebat Doctorem M. foemina de morbo mariti eum quæsitura, Medico, quid valetudinem ejus turbaret, interroganti respondit, præcipuum illius morbum esse tumorem in inguine, eâque occasione addidit, quod maritus ut rem certissimam prædixerit, fore, ut proxima æstas Londino magnam pestem afferret, cujus ille hanc rationem dederat, quod peste, quæ hanc præcesserat, infectus eodem tunc tumore affectus fuerit. Atque ex eo tempore bis peste, quæ mitior tamen prioribus fuit, correptus, tumorem in corpore prodromum habuit, jam vero magnum aliquem tumorem in loco memorato

sen-

sentiens indubie immanem aliquam pestilentiam expectabat, nec fefellit eventus. Eâ de re cum sermones misceri audirem, Medicum, fide dignissimum virum, cum hoc mane ad me inviseret, de veritate rei quæsi, quicquid ea, quæ jam enarravi, respondit.

Altera, quam Celeberrimum illud Chirur-gum Fabricium Hildanum de seipso narrare memini, notabilis est historia. Is scilicet pestilentiali tumore in juventute suâ flagrante tunc temporis peste, affectus, cum longo post tempore domus peste infecta vel adeunda vel prætereunda ipsi fuit, sensibili aliquo dolore in parte ante tot annos tumore affectâ, de particulari morbo qui illic dominabatur præmonitus fuit.

Tertium ego testem laudare possum curiosum observatorem eorum, quæ in celebri illâ obsidione Bredana,

E 6, quod

quod morborum attinet phænomena, contigerunt, ubi diligentissimus ille Medicus cum ægris, malignis pestilentialibusque morbis infectis, multum conversatus ipse tandem correptus est, quâ in re ita informat lectorem : *Annotandum hic merito, naturæ facultatem ad pestis præservationem momenti esse maximi. Observavi in me ipso, contaminatos in-visente, statim inguen olere vel axillas; afficiebatur aliquando caput, noctu inde sudor & secessus tres quatuorve. Hoc & aliis accidit, qui fideliter mihi retulerunt.*

Sinarrarentur ista ab hominibus plebejis, de aliis etiam casibus, fieret fortassis ut cordati homines iudicium suspenderent : Verum & iudicium Scriptorum & studium quod profitentur, & testimonium, quod de seipsis aliquoties ista passis perhibent, plenam relationibus his fidem conciliant. Quæ si jam addantur iis, de quibus jam superius diximus, exempla

pla, facile, ut puto, excusabor, si tempus perditum non existimem, dum disquiro; An non alia quædam & quidem inobservata in aëre hospitentur effluvia. Hæc â nobis allata sunt ad confirmanda ea, quæ modo diximus, potius ut excitam curiositatem, & attentionem tuam circa illam rem, quàm ut opinionem aliquam firmam declarem.

Porro, *Pyrophile*, quando in priore Dissertatione *structuram & stabilitas leges Universi* in rationum de cosmicis rerum attributis dandarum subsidium vocavi, ingenuè fateor, dubitare me, an accuratè satis vel numerum vel species harum legum perpendimus.

Namque cum observationibus quibusdam & notionibus inducor, ut majorem generaliorum legum numerum credam, quam hætenus distinctè enumeravimus, existimo, cum de stabilitis naturæ legibus phraseos isti-

us sensu populari loquimur, eas accurate & commode satis posse distingui: Quod quædam illarum *generales regulæ* sint, quæ latius se extendant, majoremque cum *legibus* magis propriè ita vocatis convenientiam habeant: Aliæ non tam generales *Regulæ* vel *Leges* videantur, ut Consuetudines naturæ in hac vel illâ mundi parte: quarum major possit esse numerus, majorque in multa naturæ phænomena influxus, quam nobis fortè persuademus.

Ac primum quandoquidem structura orbis magnum præsentis disquisitioni affert subsidium, dicam tibi Astronomos & Geographos, quamquam non commendem tantum, sed & in diversis casibus admirari solem, recentiorum præsertim aliquorum industriam, nunquam in eas incidisse difficultates, ut hætenus potius mathematicas Universi hypothesès, quàm Physicas nobis exhibuerint, sollicitio-

res

res in demonstrandis magnitudinibus, sedibus & motibus magnorum orbium, ut stellarum fixarum & planetarum (quibus ad numerare terram aliquis posset) quam ut explicent nobis, quæ simpliciora corpora, quæve composita Terræ Globus, quem in habitamus, habeat, aut quibus consistat. Ac quemadmodum annis nuperis quatuor planetarum circa Jovem & Lunulæ (ut quidam vocant) quæ circa Saturnum movetur, detectio, unà cum Cometarum phænomenis Artifices immutare multa in cœlestium corporum theoria coëgerunt : sic nescio, annon futuræ aliquando per Telescopia aliaque philosophica instrumenta revelationes, nos movere possint, ut ipsius universi magnum Systema immutatum eamus, ac multa in illo, quem nostri respectu, ut præcipuum mundanorum corporum consideramus, globo terraqueo à nobis inhabitato.

Quod

Quod commercium iste habeat cum aliis orbibus, quos stellas vocamus, cumque partibus cœli interstellaribus, ejus exiguam admodum habemus notitiam: quanquam alio in loco aliquod eorum commercium probari abs nobis aliquando poterit. Verum, ut particularia hujus negotii nunc omittamus, fateor sæpe suspicatum me fuisse, quod in globo terrestris ipso & ambiente atmosphærâ diversæ possint esse sive leges sive consuetudines ad hunc orbem nostrum pertinentes, denominatæ ab illo, quæque sive incognitæ, sive prætervisæ tam à Scholasticis quàm mathematicis Scriptoribus videantur. Ac primum sæpe mihi suspicio nata est, annon in massâ terreâ, magnâ, quanquam lenta, interna sit mutatio sive illic nata, sive aliorum mundanorum globorum concursu producta; cum considerarem, quàm in omnibus pene regionibus, ubi observationes sunt institutæ, notabilis

bilis inventa fuit alteratio in eo, quod vulgo vocamus variationem (rectius enim declinatio est) pyxidis nauticæ vel acus magneticæ, quæ est distantia, quâ acus declinat vel ad Orientem vel Occidentem à vero polo septentrionali. Nam cum olim prope Londinum (*at Lime House*) Acus Magnetica, ut observationes ritè factæ & notatæ nos docent, anno 1580. undecim gradibus, anno 1612. sex circiter gradibus, anno 1633. non ultra quatuor gradus declinaret; nunc tandem vel nihil vel parum declinare observatur. In loco intra mediam leucam à Londino sito experimentum capiens acu longiore accurate ad eam rem factâ & præparatâ vix discernere vel minimam declinationem potui; ubi vero declinatio exigua à polo notari poterat, tantillum ad alterum cœli latus, ut ad alterum antea, declinare videbatur. Cumque postea anno 1669. ope lineæ meridianæ accuratè à peritissimis

tissimis artificibus ductæ in ipsâ urbe Londino, observationem instituerem, duobus quamquam instrumentis adhibitis, quorum unum selectum, à priori illo & altero quodam diversum, satisfacere mihi, ipsi non potui, quo declinationem acus medietatem gradus unius vix & ne vix quidem excedentem discernere potuerim. Verum, quoniam observationes istiusmodi experimenta curiosiora, quàm hactenus cognita, requirunt, & in partibus orbis remotioribus instituendæ, mihi quidem nunc sufficiat, illud confirmationis gratia addere. Cum *Caput bonæ spei* sit ex eminentissimis globi terreni partibus, si de magnetismo inquirere velis, nossemque familiarius navigatorum versus illam Europæ partem diuturno usu edoctum, ivi ipse ad illum inquisiturus, an variationem pyxidis nauticæ in *capite bonæ spei*, & an plus quàm semel, observaverit, & sæpius se observasse respondit. Ulterius quæ-

renti

renti quantam variationem, & an in diversis navigationibus diversam invenerit; respondit: juveni sibi observatam declinationem duorum graduum versus occidentem: postea vero multorum annorum decursu sæpius inter Indiam Orientalem & Europam navigantem variationis per gradus incrementum se invenisse; accipisse se è scriptis antiquis & nautarum seniorum traditionibus, nullam omnino variationem ante sua tempora fuisse deprehensam; quindecim ab hinc annos (nam post illa tempora nihil observaverat) accuratis se instrumentis variationem sex graduum & 48. circiter minutorum deprehendisse; ut ita toto isto tempore quo caput bonæ spei navigationibus suis accessit, acus magnetica quinque circiter gradibus declinando versum occidentem processerit. His innixus fundamentis, quibus ulteriori observatione confirmandis alibi forte dabitur occasio,

non possum quin mihi persuadeam, esse agentia quædam occulta, quibus aliqua internis ipsius globi terrestris partibus motum imprimendi potestas est, de quibus certo pronunciare non possumus, secundum quas leges dirigantur, vel potius utrum certis legibus, an nullis, regantur. Denique quis docere nos poterit, quas vicissitudines Agentia apta nata ut mutationem aliquam in globo terræ ipso producant, in hac vel illa parte operentur?

Hinc consideranda est magna illa incertitudo atque irregularitas hætenus observata in pondere atmosphææ per nova nostra Barometra Statica, & sensibilius adhuc per mercurialia, citra aliquam detectionem causarum tam notabilis in aëre alterationis (nisi quod generatim plurimam partem à subterraneis effluviis procedat) quorum influxus in alias res majoris momenti sunt, quàm ut detegere indu-

dustria nostra potuerit, aut oportunitas ad ea detegenda data fuerit.

Notatu dignum est, quod nuper ingeniosus Scriptor *Monsieur de Rochefort*, qui in aliquâ insularum Americanarum habitavit, de Orcanis, magnis scilicet illis Americæ tempestatibus retulit, quod nimirum ante Europæorum in Americam adventum, non nisi septimo quovis anno tempestas illa ab incolis ejus loci observata fuerit, quæ postea sexto anno rediit, successu vero temporis adeo frequens fuit ut scriptoris istius tempore semel, & aliquando (quod prodigii instar habitum fuit) bis, demum etiam ter uno in anno contigerit. In memoriam mihi hîc incidit, quod cum ex Nobili aliquo sagacissimo, qui in novâ Angliâ per aliquod tempus vixerat, quærerem, annon in ista regione, ubi habitaverat, magna aliqua mutatio in temperaturâ climatis acciderit; factam eam fuisse longe quàm antea fuerat mitiorem,

rem, responderit : Ac quoniam dubitabam, annon mutatio ista vel ad unum ac alterum annum accidentalis fuerit, vel Anglis tantum ita visa fuerit, quorum corpora per gradus frigori ejus regionis adsuescere poterant, ac proinde minus illud sentire: respondebatur mihi; observatam fuisse hanc mutationem multis annis postquam Angli Coloniam eò deduxerant, & quidam ab ipsis incolis satis manifestè per remissiorem operationem frigoris in fontes & lacus, qui certo tempore ante à glacie obducti fuerunt. Quod ut adfirmem luculentius, addam, quæ audiui cum Regiæ Majestati aderam, ab aliquo, quem Gubernator Colonix in Novâ Angliâ ad Regem miserat. Ex eo cum inter alia Rex sapientissimus quæreretur de temperie aëris, id responsum præsentibus multis aliis ex Americâ tum venientibus, tulit : *Clima hoc multum fuisse mutatum, multumque perdidisse pristini.*

*pristini frigoris, aliquot annis post quàm
Angli sedem ibi fixerant.*

An decrementum istud frigoris
duraturum sit, & quàm diu, tempus
docebit. At interim rei veritate
præsuppositâ, præsupposito etiam
quod mutatio ista non ab aliquâ causa
manifestâ dependeat: id quod jam
rùm accidit consideratu dignissimum
mihi visum est, ex quo incidi in librum,
qui inscribitur: *Nerv Englands Prospect*,
& à Mr. VV. VVood, è primis Novæ An
gliæ fundatoribus per modum alicujus
Chorographiæ conscriptus est; Ubi
inter alia notabilia hæc loca invenio.
Primus occurrit pag. 7. olim (inquit
ille) rara erat pluvia sed violenta
guttis multis spissisque ad 24. horas
nonnunquam ad 48. durans, quæ
terram, quantum longo tempore
sufficere poterat, humectabat; nuper
vero tempestates illæ multum mu
tatae frequentiore jam cadente
plu-

pluviâ & moderatiore, citra magna tonitrua & fulgura ac turbines vehementiores. Alter reperitur paginâ 84. ubi de Paganis inquilinis loquens, eos Anglorum Dei (ut vocant illum) potentiam agnoscere ait, cum conjurationibus suis nunquam damnum aliquod vel corpori vel bonis illorum infligere potuerit, ac insuper bonum Deum dicunt, qui tam multa bona largiatur frumentum, pecora, temperatas pluvias, pulchras tempestates, quæ omnia post Anglorum adventum in melius mutata, ita ut intra septem vel octo annos tempora anni tam frequentitronitru ac fulgure, diuturnis procellis, subitisque imbribus, frigidisque ventis non infestarentur.

Ex quo apparet decrementum istud frigoris & asperitatis in isto climate jam ante tot annos deprehensum fuisse. Nam liber iste ante 35. annos jam editus erat.

Hic

His addere relationibus liceat locum è doctissimi *Magneni* ingenioso libello de *Manna*, in quo notabilem hanc observationem memoriæ prodidit, quod in Regione quam vocat *Cenotriam*, *Manna* non fuerit ante 300. annos inventa, nec in *Calabriâ* ipsâ, provinciâ, quæ ob *Mannæ* copiam nobilitata, ut optima ex loco isto natali judicetur, quæque magnam *Europæ* partem isto proventu implevit, nisi duobus tantummodo seculis ea collecta fuerit. Verba ejus p. m. 49. hæc sunt: *Sanctiorum Naturæ interpretum nullus fraxinum inter arbores gummiferas aut resiniferas recensuit. Illud omnino quo Altomatus sese jactare videtur, ignorare curiosissimi rerum indagatores Plinius, Galenus, Theophrastus, & qui mediam ætatem impleverant viri doctrinâ diligentiaq, celebres: quia scilicet illis temporibus multum pluebat in Calabria Manna, quod à duobus tantummodo*

*seculis legi cœptum : Dic amabo Alto-
mate cur ante trecentos annos multum
mannæ fuerit in Cenotriâ : jam cerde a-
derant pagi ibidē urbesq; vicinæ , neq; vero
fessellisset curiosam incolarum solertiam,
nihil plane video, quod pro te adduci possit
ad hujus difficultatis evitandas angustias.*

Nescio an operæ pretium facturum
sim, si quas hætenus recensui, majoris
momenti observationibus œconomi-
cam traditionem matrum familias
subjungam : inquisivi tamen sæpius
de rei veritate, in primis apud duos in
arte dulciaria & in condiendis fructi-
bus multum versatos, quorum unus
sæpius experimentum ejus rei cepit.
Asseverabant illi, observasse se macu-
las in linteis â succis fructuum, præci-
puè uvarū corinthiacarum in sacculis
percolatoriis, quàm optime posse elui
eo tempore anni sequentis, cum fru-
ctus illi maturuerunt: ægrè vero alio
tempore.

Huic ob affinitatem annecti po-
test, quod memoratur ab ingenioso

Scriptore Galileo in *Historiâ de Insulis Antillis lib. 1. cap. 6.* ubi per multos annos commoratus est. Hic de fructu aliquo loquens, quem *Acajou* vocant, refert, quod succus quarundam internarum ejus partium, qui pro excellenti remedio in deliquiis habetur, ejus sit naturæ, ut si in linteum incidat rubra, quædam ibi macula relinquitur, usque dum arbor illa rursus florescat. Quæ phænomena, sive longiquitas temporis, vel calor & temperies aëris tempestati, quæ producit flores, fructusque maturat, familiaris aliquid ad causam illorum conferant, videri è re & usu præsentis disquisitionis possunt.

Quæ item vera sit causâ fluxûs ac refluxûs Maris, cumque majores illæ inundationes contingunt, motus tam vastæ materiæ, qualis est magnus iste oceanus, qui in plerisque maribus constanter adeò cum novâ plenâque lunâ concidit, ac in majoribus

illis inundationibus plerisque in locis regulariter cum Æquinoctii tempore, ut longæ observationes nos docuerunt; inquisitione dignum est (quam nullam hic afferre possim) & annon conspicua ista phænomena conjecturas nostras, de quibus diximus, aliquâ ex parte confirment.

Accum in memoriam mihi revoco, quoties è navigatoribus quæsierim de lumine maris, & quomodo in quibusdam locis mare noctu splendeat, quantum oculis attingi potest; aliis vero temporibus & locis tantum, cum fluctus ad navem alliduntur, vel remi aquam impellunt; quomodo aliqua maria sæpius splendeant; in aliis nunquam splendor aliquis observatus fuerit; quomodo in aliquibus locis splendor maris hoc vel illo vento flante deprehensus fuerit, non vero in aliis maribus: quomodo in eodem tractu maris intra angustum circulum alia pars aquæ luminosa sit, dum alia, planè

planè non lucet; Quando, inquam, in memoriam mihi revoco, quam multa inæqualium istorum phænomenorum ad magnam illam aquæ massam spectantium narrata mihi sint à viris, quorum oculis & ingenio fidem dare possumus, (.quæ alibi fortassis invenies) suspicio ista mihi oritur, quod leges quædam Cosmicæ vel consuetudines Globi terrestris, vel saltim Planetarii vorticis magnam habere efficaciam in productione horum effectuum possint.

Nescio etiam annon quædam subterraneæ mutationes, aut inobservatum aliquod inter terram ac alios mundanos orbes commercium in causâ sit sæpe, quod oriantur, continent per aliquod tempus, ac iterum extinguantur Morbi, quos Novos phisici appellant, qui totas regiones invadunt (ac aliquando majores terrarum partes) multosque annos durant, imò secula, donec tandem expirent.

Quorum in ordinem multi eruditi viri varias morborum species retulerunt, quarum in lue Venereâ, saltem quâ originem & disseminationem, manifestum habemus & infaustum exemplum. Quibus &, secundum quorundam excellentium Doctorum sententiam, addere possumus morbum vix aliis regionibus cognitum (*Rickets Anglicâ linguâ vocatum*) qui toties fatalis esse infantibus in Angliâ solet & primùm (ut adfirmando scimus) inter nos intra multorum hominum adhuc viventium memoriam detectus est, Sed de hoc alibi fortassis plura.

Quod si jam peculiaria phænomena singularium regionum attingere propositum mihi esset, diffunderem me in dissertationem, cujus invenire finem vix possem. Atque ideó tantùm monebo Te de duabus aliis suspicionibus, quarum ut mentionem hîc circa leges stabilitas & consuetudines naturæ faciam, non erit intempestivum.

Pri-

Prima hæc est, quod dubitem, an magnæ istæ regulæ, ut videntur, quibus corporeæ istæ res perficiuntur, quæq; constantiam fabricæ mundanæ cursusq; rerum supponunt, uniformiter sic semper se habeant, ut nos quidem vulgò nobis persuademus, saltem quod lineas attinet, ad quas magna corpora mundana moventur & limites motus. Nam quare sapientissimus naturæ autor sæpe permittat, ut nonnunquam videantur regulæ istæ confusæ per exorbitantes motus inquietarum portionum materiæ hoc quidem in loco (quanquam alibi faciam) non inquiram. Verum cum considero naturam brutæ materiæ & vastitatem corporum, quæ mundum hunc conficiunt & concinnant, mirabilem illam varietatem corporum, quæ terra comprehendit, quæq; alia itidem corpora continere non absurde credi possunt; similiter fluiditatem vastarum interstellarium mundi partium,

quibus globi isti innatant; non possum non suspicari minus esse accuratæ & constantis regularitatis illis, quàm esse cogitamus in structurâ universi, majoremq; propensionem deviationum illic haberi, quàm Scholæ à Magistro suo Aristotele multa de imaginariâ perfectione cœlestium corporum edoctæ, discipulis credere permittunt. Atq; ut de nobilissimo corporum cœlestium Sole loquamur, omittamus quæ circa motum ejus observarunt accuratissimi Astronomi, quod naturales dies non omnes æqualis sint longitudinis (quanquam Vulgares Philosophi contrarium teneant) seponamus magnam illam excellentissimorum nostri etiam^q seculi Astronomorum litem de Anamoliâ attributa motui Solis in Apogeo: nam in sole ipso observamus, quomodo semper evomat (ut recentiores quidam Astronomi nostri loquuntur) multum materię opacæ (unde maculæ ejus existe-
re

re dicuntur) cujus portiones vel Europâ vel Asiâ majores, quæq; nonnunquam ita totam ejus faciem obscurarunt (quod contigisse circa finem Cæsaris vel initium imperii Augusti accepimus) ut integrum circiter annum velut ecclipsin pati videretur. Quibus si addimus Cometas cœlestes (neq; enim nunc de sublunaribus disputamus) numerum eorum, vastitatem, durationem in æquales motus ab uno orbe ad alium (ut antiqui dixissent) aliaque phænomena (quæcunque etiam illorum causæ sint) satis hinc apparebit vel in æthereâ mundi parte non esse omnia adeò constantia ac invariabilia, ut homines sibi persuadent.

Dubito equidem, an non in eorum confirmationem addi possint quæ relata sunt â nautis, qui Oceanum Australem navigarunt, de nigris quibusdam nubibus, quæ regulariter in Hemisphærio Antartico eodem modo

E s

ut

ut ipsæ stellæ vicinæ moveri dicuntur, quibus aliqui nautæ Anglici (nescio an primi) albas quasdam nubes non minus regulariter in eodem Hemisphærio motas addiderunt. Perpendi mecum, annon relationes istæ præsentī instituto meo usui esse possint: verū accuratissimâ institutâ inquisitione apud paucos homines, in quorum pervenire notitiam, vel â quibus doceri poteram, nondum causas sufficientes video, quæ moveant, ut phænomena ista pro argumentis allegem. Sed quoniam multos inveni nautas, quorum frequentissima ad Indiæ Orientalis terras navigatio fuit, qui vel quod longius â polo austrino abfuerint, vel quod alia subfuerit ratio, nullam ejus notitiam habuerunt; subjungam, ut partem aliquam naturalis historiæ, non faciliè obviæ; optimam quam de eare habere potui notitiam, quam mecum communicavit Præfectus vel Capitaneus Navis quæ Indiam Orientalem

talem frequentabat , quâ non ita pri-
dem ad maris australis partes incogni-
tas ipse vectus fuerat.

Summa eorum, quæ mihi de phæ-
nomenis superius dictis recensebat,
hæc erat: Vidisse se diversis tempo-
ribus in Hemisphario australi, & qui-
dem in istâ parte viæ lacteæ, quæ supra
nostrum Horizontem videri nequit
(Gallaxiam enim vel integrum
vel maiorem certe circuli partem
complere dicebat) duo vel tria loca
nubium speciem habentia, quæque
propter terram regulariter cum alba
circuli parte intra 24. horas movean-
tur. Verum responsis illis ad alias
quæstiones meas datis addidi, quod, si
istæ essent nubes, de quibus tam multa
locuti fuerunt nautæ, illi errare forte
potuerint, qui Nubes vocitarint:
quoniam illæ non nigræ sed profunde
cœrulei, ut ex responsione ejus habe-
bam, coloris hanc mihi suspicionem
injecerant, quod sint perforationes, ut
ita

ita loquar, viæ lacteæ, videlicet partis
cœruleæ, quæ visui ob discontinuatio-
nem partium Galaxiæ exponuntur.
Præterea alia quædam referebat de al-
bis, quas megallanicas quibusdam
vocari dicebat, nubibus;

Quod sæpius viderit versus po-
lum australem Nubes, quarum pauci
navigatores mentionem faciunt,
quodque circa polum intra 24. horas
moveantur.

Quod manifeste satis sibi appa-
ruerint cum octodecim circiter gra-
dus (si rectè memini) latitudinis au-
stralis attigisset.

Quod sint albæ, tres numero
(quanquam binæ illarum non multum
à se distent) maxima à Polo Australi
remotior, cæteræ gradibus non re-
motiores quàm stella, quæ inter maxi-
mè * conspi. * *Hæc cautela tuetur Rela-
torem meum à contradictione
curiosi alicujus moderni A-
polo habetur; stronomi, qui stellam memo-*
quan-

quanquam un- ^{rat non ultra 3. gradus à}
 decim circiter ^{Polo Australi distantem:}
 ab eo distet ^{sed quinta tantum magni-}
 gradibus. ^{tudinis.}

At vero ex istis relationibus non audeo definire, quod sint tales nubes, ut videntur; novi enim, si accurato aliquo Telescopio inspiciantur Constellationes è minutis ac in conspicuis stellis coagmentatas apparituras, similes illis, quæ in Galaxiâ Cingulo Orionis &c.prehenduntur. Sed ut statuamus tandem aliquid de rebus istis, expectandas observationes ultiores arbitror, cum propositæ istæ conjecturæ in hypothesi veræ & sufficientis relationis tantum fundentur.

Et tantum de primâ suspicione, quam propositurum me superius dicebam: altera multum differt à priori, & illi contradictoria videri possit nisi
 ad

ad alios casus referatur. Nam quam modo dicebam suspicari me, quod quibusdam in rebus relatis ad lineas secundum quas; & limites, intra quos magnæ quædam massæ materiæ motus suos perficere supponuntur, major quædam accuratio, fingatur, quàm est revera; nunc tamen addam, esse casus, in quibus non dubito deviationes à solito Naturæ cursu videri, quæ diuturnâ assiduâque observatione periodica tantum Phænomena longis intervallis distincta deprehendantur. Verum quoniam hominibus nec artis aut curiositatis satis est in iis observandis; vel longævitatatis in justo observationum numero congerendo; statim illi concludunt accidentales esse exorbitationes, quæ à fundatis durabilibusque causis non proveniant. Mundus enim magni animalis instar quosdam producit effectus, suo quodam definito tempore: quemadmodum natura non producit in viris bar-

barbas nisi cum ætatem certam attigerunt ; neque menses (ut vocant) in mulieribus ante annos idoneos apparent , quos etiam ad certum vitæ tempus durare videmus. Idem angustiori temporis spacio observari potest in cornibus quæ cervis certo tempore crescunt iterumque deponuntur. Si primus homo unum tantum annum in orbe hoc vixisset, ut fortuitum aliquod aut accidentarium credidisset, quod verno tempore floreant arbores, æstivo fructus ferant ; Eclipsin vero Solis ut Naturæ aliquod prodigium spectasset, observans, quod, quamquam singulis Noviluniis, Sol & Luna propinquæ satis jungantur, nunquam tamen vel ante vel post conjunctionem illam terribilia ista phænomena contigerint. Et meminisse adhuc ipsi possumus, quàm miras ante annos aliquot conjecturas de variis istis Saturni apparitionibus fecce-

fecerimus, ex quo Telescopia nostra primum eos nobis revelarunt.

Sed notatu dignissimum est cœleste illud phænomenon nobis exhibitum in nostræ ætatis stellis jam emergentibus, jam disparentibus, jam iterum apparentibus; quæ observatæ fuerunt in Cingulo Andromedæ, & in pectore cygni vel circiter (quam visam fuisse anno 1600, evanuisse anno 1621. ajunt :) speciatim vero istâ, quæ ante hos 25. annos per aliquod tempus in Cervice Balænæ interfixas apparuit ac postea sensim visui se subduxit, ab Astronomis ejus temporis, qui eam non supervixerunt pro Cometâ cœlesti habitâ. Postea vero cum ingeniosus quidam Nobilis familiaris meus observaret hîc (ut alibi curiositas paucorum quorundam Astronomorum recentiorum) reditum ejusdem phænomeni in eâdem cœli parte omnes admiratio ejus rei subiit aucta per lentam ejus disparitionem: plurimumque curio-

curiosiores oculos ad istam ætheris partem provocavit. Nam cum celeberrimus Bullialdus & præter alios supra memoratos Virtuosos (quorum nomina ignoro) multi eximii nostri populares observationes in loco consueto instituerent (â quibus & ego toties ad spectaculum mihi gratissimum admisus) ea, & speciatim ultima illa disparitio stellæ, quæ inter fixas posita, ac quartæ si non tertiæ magnitudinis æstimabatur, suspensionem hanc, de quâ ago, mihi firmarunt. Nam si hæc aliæque novæ stellæ regressum illum periodicum ad eandem cœli partem, in quâ jam antea visæ continuaverint, ut sensibile ejus incrementum post primam ejus apparitionem, & in secutum postea decrementum, saltem quantum hoc attinet, promittere videntur; tum certe majori quàm antea probalitate suspicari mihi liceret, quod quidam possint esse Vortices inter concavam superficiem ejus, quod firma-

firmamentum vocamus : quæ si veritati consona suspicio esset, multum præjudicaret hypothese, quam nunc de systemate mundi habemus, & potius adstrueret, quæ ego circa phænomena Periodica, ut possibilia, conjectavi. Sit ut ut sit. Sive enim nova illa stella absque recessu à loco priori tantum aliquando per grad⁹ sit oblecta & occultata à maculis, quales Solem aliquando obscurasse diximus, quæque postea per gradus iterum dissipatæ, ut prius suspicabar; Sive ut luminosum, ita & tenebricosum Hemisphærium habeat (vel potius majorem globi sui partem obscuram magis quam luminosam, ut Bullialdus ingeniosè conjicit) ac per lentam circa proprium centrum & axem conversionem nonnunquam luminosum, nonnunquam tenebricosum oculis nostris obvertat (ut Jovem maculas suas baltheiformes convertere ajunt) unde per gradus apparere, i-

re-

terumq; evanescere necesse est: secundum quamlibet è duabus illis hypothesebus, rationes erunt, quæ in dubium vocent magnam illam, quam in celestibus corporibus & motibus nobis fingimus uniformitatem, & adfirment quæ de periodicis mutationibus in globis mundanis proposita fuere: imprimis quoniam phænomena ista arguunt stellas illas, quas fixas vocamus & invariabiles hæcenus æstimavimus, tantis subjectas esse mutationibus, quæ vel nudis oculis ad tam immensam distantiam percipi possint.

Non insistam hîc isti dissertationi amplius quoniam non anticipaturus sum ea, quæ de terrestribus effluviis eorum causis ac effectibus alibi dicam; * moneo enim, Dubia ac ** Respicio hîc ad tractatum de effectibus & causis quarundam inobservatarum mutationum in aère.* suspiciones me tantum promississe in titulo hujus Tractatus nec litigabo propterea tecum

si con-

si conjeceris quod, quāvis ultimo
 loco proposita suspicio ut bene in
 quibusdam casibus fundata probari
 possit: in aliis tamen, si sunt frequen-
 tiores exorbitationes materiæ, novæ
 cuidam consuetudini, quæ vim legis
 in hâc vetilla parte mundani globi,
 speciatim verò terreni, quem inhabi-
 tamus, habeat, occasionem dare pos-
 sint. Quemadmodum aquæ alveos
 suos illis continendis impares frequen-
 ter excedentes novas sæpe vias suis si-
 bi deviationibus faciunt, quasi omni
 conatu agerent, ut canales semel fa-
 ctos pervadant. Sic & in animalibus,
 si noxii humores semel viam sibi fece-
 rint in fluxu aliquo vel ulcere, eandem
 frequentare eos videmus. Revoco
 eâ occasione mihi in memoriam, quod
 accidit mihi ante aliquot annos ex
 Angliâ versus Hiberniam profiscen-
 ti, cum transirem Comitatum mariti-
 mum *WVaterforde*, socius enim qui se-
 curitatis gratia mihi additus erat, o-
 sten-

stendebat montem longius aliquanto
 distantem, cujus ex editioribus parti-
 bus præceps ruebat Rivus, (quem non
 exiguæ latitudinis ego judicabam)
 qui intra duos vel tres annos ad sum-
 mum primùm citra manifestam ali-
 quam causam è magna aliquâ palude,
 quæ in vertice montis post hominum
 memoriam extitisse credebatur, pro-
 rumpens, toti regioni post primam
 eruptionem non sine admiratione in-
 colarum usque hætenus se immise-
 rat. Cujus novi Phænomeni circum-
 stantias lubens propiori distantia ex-
 plorassem; sed non ducebatur istâ
 curiositate socius, quæ in inimicâ Re-
 gione periculosa etiam erat.

Aliis exemplis ad institutum
 nostrum facientibus hîc exhibendis
 immorari nunc nequeo, cum jam du-
 dum conjecturalis dissertationis meæ
 pars modum proportionemque cæte-
 rarum excesserit, & satis ut ego qui-
 dem existimo, in extremâ hâc parte
 dictum

dictum sit pro scopo meo, qui erat, ut
 excitarem curiositatem tuam in inqui-
 rendam veritatem earum rerum, de qui-
 bus adhuc dubitamus, tuque sollicitis
 tuis observationibus confusis his su-
 spicionibus, quas exposui tibi, subveni-
 res ac demonstrares, utrum certo quo-
 dam fundamento prolata, an ve-
 rò eo semper destitui vide-
 antur.

F I N I S.

ROBERTI BOYLE

NOBILIS ANGLI

TRACTATUS TRES

DE

TEMPERIE SUBTERRANEARUM

REGIONUM

DE

TEMPERIE SUBMARINARUM

REGIONUM

ET DE

FUNDO MARIS.

M O N I T U M

IN animo habebat Autor sequentibus duobus tractatibus tres vel quatuor addere, quorum primus ageret de temperie Regionis aërea, quantum ad calorem & frigus; premittendus illis, qui nunc eduntur, nisi eum ad alias quasdam schedas de aëre reservare commodius visum fuisset. Alteri tractatui de submarinis regionibus relationes quasdam de fundo maris adicere visum fuit, quibus addenda fuissent observationes quadam de salsedine maris, si particularia aliqua in schedis errantibus consignata reperire autor tempestive satis potuisset, ut vacua, quæ hoc in tractatu pro iis reliquerat spatia, iis impleret. Ista quæ nunc prodeunt, cum ad inedita ista non pertineant, premere diutius consultum non videbatur. Verum de singulis istis tractatibus hoc in universum moneri debet, quod, cum sint Historica dissertationes, quæ potissimum (quamvis non unicè) consistant in istis particularibus, in quibus opus habet aliorum informatione Autor, existimationem suam in singulorum veritate, asserendâ non sit periclitaturus; id tantum quod expectari à se justè poterat perfecisse contentus. Quod in eo consistit, ut sollicitè apud homines fide dignos inquirat, qui maximam partem responsa pro notitiâ suâ formant, & ab illis relata fide debitâ consignet.

DE
TEMPERIE
SUBTERRANEARUM
REGIONUM
RATIONE
CALORIS ET FRI-
GORIS.

G

DE

4.
DE
TEMPERIE
SUBTERRANEARUM RE-
GIONUM
RATIONE CALORIS ET FRI-
GORIS.

SI, quando venis metallicis
â me perlustratis scribere cogita-
sem de materiâ, cujus tractatio-
nem nunc aggredior, ac satisfacere
mihi circa temperiem subterranei Aë-
ris proposuissem, ut in aliis subjectis
pro informatione meâ versari sole-
bam, magis equidem credo capax fu-
issem propriis observationibus ista de-
terminandi quàm nunc efficere auctum.
Sed quanquam ob rationem nuper al-
latam, & quoniam offendi soleo omni-
bus iis, quæ respirationis libertatem
impediunt, nunquam sollicitus fuerim
in ipsis fodinis perquirendis; non ta-
men

men intempestivum nunc videbatur;
 si post institutam de temperie aëris
 super terram dissertationem, quædam
 de temperie subterranearum regio-
 num, deque aëre eò pertingente di-
 cerem. Cum enim profundiores fo-
 dinæ loca sint, ad quæ visitanda pau-
 cos opportunitas invitat, pauciores
 curiositas impellit, & de quibus vix ac-
 ne vix quidem observatu digna apud
 classicos Autores vel alios Scriptores
 inveni, aut sane admodum exigua, &
 vix talia, quorum usus esse sufficiens
 possit, non ingratum tibi fore credide-
 rim, si de regionibus paucis frequen-
 tis ac cognitis afferam in medium quæ
 didici diligentissimâ eum in finem in-
 stitutâ inquisitione è fide dignis re-
 lationibus testibusque oculatis, qui &
 nationibus distincti, & nullam inter
 se familiaritatem habuerunt.

Quamquam non videatur absurdum
 suspicari, quod in quibusdam terræ
 locis peculiaris Soli constitutio aliæq;

circumstantiæ rationi consentaneum efficiant, si locis illis vel plures tribus regionibus vel pauciores assignantur; Generatim tamen loquendo Ternarius non incongruè subterraneis regionibus adscribi videtur, non tam ratione Analogiæ, quæ hâc divisione inter regiones terræ & aëris confirmatur, quam quod ratio divisionis in ipsâ divisione inclusa videatur. Ac revera experientia approbare videtur in subterraneâ cavitate, cui fidem facere ex oculati testis relatione possum, ac (paucis admodum exceptis) profundiori aliquâ quam ulla hactenus in orbe cognita est. Cumque inter Philosophos ut axioma receptum sit, quod ille, qui perfectissimus in arte suâ est, Antesignanus sit ac præcipuus, unde reliqui æstimentur; reliquam partem hujus dissertationis incipiam à relatione, quam habui à Chymico, qui eo fine Hungariam ac alia loca metallorum copiâ nobilitata adiit, ut visita-

ret

ret fodinas. Hic cum me salutaret à Principe suo, occasionem mihi dedit ut diversa ex illo quærerem, è cuius responsis istæ mihi relationes statim, ut narraverat, consignatæ.

CAPUT II.

QUOD non multum ab orificio fodinæ aërem calidum, postea vero inferioribus fodinæ partibus propior, frigidum senserit, usque dum ad eam pervenerit profunditatem, quam attingere descensu per quadrantem horæ vix potuerit; quodq; frigus, quod intra illud tempus senserat non modicum fuerit, in primis cū descensu suo ad aliquam profunditatem pervenerat.

Quod superatâ regione frigidâ, per gradus calidiorem offenderit cuius calor profundius immerso intensior semper visus est; ita ut in venis profundioribus opifices invenerit tenui aliqua veste tectos. Quodque subterraneus calor major fuerit, quàm ille

in libero aëre circa orificium fodinæ.
 quanquam æstivū tempus tūm fuerit,

[Quod hīc dicitur de frigidâ regione
 sub terra, confirmatum ab ingenioso
 Physico mihi fuit per observationem
 quandam in aliâ Hungariæ fodinâ (juxta
 urbem, cujus nomen mihi excidit) non
 quidem auri sed cupri, ac priori illa mi-
 nus profundâ : Referebat enim ille in
 descensu non modicum se frigoris gra-
 dum percipisse : rogatus an in ascen-
 su similem observasset, ajebat. Cum-
 que ulterius, quousque se extendisset
 frigida hæc regio inquirerem ; rege-
 rebat se adeò exactam ejus observatio-
 nem non instituisse, cum quæstiones i-
 stas non præviderit. Verum sufficien-
 ter Quæstionum mearum beneficio
 informatus didiceram, quod sentire
 frigus inceperat, postquam lumen pro-
 pè orificium fodinæ amplius non per-
 cipiebat : illud autem duraverit, usque
 dum proprius â fundo absuit, qui ab o-
 rificio fodinæ in rectâ lineâ centenis
 circiter orgyis distare credebatur.]

A relatione hâc non multum abít brevis ista sed notabilis admodum *Morini* (quem alibi cito) qui ante 45. annos Fodinas Hungaricas mense Julio adiit, notavitq; quod, cum primum demitteret se in speluncam, nullum circa aditum ejus calorem invenerit sed frigidissimam & spissam aliquam regionem: quanquam id facile illi concedam, cum fateatur multò frigidior se sensisse, quoniam vestibus suis depositis tenue aliquod Fossorum tegmen induerat. Porro Lectorem informet, quod postquam octoginta orgyis â terræ superficie descenderat, tepidi aëris quendam halitum senserit; qui calor profundius demisso intensior visus fuit & non parum gratus, quod liberarit â prioris frigoris molestia. Addidit præterea, Inspectorem Fodinarum, qui eò se deduxerat, ut & reliquos Hungaricarum fodinarû, præfectos asseverasse, quod in omnibus suis fodinis si profûdius itû fuerit, post densum frigoris tractum, ubi inferior regio
suc-

succedit, calor semper inveniatur, quā profundè etiam effodiatur: quodq; si profunditatem iustam attigerint, nunquam amplius frigus, sed semper calorem sentiant. Atque ut hoc addam, quanquam Vir ille doctus magni faciat Antiperistasin, in paginâ tamen quæ sequitur eam, quâ notantur illa, quæ nunc â me sunt recensita, vel candidè vel inconsideratè ex eorum fide memorat, quod observaverit in fodinis seu magis profundis aliquando in anno intensiorem calorem; fuerint verò hæc tempora duo, quæ disertè nominat, æstas atque hiems diversarum qualitatum ratione sibi opposita.

Expeditis generalibus istis narrationibus procedam nunc ad Regionēs Terræ speciatim considerandas, quarum rerum proponendarum summa satis quidem convenienter quatuor his propositionibus potest comprehendī.

CAPUT

CAPUT III.

Propositio prima.

Prima Terræ Regio admodum est variabilis, tam quâ limites, quàm quâ temperiem.

PRIOR pars hujus observationis non erit probatu difficilis, cum facile concedatur: manifestam operationem radiorum Solis (*cæteris paribus*) majorem esse, profundiusque ferri in calidis climatibus quàm in frigidis; in mediâ ætate; quàm in hieme.

Alterâ observationis pars eodem quo prior argumento probari potest, cui addi potest, ut in quibusdam locis, vel soliditas vel porositas terræ; uti & natura quorundam Salium, Marchasitarum, aliorumque corporum eâ contentorum, quæ naturali suâ temperie solum ad frigus & calorem disponere possunt. Cujus demonstrandi

Occasio mihi dabitur cum de secundâ Regione dicendi locus erit.

Porro & illud observo; quod in primâ regione aër communiter magis sit remperatus ratione frigoris & caloris quam circa superficiem terræ, & ista regio non adeò soleat esse profunda. Utramque hujus observationis partem iisdem possumus rationibus adfirmare, ac propterea, ut junctim id faciamus, annitemur.

Quod in superiori terræ Regione minus sit frigus, quam in superficie ejus exteriori, hoc evinci posse argumento videtur: quod subterraneas cavitates densitas laterum defendatâ directâ actione radiorum Solarium, Ventorum &c. atque adeò ab immediato vel saltem integro exterioris aëris vehementer vel calidi vel frigidi contactu immunes præstet.

Ac primum quidem, quod Solis calorem attinet, minori efficaciâ cum oper-

perari in loca, quæ solidorum corporum beneficio ab ejus actione defenduntur, videre licet in foveis illis glacialibus, in quibus glacies & nix totâ æstate ferventissimâ servari potest, ac sæpe quidem in cavitatibus non admodum profundis, aut infra superficiem terræ depressis.

Memini me aliquando pro conclusionibus quibusdam per experimenta stabiliendis, glaciem servasse per multas hebdomadas, cum jam tepidior, tempestas solutâ hieme redierat, præter quidem curiosorum quorundam expectationem, absque infossione aliquâ profundiori, aut structurâ quâdam, quâ cavitatem tegerem, operosiori. Nam in commoditatum defectu satis mihi erat in campestri quodam loco foveam fecisse quatuor plus minus pedes profundam, fundo aliquandò latiori, cui aditus præstructus exiguâ ac humili casulâ bene

bene confectâ , quæ largam habebat
 versus Septentrionalem aperturam, ac
 obumbrabat tantum os foveæ, ut radii
 solis recti ferire non possent. Ac
 quanquam in foveis profundioribus
 naturale terræ frigus singularibus qui-
 busdam locis familiare id effectum et-
 iam dare non negaverim ; memini
 tamen cum in Viatorem aliquem stu-
 diosum ê calidis regionibus oriundum
 inciderem aliquando, ac de conjectu-
 ris meis aliqua differerem ; quod sci-
 licet sub structurâ aliquâ fornicatâ, cu-
 jus parietes sufficienter crassi, & cujus
 aër ab omni aëris exterioris inter-
 ventu sollicitè servaretur , aliquis
 ad staturæ humanæ profunditatem
 commodum glaciei conservatorium
 in patentibus & non admodum clau-
 sis locis, qualis erat *saluburiensis* illa
 planities , conficere possit : Memi-
 ni, inquam, cum ista differerem, nar-
 rasse illum mihi, quod in quodam
 loco, quem nominabat, in australi par-

te Galliæ, cujus calor excedere mihi multorum in Italiâ Regionum calorem videtur, curiosi quidam homines glaciem in æstate servare cogitaverint: quanquam ita Solum fuerit comparatum, ut ad quatuor pedum profunditatem fodienti aqua occurreret, illi tamen usui huic eo modo aptaverint, ut tegerent structuram lateritiam foveæ superimpositam luto & arenâ, crassitie non modicâ, curamque tantum haberent, ut loco quo accessus aëri exteriori esse debebat exigua tantum porta septentrionalis ingressuris relinqueretur, apta ut arctissimè obturari possit: quæ aliâ iterum structurâ cum prothyro includebatur. Atque istâ ratione glaciem ajebat servatam non totâ tantum æstate, sed duobus interdum vel tribus annis integris cum mitior in calidâ regione hyems interdum novam glaciem non sufficeret.

His

His omnibus addam, quod licet interventus aëris non adeò sollicitè prohibeatur, ut liberum satis subterraneo cum superiore aëre sit commercium, solis tamen radii in cavitatē non admodum profundā infrā superficiem terræ minores, quā supra illam, vires exerant. Ut enim non dicam, quod experimento didici, Liquores parum, nisi consistentiā solā, differentes non adeò facile se mutuò pervadere, ut suspicari aliquis possit, nisi externus quidam, motus propriorem eorum mixturam acceleret: Memini me aliquando matutino tempore jam ad meridiem vergente, cum curiositatis gratiā descendissem in foveam, in quā ferrum effodiebatur, non ultra decem vel duodecim pedes perpendiculariter profundam, oris non adeò angustī, calorem planè mihi non molestum, dum illic morabar, invenisse, quanquam fovea patenti campo exposita, arbo-

boribus non obumbrata, ac Aer superior calidissimus circumstaret eâ anni tempestate, quâ jam orti dies caniculares, vel propediem expectabantur.

CAPUT IV.

Postquam ergo jam demonstratum est subterraneum Aërem in primâ regione multò minus esse calidum, quàm qui super terram fertur; Observatu nunc facile est inferiorem aërem subterraneum (*cæteris tamen partibus*) multo minus refrigerari solere intensi frigoris operatione validiori, quàm superiorem Aërem.

Non urgebo hâc occasione, quod observatum â me fidelius est, quàm antea factum novi de fumigatione, aliquarum scaturiginum hiberno tempore: Nec enim aliam ego causam novi, quàm quod scaturigines istæ vel è calido loco ortæ, aut viâ calidâ de-

delatæ, alicubi profundè satis infra
superficiem terræ incumbentis, &
fortassis ubi peculiariter ad calefa-
ctionem earum dispositum est so-
lum: unde aqua calorem sumens
non tam citò pereuntem, usque dum
è terrâ prosilire incipit; ac tum suf-
ficit non esse frigidissimam, ut ap-
pareat vapor: cum intensum aëris
frigus exhalationes visibiles faciat, quæ
non essent mitiori tempestate, ut vi-
dere licet in halitu hominis, qui fumi
instar videtur hiberno tempore quem
æstate vix deprehendas.

Illud itaque quod in gratiam ob-
servationis nostræ proponam, primum
à natura rerum desumitur, è quibus
colligas, quod subterraneus aër,
quanquam comparatè frigidus, re-
verâ tamen moderatè calidus in æsta-
te, frigore hiberno non ita, ut illæ qui
superficieî terræ contiguus est, afficia-
tur; à cujus immediato contactu,
crassiori terræ fornice, ut ita loquar,
defen-

defenditur : & quod frigus in libero præcipuè aëre & partibus terræ superficialiis dominetur , ut ex aquis non à fundo, sed exteriori parte congelantibus apparet. Cui rationi à natura rerum petitæ aliam subjungam ab experientiâ desumptam. Videmus enim quod in hypogæis bene fornicatis & sollicitè ab accessu externi aëris custoditis cerevisia aliique liquores à congelatione immunes servari in frigore possint, ut observavi in cella non quidem adeò profundâ, sed bene fornicatâ, hyeme supra omnem modum rigidâ ; Cum in alterâ cellâ juxtâ illam, penè æque profundâ, sed non adeò solido fornice tectâ liquores magis spirituosî, quàm cerevisia est, congelarent. Quin non solum in Angliâ, ubi non adeò violentum frigus est, sed vel in ipsâ Russiâ, ubi adeò intensum esse solet, ne ad minorem quidem profunditatem pertingit, ut ex ingenio

niosi cujusdam Medici, qui ibi vivebat, relatione habeo. Is enim & se & alios in istâ civitate per totam hyemem non solum vina sed & cereviasâ frigore conservasse asseverabat in Hypogæis vix 12. vel 14. pedes profundis; Sed quæ superius bene tecta ac sollicitè asseribus abiignis compacta, in quibus angusta janua, quâ descenditur, arcte admodum aptata orificio, ad concludendum internum, & quantum fieri potest excludendum, externum aërem, ne hujus frigore illius calor everteretur.

Suspiciatus certè fui calorem illum, qui adeo diversus in Hypogæis invenitur, partim deberi subterraneis exhalationibus, quæ illîc, elevantur, & fortassis aliquâ ratione effluviis fermentantium vel fermentatorum liquorum, quæ istis in locis solent hospitari. Ac firmata ista mihi suspicio fuit ex informatione modo memorati Doctoris, qui suâ
ex-

experiētiā edoctus referebat, se, quo-
 tie januam cellæ suæ in Moscoviā diu
 ante accuratè clausam aperiebat, co-
 pioſa effluvia sub fumi alicujus specie
 hinc prorumpentia observasse, quæ
 illis, quorum corpora externo aëre af-
 fecta satis calida visa & respirationi
 incommoda. Quæ circumſtantia,
 hanc mihi auget ſuſpicionem, quod
 inter illa effluvia, quædam ejus natu-
 ræ, qualia provenire à fermentanti-
 bus liquoribus, vino inprimis, obser-
 vamus, reperiri poſſint; Quæ adeò
 quibusdam in Hypogæis abundant, ut
 ſuffocare ac interficere ſubitò poſſint,
 qui in illa descendunt. Eoſdem
 effectus ſubterraneorum effluvi-
 orum in ſtagnante aëre diuturna com-
 moratio multis in locis, in qui-
 bus nullæ omnino venæ metallicæ vel
 alia noxia mineralia reperta fuerunt,
 produxit. Cujus exempla benè mul-
 ta habuimus intra milliare unum vel
 eo minus ab hoc loco, de hominibus
 in

in foveas descendantibus, quæ longo tempore absque usu aliquo occlusæ steterunt. Sed hæc obiter; Non enim necesse habemus confugere ad subterraneas exhalationes, pro caloris diversitate, quam Hypogæa bene exstructa in tempestate frigidâ exhibent: cum phænomeni istius ratio sufficiens per priora dari possit: Quod scilicet cavitatis clausura arctior, densitasque laterum & fornicum obstet, quo minus frigore ambientis aeris vehementius afficiatur.

Novi causari aliquos, quod calor de quo loquimur, oriatur ab *Antiperistasi* aliqua: Sed ne controversiæ nos immisceamus, cui multum esset temporis infumendum, dixisse hîc sufficiat, causam non esse, quare hoc in casu ad illam confugere debeamus, cum phænomeni hujus ratio dari possit â regione modò memoratâ: idque hîc confirmari experimento potest, quod in dicto, Hypogæo fornicato;
in

in quo cerevisia â congelatione servatur, hyeme ad prodigium usque accerrimâ , inclusus aër quanquam sensibilibiter calidus è liberiore aër venientibus, non tamen adeo intensum calorem nativum habuerit, qualem cum expectassent Antiperistaseos assertores, cum frigidior etiam esset, quàm liberior aër communiter est, hoc in loco non solum mediâ æstate, sed & aliis tempestatibus, cum temperarius coelum est. Ejus ego rei veritatem exploravi conferens observationes meas aliis temporibus institutas, cum relatione hominis periti, quem in Hypogæum illud medio univus atque alterius frigidissimæ noctis, cum atrocissima ista hyems, de quâ dixi, sæviret, nisi cum eodem eximie sigillato thermoscopio, quod diu ante intra lapidis ab hoc loco jactum suspensum servaveram.

CAPUT V.

POSTquam multa satis de terræ regione supremâ dixi, jam ad eam quæ huic proxima est progredior, de cujus temperie non adeo convenientem dare relationem possum, nisi in duabus propositionibus, quarum prima hæc est.

Propositio prima.

Secunda terræ Regio maximâ sui parte frigida videtur, si cum duabus cæteris comparetur.

Hæc propositio partim rationibus, partim experienciâ confirmari potest. Ac primum quidem rationi consonum videtur, quod, cum terra naturaliter corpus sit consistens partibus crassis ac ponderosis, quæ communiter multo minus agitantur, quàm partes organorum sensoriorum, quantum ad sensum frigida sit; Quod-

Quodque ideo qualitas ista rectè adscribi illi possit eâ in regione, quâ beneficio sitûs vel à superioris aeris, vel profundiorum terræ partium calore immunis est; Qui superior ac inferior calor duo illa agentia sunt, quæ quàm maximè præ cæteris partibus ejus insolitum impertire motum videntur, eoque naturalem temperiem immutare.

Quod nostra propositio etiam per experientiam confirmari possit, colligi potest è Relationibus in prioris dissertationis nostræ parte annotatis. Atque hic repeti debet monitum in fine prioris nostræ propositionis datum, quod frigus secundæ regionis terræ adscriptum cum comparatione ad cæteras regiones duas sit intelligendum. Nam quod Terra (ut quidam Physici existimant) non sit *summum Frigidum* ex eo colligo, quod nusquam audiam glaciem illic ullo anni tempore repertam; Quanquam

nix & grando produci possit mediâ
 in regione diversis ac interdum pla-
 nè oppositis anni tempestatibus: nun-
 quam ego è relationibus illorum, qui
 ad regionis illius profundiora pene-
 trarunt, intellexi, quod frigus inten-
 sum adeò invenerint, vel in quibus-
 dam locis planè alicujus momenti, ut
 videbimus in explicatione sequentis
 propositionis. Nescio an stabilire
 multum possit ea quæ dixi, si addam,
 quæ didici ex inquisitione eorum,
 quorum modo mentionem faciebam:
 quod circa os fodinarum profunda-
 rum effluvia quæ ascendunt calidæ sæ-
 pe videantur, quanquam externus aër,
 in quo observatio instituitur, calore æ-
 statis imprægnatus sit. Verum
 quanquam hoc probabiliter arguat,
 quod, si media aeris regio, per quam
 effluviis istis ascendendum, intense
 frigida sit, illa adeò in transitu refrige-
 rari possint, ut potius frigida quàm ca-
 lida sentiantur, cum è terræ superficie
 pro

prodeunt: non tamen multum tribuam illi argumento (aliquibus enim forte probari poterit) cum periculum non fecerim, quousque calida effluvia in suo perfrigidum medium transitu alterari possint: ne dicam, celeriore esse transitum rerum, quæ directè sursum feruntur.

CAPUT VI.

Secunda propositio temperiem secundæ Regionis subterraneæ respiciens his tradi terminis potest:

Propositio Secunda.

Multis in locis, quæ ob rationem distantie illorum à superficie terræ aliquis ad mediam regionem referret, Temperies Aeris valde diversa est iisdem anni tempestatibus.

MAlui me ipsum ita exprimere, ut prævenirem aliquas ambiguitates & objectiones, quibus expressio-

H nem

nem aliquam, breviorē ac minus plenam occasionem daturam prævidebam.

Ad probationem nostræ propositionis & Experientia & Ratio distinctè potest adhiberi. Atque ut incipiam ab experientiâ; quando quidem in supra memoratio descensu in fodinas Hungaricas observata fuit notabiliter frigida atque densa regio; diversorum hominum, quorum multi hîc in Angliâ profundas diversorum mineralium fodinas frequentant, relationes ad me perferri curavi, in quibus nihil inveni talium narrariorum, quod scilicet notabile aliquod frigus in transitu senserint: nisi speciatim eâ de re quærendum fuerit. Verum esto è spontaneis illorum relationibus colligere me posse, quod æstatis tempore remissionem caloris externi aëris senserint, simulac descendere in fodinas cœperunt; calor tamen iste tanto opere non decrefcebat, ut in notabile aliquod

quod frigus desineret, antequam ad profundiores terræ partes pervenirent, ubi nunquam illis molestias qualitas illa creabat. Ac quædam earum relationum profectæ erant ab ipsis Metallifossoribus, quas de subterraneis partibus in diversis Angliæ tractibus sitis, ut & locis, quorum plurima unius ejusdemque mineralis venas possidebant consignari curaveram. Quin didici singulari inquisitione à Mathematico Practico, qui sæpe plumbi fodinas ad profunditatem illam quousque (secundum *Morinum*) secunda Terræ regio pertingit, adibat; quod ipse notabilem illic calorem omnibus anni tempestatibus senserit. De istâ enim circumstantiâ peculiariter doceri cupiebam.

Neque est rationi dissonum, quod media terræ regio, sensu, quo in propositione accepimus, non sit ejusdem in omnibus locis temperiei,

non solum ob differentias, quas Clima producere possunt, quod scilicet alio in loco calidiora, alio iterum frigidiora, sed & à peculiari constitutione Soli, ad cuius considerationem nunc progrediar.

Temperamentum Soli ipsius esse diversum potest, non solum à majori vel minori soliditate (quâ ratione quædam terræ scopulosæ; aliæ leves & spongiosæ) sed & à naturâ scaturiginum vel liquorum subterraneorum, qui in illo forte abundant & per terram percolantur in foveam in quâ observatorem nostrum commorari supponimus; & speciatim à mineralibus, Salibus particularibus & Marcasitis, quæ ad latera fodinarum excrescunt, vel eò ab aquis deferuntur.

Ut hæc illustrentur, permittite ut considerem, quod natura in terræ visceribus se non secundum imaginarias divisiones nostras dirigat; Sed
illis

illis non attentis Marcasitas, Salia
 aliaque mineralia frequenter forte
 jam in ea, quam inferiorem terræ re-
 gionem nos vocamus, aliquando in
 superiore, sæpe in mediâ regione
 producat. Ponamus itaque in qui-
 busdam locis extremo memoratæ re-
 gionis spacio esse venam ejus terræ,
 quæ naturaliter aliquo nitri foetu a-
 bundat, vel alio quodam sale, quod
 aptum est, inprimis si aquâ dissolvatur
 vel ei commisceatur (quod fre-
 quenter admodum in fodinis accidit)
 ut emittat effluvia refrigerantia, quo-
 rum contactu aër frigescat. Sup-
 ponamus etiam in lateribus alterius
 fodinæ ejusdem profunditatis esse co-
 piam immaturorum mineralium, quæ
 in viâ generationis sunt, vel potius
 magnam quantitatem terræ marcasiti-
 cæ, si vocare ita licet, quæ est sub-
 stantia, ut in pluribus eam, inve-
 ni locis copiosè inprægnata & qua-
 si, mista mineralibus marcasiticæ

naturæ, & adeò tamen laxæ texturæ,
 ut non aqua solum intra paucas horas,
 sed & ipse aër in eam multis operari
 modis possit. Et quoniam durante
 isto tempore, quo marcasitæ lentè
 dissolvuntur, observatum est, ut ali-
 bi etiam docuimus * *Tractatus cujus*
 * multas ex illis acqui- *hic mentio fit, dis-*
 rere notabilem ali- *sertatio est de sub-*
 quem caloris gra- *terraneis ignibus*
 & calore.

dum, non erit valde probabile, quod
 temperies terræ eo in loco, qui abun-
 dat marchasiticis mineralibus, calida
 admodum sit comparatione ad tem-
 periem aliorum locorum factâ, ubi
 Solum magna copiâ producit nitro-
 sa refrigerantia corpora: quanquam
 supponi possit uterque locus eâdem
 distantia à superficie terræ remotus,
 & per consequens in eâdem regione
 subterraneâ constitutus.

His argumentis suspicari pos-
 sumus iisdem in locis temperiem
 non

non semper unam eandemque vel ratione soli esse. Nam alibi demonstravi, quod quædam terræ salinæ, speciatim nitrosæ, aliaque mineralia, quæ commune aliquid habent cum marchasitarum natura, admittant speciem gradualis mutationis, ac fortassis alias mutationes, quæ spontaneæ videntur; quodque tales mutationes notabilius contingant in partibus talium corporum, quæ aëri exposita sunt, quam in illis quibus accidit locari ad litora profundarum fodinarum, de quibus locuti sumus.

Quibus ita præsuppositis non absurdum erit, si concipiamus mineralia, ad quæ & calor & frigus referri debet, posse magis esse copiosa, matura ac operantia hoc quàm illo tempore; vel quod tandem omnis illa terra, si affimiletur rudimentis mineralibus eâ contentis, possit consumi:

vel minerale ipsum ad maturitatis perfectionem deveniat, quæ ejus texturam ita concludet, ut aquâ vel aliis liquoribus, quic causa erant incalescentiæ, penetrari amplius vel subigi nequeat.

C A P U T VII.

Mitto transitorias mutationes, quæ in temperie secundæ regionis subterraneæ excitari possunt diversis accidentibus, ac speciatim subterraneis exhalationibus, quæ quibusdam in locis ac temporibus copiosè ex inferiori terræ regione ascendunt. Neq, immorabor inquirendis aliis causis differentię magis durabilis temperiei in quibusdam secundæ regionis partibus, inter quas esse possit vicinitas subterraneorum ignium in tertiâ Regione, quibus incalescit solum incumbens: quoniam properandam mihi est ad tertiam, ac ultimam dissertationis meę partem: quod tamen non faci-

am,

am, nisi hoc monitum præmiserim, quod loquendum mihi majori hæsitantiâ ac diffidentiâ de temperie subterranei aëris sit: cum Mineralium inquisitores nunquam adeò curiosi fuerint, ut eam thermoscopiis exploraverint, quæ fidelius docere nos queunt quàm sensus nostri frigore vel calore externi aëris multum præoccupati. Ac misi sane ad locum aliquot dierum itinere ab hoc distantem apta instrumenta pro examinando aëre infundo quarundam fodinarum nostrarum: Sed casu quodam infelici factum est, ut conatus iste eventu suo fraudaretur. Verùm, si aliquando aliam, Deo volente, nactus fuero, quâ hætenus destitutus fui, opportunitatem thermoscopio accuratè sigillato ac portatili aliquo Baroscopio rectius doceri me posse, quàm à mineralium inquisitoribus hætenus factum est, confido. Dico autem sigillato thermoscopio: quoniam, quamvis communia ista in fodi-

nis adhibeantur, fidem illis habere nequeam, meis experimentis non tantum sed & ratione de fallaciâ eorum edoctus: nam in inclusum illic aërem incerta est operatio non solum à calore & frigore, sed & à pondere vel pressione externi aëris. Ita ut, si thermoscopium à notabili aliqua altitudine, bene prius notatâ penduli liquoris statione, demittatur; Liquoris adscensus observetur, quando instrumentum in fundo quiescit: quasi inclusus aër manifestè sit refrigeratus: quanquam temperies externi aëris in utroque loco similis plane esse possit: cujus adscensus causa hæc est, quod cylindrus ille aërius stagnanti liquori incumbens altior ac gravior est in fundo, ubi instrumentum quiescit: quàm illud, quod innitebatur illi, in priori ejus ac superiori statione penes verticem atmosphæræ. Unde facilè est concludere, quod in fundo profundæ alicu-

alicujus foveæ, ubi athmosphæricus cylindrus qui stagnantem aquam premit, longior erit ac gravior quàm in ejus vertice, Aër per hoc instrumentum frigidior apparere possit in locis, ubi revera calidior est, quàm alibi: cum increascens aëris incumbentis gravitas fortior sit ad impellendum pendulum liquorem, quam conatus expansionis in aëre incluso à calore loci productus, est ad deprimendum.

CAPUT VIII.

Tertiam dissertationis meæ partem occupabit infima terræ Regio, de quâ quod dicturus sum sequenti propositione complectar.

Propositio quarta.

Tertia Terræ Regio constanter sensibilterq; calida observatur, verum non eodem gradu: Cum in quibusdam locis vehementior calor sentiatur.

Dico

Dico, quod temperies ista observata fuerit in infimâ regione, quoniam significare volebam, quod propositionem meam hâc limitatione velim intellectam, in quantum hætenus, quantum scio, observatio instituta est. Omnes enim profundiores fodinæ, de quibus mineralium inquisitores memorarunt, ac in quibus homines diu laborarunt, ut temperamentum aëris cognoscerent, factæ sunt in Solo venis metallicis instructo; absque quo si esset, nunquam inducerentur homines ad laborem istum suscipiendum, ac sumptus faciendos in effodiendis locis tam profundis, ac operariis conducendis. Quare experientia exigua hætenus est, vel saltem non sufficienter informat de temperie partium tertiæ regionis in Terra metallis ponderosis vacuâ, ac per consequens de temperie infimæ regionis in genere; ut clarius ex iis, quæ prolixè satis proponam, apparebit.

Præ-

Præmissō hoc circa propositionem
 nostram monito, procedemus ad di-
 stinctas duarum partium quibus con-
 sistit propositio nostra, probationes.
 Atque ut à primâ incipiam: quicquid
 etiam Peripatetici de nativo terræ fri-
 gore doceant, speciatim ubi à mistura
 aliorum elementorum est quam remo-
 tissima; quanquam à multis homini-
 bus, qui tertiam hanc terræ regio-
 nem in diversis provinciis, terris, di-
 versâ profunditate ac anni-tempesta-
 te, frequentarunt, sollicitè inquisive-
 rim; à nullo unquam fando audiui,
 quod molestum sibi frigus istius regio-
 nis aut sensibile observarint. Incidit
 hâc occasione, suspensionem aliquam
 me habuisse, an non saltim in quibus-
 dam casibus angustiae cavitatū, in qui-
 bus fossoribus sæpe laborandum est,
 efficere possint, ut sentiant calorem
 maximâ parte ab effluviis corporum
 suorum procedentem, & fortas-
 sis à mineralibus & à difficultate
 ven-

ventilationis vel refrigerationis in Aë-
re effluvis impleto. Id ut crederem
eò facilius, movebat me, quod eodem
tempore in metallicis fodinis non ad-
modum profundis ac satis liberum aë-
ri accessum permittentibus gravem a-
liquem copiosumque odorem metalli-
cum observaverim.

Non paucis etiam experimentis
cognitum mihi est, quod exhalationes
ab animalium corporibus proceden-
tes, ita vitient aërem illis oppletum,
ut respirationi eorum fiat inidoneus
& ægra ac languida efficiat. Quare
non inconveniens judicavi, inquirere
annon calor subterranei aëris in locis
modò memoratis his adscribi causis
possit? Sed negabant omnes, & præ-
cipuè Vir sagacissimus, qui profundis-
simas & calidissimas fodinas, quas
unquam familiares mei viderant,
frequentaverat.

Sepositis his pro subteraneo calore
demonstrando rationibus, videtur, ut
in-

ingenuè fatear, aliquantò difficile,
concupere, quâ ratione producat.
Sunt tamen duæ precipuæ causæ,
quibus probabiliter istorum locorum
ubi aer moderatè calidus est, tempe-
riem adscribere possumus. Quibus
tertia aliqua addi potest, cum ratio-
nem, quare loca quædam vehementi-
us calida, daturi sumus.

Ac prima quidem causa, quare
frigus hyemis sentiri nequeat in infi-
mâ regione terræ, hæc esse potest,
quod aer illic remotior est ab aere
supra terram, ut adventitiis frigoris
causis affici nequeat, quæ qualitatem
hanc intensiorem super terram effici-
unt. Verum, quoniam ratio ista ma-
gis declarat, quare in infima regione
terræ non sit frigidior temperies in
hyeme quàm in æstate; quàm, quare o-
mni anni tempestate illic calor obser-
vetur, addâ ut conjecturâ, quod causa
illa positiva caloris actualis possit pro-
cedere à profundioribus subterraneæ

regionis partibus, quæ sitæ sunt infra loca, ad quæ hætenus pertingere potuerunt fossiores. Valdè enim verosimile mihi visum est in istis nondum penetratis hætenus terræ visceribus magna esse reconditoria ignis actualis, vel loca admodum calida, & in quibusdam utrumque, à quibus promptuariis, si appellare ita licet, subterranei caloris qualitas illa communicatur per canales, fissuras, fibras aliasque vias subterraneas cum partibus terræ minus profundis, sive propagatione caloris per substantiam interpositarum terræ partium, (ut quando superior fornacis pars remissius calet eodem agente, quod intensum calorem in cavitare producit) vel faciliiori ignis aut caloris diffusionem per vias modò dictas (cujus exemplum in chemicis quibusdam structuris habemus; Ubi tubi quidam calorem deferunt) Vel (qui forte modus est usitatissimus) emissionem ad partes superiores

exhalationum vel effluviolorum mineralium calidorum, quæ, quod partibus materialibus comparatè gravibus consent, & vicinioribus in locis non ita dispersa, plerumque in profundioribus terræ partibus copiosiora sint, quas qualitate istâ afficiunt, quam ex officinis, ubi præparata, secum ferentes aliquo post tempore retinuerunt.

CAPUT IX.

QUOD manifesta effluvia sæpe deprehendantur in fodinis, præcipuè profundioribus, evidenter patet è vaporibus tam in distantibus regionibus, Germaniâ, Bohemiâ, Hungariâ &c. quàm in Angliâ eas infestantibus: unde relationes aliquas ab ipsis metalli fossoribus accepi. E quibus apparet, quod multæ exhalationum è visceribus terræ adscendentium sulphurei sint & bituminosi, odoris, quodque in fodinis quibusdam (qualem

lem meipsum visitasse superius dixi) effluvia illa ignem actualem suscipere apta sint.

Calor multarum exhalationum subterranearum porro aliis, ut putato, observationibus probari potest. Nam quanquam ea, quam modo diximus, rejicienda non videatur, & adhiberi defectu melioris possit; Sæpius tamen dubitavi, an in eâ solâ acquiescere debeamus. Non enim faciliorem corporum inflammationem semper notam esse infallibilem credo actualis sensibilisque caloris minutarum partium è quibus consistunt, vel in quas reducuntur. Nam quanquam nitrum valde sit inflammabile, per solutionem tamen in aquam limpidam ad invisibilia corpuscula reductum summè refrigerat liquorem. Nec fumos ejus (si ab igne remotiores sint) sensibilibiter quâ tactum nostrum calidos ob-

observavi. Quod & dici potest de exhalationibus Spiritus Vini summè rectificati, quem tamen totum novimus esse inflammabilem. Ac nescio sane, annon (ex ratione alibi datâ) copiosæ exhalationes ascendere possint ab inferioribus terræ partibus, quæ magis frigidæ sunt, quàm calidæ. Nam alio quodam in loco ostendo modum, quo mixturam feci copiose satis spargentem effluvia, quæ frigidæ magis quàm calidæ erant naturæ, cujus hoc erat argumentum, quod mixtura unde sublevabantur tum, cum ingredientia eam componentia in se mutuò operarentur, non ad sensum solum sed intensius aliquanto frigida erat.

Multa itaque sunt, quæ inducunt me, ut huic assentiam opinioni, ad quam amplectendam priora exempla me tantum inclinant, videlicet quod, cum
quæ-

quærerem aliquando ex Viro solerti, qui frequentabat fodinas metallicas (quarum ipse particeps erat) ille mihi responderit, evidenter se fumos è fodinarum antris provenientes actu ipso & sensibilibiter calidos, & quidem calidâ anni tempestate observasse. Ac *Morinus* supra laudatus, cum de profundis fodinis Hungaricis differit, primum illud copiosarum exhalationum, quæ è fundo ascendunt, epitheton facit, quod sint calidæ. Et in paginis subsequen- tibus docet, quod ados fodinæ fumi ascendentes *ipsâ in æstate sensibilibiter calidi fuerint*. Atque eadem argumenta, quæ alibi produxi, quod sint loca calidissima, & velut *Æstuaria* in visceribus terræ: Inservire poterunt probationi ejus, quod effluvia inde ascendencia possint esse actu ipso calida.

Quod itaque multis in terræ locis, ubi nullæ sunt foveæ, nec visibiles Exhalationes, solum tamen pervadant & ca-

& caloris quasdam operationes exer-
ceant, probari ex eo potest, quod ipse
experientissimus *Agricola* intra signa
latentis venæ numerat; quod pruina
non facile istam terræ superficiem te-
gant sub quâ, quanquam forte satis
profunde, venæ metallicæ recondan-
tur. Similia ego novi signa fuisse da-
ta in Angliâ pro detegendis locis, quæ
carbones fossiles continent. In me-
moriâ mihi hîc revoco, quod osten-
derit mihi aliquis terræ suæ partem,
quam, licet exteriori facie â vicinis
frigidioribus terræ partibus non dif-
ferret, nivem vel in mediâ hyeme non
ultra unum alterumve diem admissu-
ram asseverabat.

Hujus relationis fides confirma-
batur responso, quod ab ingenioso
quodam Nobili juxta fôdinas metalli-
cas vivente, & non parum circa eas
occupato accepi. Nam cum ex eo
quærerem, quid de nivis disparitione
in solo minerali eo in loco observarit

re-

respondit, senon deprehendisse in locis istis, quod talis aliqua dissolutio nivis aut glaciei contigerit; Quod provenire potuisse credo à defectu talium mineralium in subjacentibus partibus, quæ cum in statu incallescenciæ fuerint, vel ab eo (ut alibi de nivibus in monte Æthnâ observavimus) quod directæ calidorum effluviorum ascensio impedita fuerit, per obstacula rupium aut aliorum lapidum, quæ penetrare effluvia non poterant; Vel quod adeò lentè agant, ut perdant calorem illum actuosum, dum in viâ sunt. Sed & addebat iste Nobilis, quod in aliis locis non longè à se distantibus, quæque minerales tegere venas norat, nives ac glaciem agrè in superficie fundi istius vel in frigidissimâ hyeme durare observavit.

Magnum addet proposito nostro momentum, si verum est, quod scripserunt viri eruditi, prope fodinas auri in Hungariâ folia arborum præ-

præcipuè terram respicientia sapi-
us aureo colore obducta inveniri
ab aurifodinarum exhalationibus me-
tallicis, ad quarum in aërem a-
pertum elevationem, utpote pon-
derosarum, magno opus esse calore
aliquis cogitaret. Verum cum in-
dubium vocarem istam relationem,
ut quæ non à mineralium inquisi-
toribus aut curiosis observatoribus e-
rat profecta, quæsi vi aliquando ex ho-
mine, quem curiositas sua ad fodinas
Hungariæ perlustrandas incitaverat,
qui quidem testimonium se perhibere
huic observationi posse negabat, ali-
am tamen narrabat (cujus alio in lo-
co memini) quæ traditionem istam
evertere non videtur.

Si illis quæ hætenus dissertavimus
de ignibus vel calore in visceribus ter-
ræ latentibus, aliquis objecerit, quod
rationem caloris eis in locis tantum,
quæ in ordine isto sita, ut pertingere
eò possit actio talium promptuariorum
ignis,

ignis, subministrent, qui verissimiliter aliis deficere in locis potest, ingenuè fatebor, non videri etiamnum, ut antea, cum primum illa mihi oborta, eam mihi absurdam, quod sciam, si homines in multis aliis terræ locis, ubi nullalantium venarum signa sunt, æquè profundas fodinas fecerint, ut iis in locis fecerunt, ad quæ effodienda spes venarum metallicarum vel aliorum mineralium, unde operæ esset pretium, invitaverat, multa eos inventuros loca calore destituta, qui hætenus semper observatus est in locis istius ejusdem regionis, quæ vel ipsa abundat mineralibus, vel profundis istis & latentibus Æstuariis, de quibus supra diximus, vicina est.

Quantum ad illas partes tertiæ Regionis subterraneæ, quas homines non tantum moderatè sed & vehementer calidas offendunt; Vehemens ille caloris gradus derivari (saltem quibusdam in locis) non videtur à causis

sis supra memoratis, quæ ad producendum notabilem adeo effectum tertiam aliquam causam ipsis potentiore, opus habent: qualis esse incalescentia illa videtur in multis venis ac aliis locis mutuam partium componentium actione producta, ac liquore immaturorum & laxius contextorum mineralium, eorum præprimis, quæ marchasitica sunt naturæ, promota. Quod talis incalescentia isto modo produci in terræ visceribus possit, alibi (in dissertatione de igne & calore subterraneo) demonstravi per exempla incalescentiæ, quæ in corporibus mineralibus super terram produci possunt. Quod Marchasitæ, quæ plurima parte abundant vitriolo ad ignem hanc subterraneum producendum apta sint corpora, adfirmari non solum è sulphureis & salinis partibus, quibus abundant, potest: Sed & ex eo, quod in multas earum, ut experimento nostro cognovimus, vel sola aqua, vel humidus aer

operari possit, quod argumento est facile earum constitutionem posse resolvi: uti & ex illo: quod Nobilis aliquis, quem curiositas sua ad profundiores aliquas in Hungariâ fodinas perlustrandas induxerat, à me eâ de re quaesitus confirmaverit, ut aliàs etiam acceperam, quod collegerit in inferioribus terræ partibus Vitriolum, quod super terram aureæ naturæ esse apparet, quodque in spelunca ad latus unum fodinæ in profundis istis venis auriferis prope *Cremizium* corrosivus ejus odor tam sit violentus & noxius, ut homines aurum quod ibi magnâ copiâ reconditur, effodere ausi non fuerint, aliorum, qui id tentaverant, infelici fato deterriti: addens præterea, quod licet magnoperè festinaverit, evitare tamen offensionem molestarum exhalationum non potuerit. Et hæc quidem occasione ut arbitror inconveniens non erit, si quæ de immaturis mineralibus dixi, aliis Chymi-

ci istius relationibus illustra vero. Eum cum interrogarem: Utrum Vitriolum in profundioribus fundi partibus inventum omne fuerit solidum, an vero aliquod mollius; mollius se invenisse agebat, cum colligeret: ac ut curiositati meae satisfaceret scire cupientis an ista sub consistentia perduraverit, mollius in profundioribus fodinae partibus fuisse, sed in aërem super terram perductum induratum novem distinctis striis aureis ornatum apparuisse asseverabat.

CAPUT X.

Aliud præterea est, quod omit-
ti hic non debet, quanquam
forte novum ac insolitum videri
possit illis, qui speculationibus tan-
tum philosophantur, nec ab iis
qui profundiora terræ perscru-
tan-

tantur meliora sunt edocti. Phæno-
 menon hoc est, quod fossiores incom-
 modâ experienciâ edocti Aërem in
 profundioribus fodinæ locis, nisi ven-
 tiletur & renovetur, brevi temporis
 spatio respirationi inidoneum fieri, i-
 sto molestiæ huic invento subveniant,
 ut ad convenientem â fodina, ubi ope-
 rarii morantur, distantiam aliam
 quandam foveam faciant, (quæ hîc â
 quibusdam dicitur *a Ventpitt*) plerum-
 que directè deorsum tendentem
 (quanquam aliquando etiam angulos
 habeat) variis â metallifossoribus no-
 stris in diversis locis nominibus ap-
 pellatam, quorum magis emphatica
 videntur quæ in fodinis plumbi in
Darbyshire usitata sunt: illic enim vo-
 catur *Air-shaft*, & solet 40, 50, ac a-
 liquando 80, vel 100. passibus â fo-
 dinâ ipsâ distare, & (ut præcipui ope-
 rariorum illorum mihi narrarunt) æ-
 qualis est cum fodinâ ipsâ profundita-
 tis. Quanquam Germanis aliqui-
 bus

bus ac Anglis fossoribus minor aliqua profunditas sufficere videatur. Ab istâ foveâ ad fodinam ipsam, in quâ fossores operantur, tenditur canalis, vel si ita appellare licet *Ventiductus* pro deducendo ex illo ad hunc locum aëre. Illud est, quod Agricola aliquando *Cuniculum* vocat (*lib. 5. & 6. de re metallica*) terminos enim interdum improprio sensu accipit. Quanquam etiam diversis nominibus in diversis Angliæ partibus â fossoribus denotetur, in fodinis tamen plumbi supra memoratis vocatur *Drift*, quod â propellendo ita dicitur: quoniam Aër communiter sub venti specie per canalem illum protrusus operarios in ipsius fodinæ fundo laborantes reficit, ut liberè respirare possint. Ac meminî hâc occasione â curioso quodam observatore, fodinas metallicas sæpius lustrante, narratum mihi fuisse: quod ad profunditatem ducentarum circiter virgarum aërem invenerit

beneficio hujus canalis vel cuniculi
respirationi non solum satis idoneum,
sed & ratione caloris & frigoris tem-
peratum. Cumque ulterius de tem-
pestate anni rogarem, sub finem Au-
gusti ac initium Septembris id se ob-
servasse referebat.

Porro, quod inservire ulteriori ac ac-
curatori observationi circa motum &
temperamentū Aëris in istis artificia-
lib⁹ cavitatib⁹ subterraneis possit, Rela-
tio est *Agricolæ*, quæ, quanquam autor
ille classicus præcipuus sit inter omnes,
quos de venis me- * Idcirco serobes, putei,
tallicis habemus, cuniculi effossi complen-
tur exteriore aëre, at-
que ipsam in eos influe-
re, imprimis hyemali
tempore evidens est
in duobus puteis, ad
quorum utrumque ex
modico intervallo cu-
niculus aliquis perti-
net. Nam aër in unum
continuo influit, recta-
que per cuniculum per-

non in illo (quod
ego quidem me-
mini) notata fuit.
Nam quanquam
experientissimus
ille Scriptor in
tractatu suo * de
ortu & causis subter-
raneorum indefini-

tè tantum dicat: *meat ac transit ad al-*
quod mediante *terum, atque ex eo rur-*
cuniculo vel cana- *sus evolat foras.*

li illo, qui foveam ac fodinam ipsam
 connectit, aër qui in unam è foveis il-
 lis influit, ad aliam transeat: in quinto
 tamen libro suo *de re metallica* specia-
 lem magis dat & confusam rationem
 cursus aëris terminis non satis perspi-
 cuis: *Aër autem exterior se suâ sponte*
fundit in cava terræ, atq; cum per ea pene-
trare potest, rursus evolat foras. Sed di-
 versâ ratione hoc fieri solet, etenim vernis
 & æstivis diebus in altiore *puteum* influ-
 it, & per cuniculum vel fossam latentem
 permeat, ac ex humiliori effluit similiter is-
 dem diebus in altiore cuniculum infundi-
 tur, & interjecto puteo defluit in humilio-
 rem cuniculum atq; ex eo emanat. Au-
 tumnali vero & hyberno tempore contrâ in
 cuniculum vel puteum humiliorem intrat,
 & ex altiori exit: verum ea fluxionum aë-
 ris mutatio in temperatis regionibus fit in
 initio Veris & in initio Autumni. Illis

addit quod magis notabile est : quod
Aër utroq³ tempore (verno scilicet & au-
 tumnali) *antequam cursum suum illum*
consuetum constanter teneat, plerumque
quatuordecim dierum spatio crebras ha-
beat mutationes, modo in altiorem pu-
 teum influens, modo in humiliorem. Quod
 si hæc satis sibi constat observatio,
 quanquam tantum in profundioribus
 quibusdam fodinis; confusis aliqui-
 bus inquisitionibus circa notabiles
 ac periodicas Subterranearum parti-
 um mutationes vel in terrâ vel in a-
 ère, vel utroque occasionem dare po-
 terit: quæ quanquam nondum hæc-
 nus consideratae fuerint, ulteriorem
 tamen considerationem merentur, o-
 peram dedi ut scirem an tale aliquid
 observetur in quibusdam plumbifo-
 dinis, unde in aliis particularibus in-
 formationes recepi. Sed curiosissi-
 mus quidam Vir, cujus in subterra-
 neis structuris cura præcipua versa-
 batur, cursum aëris tam æstate quàm
 hieme

hieme eâdem ferri constanter viâ asse-
verabat intrante aëre in orificium pu-
tei (*Air-shaft*) & egrediente ad per-
pendiculararem foveam , quæ ita denomi-
natur â cavernâ (*vel casâ puteali*) ple-
rumque orificio ejus superstructâ , ut
operarios â pluvîâ aliisque aëris inju-
riis immunes præstet.

Postquam hæc scripseram, inve-
ni in *Morino* (de cujus relatione jam
tum dictum est) locum, qui aliquate-
nus obscurè expressam Agricolaë ob-
servationem illustrare posset. Nam
modo memoratus autor scribit, quod
in profundis Hungariæ fodinis â se lu-
stratis externus aër transiens (primum)
speluncas, atque ita per diverticula (si
vocare ita licet) quæ non directè de-
orsum tendunt ad extremum fundum
fodinæ vel perpendicularis foveæ per-
tingat, undè una cum effluviis è mine-
ris procedentibus recti lineo motu
sursum feratur. Verum *Morinus* pla-
nè non attentâ Agricolaë observatione

circa diversos diversis anni tempesta-
bus aëris cursus: quanquam (ut ali-
bi ab eo scriptum invenio) æstas fuerit
cum fodinas lustraret, atque ita rela-
ta ejus bene cum parte aliqua eorum
quæ *Agricola* dicere videtur, conve-
niant: quantum tamen ad aliam præ-
cipuam observationis ejus partem;
nihil planè dicit. Ac sensibilem calo-
rem effluviis è perpendiculari foveâ
adscendentibus ad scribit; dubium
aliquomodo relinquens, quid com-
mercii aer subterraneo calore rarefa-
ctus habeat cum Phænomenis, de
quibus nos diximus.

Verum ut ad ea, de quibus ante-
quam ad *Morinum* ventum erat, dice-
bamus, regrediar. Illis non ineptè
forsan addi possit, quod inquisitione
meâ comperi, puteos illos ac foveas
istis in fodinis fuisse profundissimas.
Sed spero me aliquando relationes ha-
biturum eorum, quæ in aliis fodinis,
quæ sunt in aliis Angliæ partibus, acci-
dunt,

dunt, quantum cursum subterranei
aëris attinet, speciatim quando ejus ef-
fluxus é puteis non dependet à muta-
tionibus ventorum super terram spi-
rantium : Ac curiosos etiam in aliis
regionibus similem suscipere laborem
optarem.

Nam sane id de quo hætenus in-
tractatu isto differui, accommodatum
tantum est ad tenues quorundam in-
formationes, quas accepi hætenus
ac propterea ulteriori informatione,
si haberi illa potest, vel corrigi vel
confirmari debet. Interim pro-
babiliter satis é. Dissertatione pri-
ori colligere me posse existimo,
quod quanquam quibusdam fodinis
tres subterraneæ Regiones, earumque
distincta attributa, non inconvenien-
ter adscribi possint; generatim ta-
men de toto terrestri globi corpore
(in quantum cognitum habemus)
loquendo, & limites & tempera-
men-

menta regionum tam terræ quàm æ-
ris varia satis ac incerta sunt.

Longe est incertior cognitio Tem-
peramenti partium magis interna-
rum, & (si ita loqui licet) magis
centralium terræ, in quibus utrum
continuata quædam soliditas invenia-
tur, vel majores aliqui fluidæ materiæ
tractus, & utrum diversis regionibus
distingui possit vel non, quis earum
numerus, ordo, crassities, quæ quali-
rates hæcenus ignoramus, & fortassis
diu ut vereor, ignorabimus. Notari
enim debet (quâ observatione con-
cludam) id quod hæcenus disserta-
tum est, spectare tantum ad temperi-
em subterranearum partium, ad quas
homines fodiendo pertingere potue-
runt. Verum sane est, quasdam fo-
dinas præcipuè in Germaniâ ac Hun-
gariâ stupendæ esse profunditatis si
comparentur cum vulgaribus nostris
ac magis obviis terræ cavitatibus:
jactatur inveni peculiari quodam
discur-

discursu de variis orbis fodinis scripto,
 quod opulenta ista Snebergensis fodi-
 na 400. virgas profunditate suâ æ-
 quet. Et vix fides habetur de perlu-
 stratâ â se fodinâ Hungarica 400. or-
 gyas profundâ, narrantibus. Sed om-
 nium, de quibus vel fando vel le-
 gendo â fide digno teste accepi, pro-
 fundissima est, quam experientissimus
Agricola in tractatu, quem *Bermannium*
 in scribit capite 17. prope *Cottleber-*
gum reperiri tradit. Sed quanquam
 500. circiter orgyarum id est 3000.
 pedum profunditas prodigiosa sit, me-
 dietatem, tamen milliaris unius non
 multum superat, & tribus quartis mi-
 nor est: & quâm est hæc exigua por-
 tio profunditatis, si cum toto globo
 terrarum comparetur. Cujus semi-
 diameter, si recentio- *Licet varia de*
 rem, doctissimi Gas- *ambitu terra o-*
 sendi calculum admit- *piniones sint no-*
 timus, 4177. milliaria *bis tamen prope-*
modum constat
 italica æquat; *esse ipsam millia-*
 cuius

com-

comparatione insti-
 tutâ (ut dicebam.)
 quam est res exigua
 profunditas, quæ
 ne unum quidem
 milliare exæquat.

rium italicorū 26255,
quod in maximo ad
terra superficiem cir-
culo respondeant uni
gradui milliaria pro-
ximè 73. &c. Gassend.
instit. Astron. lib. 2.
c. 13,

F I N I S.

DE

TEMPERIE
SUBMARINARUM
REGIONUM

Ratione CALORIS ET
FRIGORIS.

DE
TEMPERIE
SUBMARINARUM RE-
GIONUM

Ratione CALORIS ET FRI-
GORIS.

CAPUT I.

Quaquam Peripateticis inter
aquam & aërem tanta fingatur
affinitas, ut in se mutuò conver-
ti possint; quæ tamen hætenus, mihi
non est demonstrata; prompte tamen
concedam tantam inter fluida ista
corpora affinitatem, quanta me
(postquam de temperie aëriarum re-
gionum egi) ad quædam de subluna-
riis regionibus dicenda invitât: Quod
submarini nomen, quanquam impro-
priè acceptum videri poterat, nullum
tamen circa ejus usum dubium mihi
su-

superest, quoniam inter omnes doctos
 usus quoque *Subterraneorum spatiorum*
rum nomen probavit. Namque ut
 hæc neque nominis neque ipsâ ratio-
 ne infra totum terræ corpus, sed tan-
 tum superficiales ejus partes concipi
 possunt: ita *Regionum submarina-*
rum appellatione non loca infra fun-
 dum maris sita, sed quæ infra ejus
 superficiem sunt, intelligi debent.

Sed ut à verbis ad res ipsas veni-
 am, non existimo expectaturum à me
 quenquam, ut qui nunquam Urinato-
 rem egi, de regionibus istis, de quibus
 hîc ago relationes observationibus me-
 is superstructas afferam; ac spero cu-
 riositatem in isto negotio possibilem,
 de quo altum est apud classicos scri-
 ptores silentium, ac philosophi oppor-
 tunitatis ac mediorum defectu, ne qui-
 dem tentasse aliqua experimenta vi-
 dentur, non displicituram. Exhibeo
 optimam, quam à conversatione cum
 hominibus, qui vel machinarum be-
 ne-

nescio, vel eis destituti urinati sunt, habere potui informationem. Cui addidi quasdam relationes, quas aptas vero similesque judicavi, hominum quicum Urinatoribus circa Africa & Indica littora, ubi optimos ac experimentissimos esse fama est, conversati fuerunt,

Et eo quidem libentius affero, Responſa ac Relationes inquisitione meâ extortas, quoniam informationes istæ quas nobis suppeditant, subjectum tam vastum ac consideratum dignum attinent: in quibus ut multi alii, curiositatem meam propriis explorare experimentis non potui, tum quia & illa, quæ dicturus sum, fidem derogabant vulgari isti errori, quod omnium aquarum profundiorum, quarum princeps est Oceanus, infimæ partes semper sint calidissimæ: nisi eo casu, quando in calidissimo climate aut anni tempestate su-

per-

perficiariæ partes violento Solis fervore aliquanto incalescunt:

CAPUT II.

Quanquam Aër & Terra, quæ temperiem, in tres distinctæ regiones fuerint; eatamen, quæ hactenus discere licuit, non ultra duas mari adscribi volunt. Quarum prior concipi potest à superficie, usque quò deorsum manifesta operatio variè reflexorum ac refractorum radiorum, Solis, vel aliæ caloris causæ pertinent. Inde ad fundum maris altera regio potest supponi.

Hujus respectu divisionis limites superiores Regionis non erunt semper immoti: nam in Zonâ torridâ aliisque calidioris naturæ climatibus, *ceteris paribus*, majores erunt, quàm in Zonâ frigidâ: atque ita æstate alii, alii hieme, alii calidâ, alii frigidâ tempestate calorem à sole & aere: non vero

vero (ut fieri aliquando potest) à subterraneis Exhalationibus ortum iis in casibus supponentes.

Eisdem causis, ut patet, Temperies hujus Regionis unà cum limitibus variari potest. Quæ tamen præterea in aliquibus locis duabus saltem aliis causis immutatur. Prima est diversa Soli, quod littus componit, constitutio, quod si nitro, leviter contextis marchasitis, aliisve substantiis, quæ frigus aquæ vel augere, vel minuere possunt abundaverit, facile vicinas aquas inficiet. Possit & alia dari, quanquam infrequentior causa, figura scilicet & Situs partium littoris minus profundarum, unde quâdam ratione refringi calor Solis, atque ita vel alius addi calor, vel aquarum contiguarum frigus temperari potest. Nam, quicquid etiam in Scholis docetur, de attritione aëris in calore à radiis Solis producto; ego alibi experimentis ostendi, quod radii illi operari

rari etiam in corpora efficaciter possint, sub ipsis aquis constituta.

Extra duos hos casus, qui exceptiones generali huic observationi obijciant, alii forte etiam dari poterunt, quod voculâ *Saltem* innuebam. Ut enim unum tantum afferam exemplum : Quanquam ex eo, quod de subterraneis ignibus, qui alicubi vel sub ipso maris fundo hospitantur, disserui, probabile videri queat : Phænomenon quod allaturus sum, ad duas illas causas posse reduci: hōc tamen in casu, quo aliæ verosimiles causæ, quàm hætenus recensitæ, producere effectum hunc vel concurrere ad illum possunt, non adeò sum certus. Relatio illa, quam hīc adducturus sum, desumpta est ex Itinerario *Domini de Monts* versus novam Franciam. (quorsum ibat ad Gouvernatoris munus subeundum) in quo hanc recitat observationem : *Circa decimum octavum Junii diem, tridui spatio aquam marinam*

rinam valde calidam observavimus, ut eodem calore vina in fundo navis etiam incalescerent; cum Aër istamen calor erat, qui antea. At 21. ejusdem mensis die huic plane contrarium dicit: Per duos actres dies nebulis ac frigore circumsepti fuimus: ut in mense Ianuario vivere nos putaremus, ac aqua marina supra modum erat frigida: quod durabat usq; dum in littus impingeremus ob densitatem nebularum, quæ exterius frigus istud adspirabant. Hunc effectum ille speciei alicui Antiperistaseos attribuit, in sequenti narrationis parte, quam hûc neque transcribam, ueque examinato.

C A P U T III.

POSTquam jam breviter notavimus, quantum ad superiorem maris Regionem spectat, ac cautelas requisitas (quæ ulterius forte extenduntur, quam

quam ipsa) præmisimus; reliquum est, ut de temperie inferioris regionis dicamus: quæ, uno verbo, frigida est, paucis quibusdam locis exceptis, quæ jam sum nominaturus. Cum enim aqua in natali ac ordinario suo statu liquor sit, cujus partes lentius agitatur, quàm organorum sensoriorum in homine, ex illâ ratione, quâ sensum, frigida est; nec mirum videri debet, si partes illæ maris, quæ remotiores sunt, quàm ut Solis radii, vel calor, quem Aër ac superiores terræ partes ab aliis causis receperunt, in illas operari, aut sensibiliter eas agitare possint, frigida deprehendantur eò descendentibus; nisi paucis in locis istis, ubi frigus scaturiginibus calidis, aut Subterraneis exhalationibus à subjacente solo vel inferioribus littoris partibus incumbentes vel adjacentes aquæ partes ascenduntibus vel expellitur vel temperatur.

Ut

Ut itaque assertioni meæ, quâ frigus secundæ ac inferiori Regioni maris adscribo, fidem faciam, addam nunc relationes aliquas, quas ab hominibus hanc regionem frequentantibus habeo, vel ab iis, qui aliâ ratione temperiem ejus in diversis mundi partibus & ad inæqualem profunditatem explorarunt.

Ac primum, quantum ad temperiem inferioris Regionis in mari septentrionali; offerebat se mihi aliquando occasio conversandi sæpius cum homine, ac demerendi nonnumquam eum, qui & audax & curiosus fatis ante aliquot annos bonam fortunarum suarum partem acquisiverat, eo quod in fundum maris in machinâ aliquâ, cujus structuram alibi describo, descendens, bona naufragio perdita illic inquireret & recuperaret. Hunc virum diligenter examinavi circa multa submarina phænomena; cujus ad interrogata responsiones alibi invenies.

nies. Quod jam temperiem istam partium inferiorum maris attinet (cujus notitia hoc in loco unicè quæritur) sæpius erga me de frigore aquæ in profundo conquerebatur, quod impedimento illi sæpe fuit, quo minus morari illic ac machinâ suâ operari tamdiu, quàm libetum erat, potuerit. Recordor enim retulisse illum mihi, quod steterit aliquando ad unâ vel duas horas in loco juxta oram Sueciæ non ultra 14. pedes ac dimidium profundo, quâ propius à littore aberat: ac postea narravit, quod longe diutius in profundiore loco perduraverit (fortassis enim consuetudo tolerabilius illi frigus fecerat) quodque ante duos circiter annos non exiguo præmio invitatus, ut cum machinâ suâ ad fundum maris descenderet, ad pretiosa aliqua bona educenda è navi, quæ ad unius circiter milliaris distantiam ab exigua aliquâ insulâ, & si rectè memini sex milliaribus à littore perierat. Hic

K

quan-

quanquam in superficie aquæ nullum
 omnino frigus fuerit (erat enim Juni-
 us) circa profundum tamen maris,
 tantum fuisse asseverabat, ut mediâ
 hieme in Angliâ intensius non sense-
 rit. Ac idem secum deprehende-
 runt homines admodum robusti, qui
 suo exemplo ac lucro, quod è bonis
 servatis sperare poterant, invitati des-
 cenderant. Superiores aquæ partes
 recreationi ejus inservierunt; Sed
 quo profundius ivit, eò intensius fri-
 gus animadvertit, quod quàm maxi-
 me notatu dignum est: nam ad de-
 cem orgyas vel octoginta pedes sæpe
 sub aquas se deniiserat. Quia erga
 curiosos nonnullos, qui studiose ex-
 eo quæsierant, ut intellexi, falsum est,
 cum profunditate maris crescere fri-
 gus: cujus hanc reddidit rationem,
 quod non tot horas stare in fundo ma-
 ris, quot aliàs sub aquâ morari pos-
 sit. Hujus in rei fidem addidit, quod
 priusquam machinam habuisset bene præ-

præparatam, ita aliquando aquâ coopertus fuerit, ut fundus manibus pedibusque ac vicinioribus partibus necessariò sibi tangendus esset : quibus frigus à fundo, quo innitebatur, incussum, quanquam compactio machinæ turbatæ his corporis partibus ac (dum eo in positu perdurabat) Superioribus valde diversam temperiem impresserit.

Homo sagacissimus è familiaribus meis, qui diu in Americâ septentrionali ad 43. graduum latitudinem commoratus, ipse Urnatorem egerat, mihi narravit, quod, quanquam vix ultra duas orgyas demisisset in profundum maris meminerit, ad exiguam tamen hanc profunditatem pro incrementi ejus ratione frigus etiam increvisse, animadverterit. Quod argumento est, quanquam Solis radii altius sæpe in aquas penetrant, non tamen sensibilem semper secum calorem eò devehere, ac Regionem

nem maris superiorem per viam tantum exiguam, saltem quibusdam in locis extendi.

Frigus hujus climatis in Occidentali Europæ parte, quodque causæ nullæ lucrosæ sint, quæ invitent homines ad explorandas maris partes profundiores, impedimento mihi fuit, quominus de constitutione regionis submarinæ inferioris his in locis aliqua resciverim. Verum in calidioribus Africæ ac Indiæ orientalis oris frequentiores illæ in piscandis coralliis, unionibus, aliisque rebus submaritimis occasiones fecerunt, ut inde majori numero observationes mihi obvenirent, quarum aliquas hîc addam.

CAPUT IV.

Incidi aliquando in Virum honoratum, qui piscationi Coralliorum in littoribus Africæ interfuerat, qui-que ipse in urinando exercitatus erat,

ex quo quæsiui, an maris Africani profundiora loca frigidiora invenerit, quam ea quæ superficiei propinqua? Is hoc mihi responsum dedit, se quam raro, ultra tres quatuorve orgyas in mare se demiserit; ad eam tamen profunditatem longè frigidiorē invenisse a quam, quā quæ erat in partibus superioribus: ita ut tolerare vix frigus potuerit.

Cumque ulterius interrogarem: an, si in fundum maris in magnâ ista campana urinatoriâ demissus (id enim factum agebat) intensius frigus fenserit, licet aqua immediatè eum tangere non posset? respondit: cum primùm fundum peteret in campanâ, Aerem frigidissimum fuisse, qui tamen post aliquam eo in loco moram habitū ac effluviis corporis sui in calidissimum mutatus.

Quod itaque ad majorem profunditatem in calidioribus climatibus Aqua marina sensibiliter sit frigida,

vel ex eo verosimile redditur, quod â celebri præfecto maritimo, qui ad Africæ oras sæpe navigaverat, didici, se lagunculas vini per diem in fundo navis & avenâ servasse, ut tolerabili temperie palato non ingratus liquor fuerit, quas per noctem in mari ad 20. vel 30. orgyiarum profunditatem ita suspensas mane satis frigidas extraxerat: quod singulis noctibus se factitalse dicebat.

Similiter, cum è Nobili quodam, Viro intelligente, qui in oris Gambræ 100. milliaria navi exiguâ confecerat, quærerem: an sub calidis climatibus vina in mari frigida servari posse observârit: respondit, fieri id posse, & iis quidem modis, quos innuebam, videlicet, demittendo circa vesperam, post jactam anchoram, lagenas Vini (erat autem vinum de *Maderâ*) exactè clausas ad 10, 12, vel 14. orgyiarum profunditatem, unde altero mane extractum frigidum plana vinum ac re-

cens (quale ex bene paratis Hypogæis
peti solet) eâ tamen lege, ut statim bi-
beretur: quo neglecto ab æstu aëris
& superioribus aquæ partibus illico
incaluit.

Memini â literato Viro nave Lu-
sitanicâ ad Indiam Orientalem vecto
audivisse me, quod moris fuerit in
magnâ illâ navi pro ejus præfecto aliis-
que Viris honoratiôribus, dum zo-
nam torridam transirent vel vinum
vel aquam in lagenis ad 80, 90 & a-
liquando 100. amplius orgyarum
profunditatem per aliquod tempus
demittere: unde frigidissimus po-
stea potus & ad sitim restinguen-
dam idoneusextractus.

Denique, ut mihi ipsi, quoad
possem, satisfacerem in eo, quantam
ad profunditatem frigus maris pertin-
geret, quæsi vi aliquando â Curioso
quodam Peregrinatore, quem sua c u-
riositas & negotia ad diversas Orien-
talis & Occidentalis Indiæ partes per-

traxerant : an unquam bolidis missionem ultra solitum profundiorē observârit : respondit ille ; se ante aliquot annos in Indiam Orientalem magnâ aliquâ navi per locum ab alterâ parte Æquatoris situm , qui profundissimus habebatur , navigasse , ubi curiositate ducti ad 400 orgyas (neque enim minor mensura esse debuit) bolidem demiserint . • Quæsi vi , ulterius , an non temperiem plumbeæ bolidis , simulac extracta observaverit : quod se cum aliis fecisse asservaverit , plumbumque , 30. vel 31 librarum pondere adeò intensum frigoris gradum acquisivisse , ut si glaciem manu tenuisset , vix tantum sensisset frigus . Porro in Hemisphærio Antartico sed magnâ ab Æquatore distantia hæc observata fuisse referebat : ut è quibusdam circumstantiis , quarum ipse mentionem faciebat , locum hunc ad trigessimum quintum circiter latitudinis Australis gradum fuisse , colligerem .

CAPUT

CAPUT V.

ENarravi jam præcipuas, quas de
 Temperie maris indagare potui,
 relationes, quæ si cum aliis conspira-
 verint, ita ut generalem formare con-
 clusionem liceat, duo illa fluida corpo-
 ra, Aërem & Aquam id ratione tem-
 periei, commune habere non incon-
 venienter dicemus, quod ubi superfi-
 cies eorum sunt, contiguæ, in partibus
 vicinis aliquando frigeant, interdum
 caleant, prout particulas, è quibus
 consistunt, vel magis vel minus à va-
 riè reflexis radiis Solaribus agitari, aut
 alio calore affici contingit. Verum
 cum plaga illa Aëris, quam secun-
 dam vocant, ac primâ illâ superior est,
 similiterque inferior magis regio ab
 operatione, illarum causarum absint
 longius, retinent naturalem suam ac
 inturbatam temperiem, quæ nostri re-
 spectu intensius frigida videtur, cum

K s

agi-

agitatio minimarum partium iis in regionibus usitata commotione spirituum, sanguinis, aliarumque partium in organis tactus nostri, longe sit inferior: ita ut regiones aëris & aquæ sibi respondere, inverso tamen ordine, videantur: ac analogia illa ulterius forte poterat porrigi, si opportunum hoc in loco esset. Turbavit me aliquantum ut fatear, relatio, quam â Peregrynatore, qui oras Indiæ Orientalis prope famosum *caput de Comory* visitaverat, accepi. Nam cum ex eo aliqua de vicino mari quærerem, ex Urinatorum quorundam judiciis respondit, mare prope *Ceilon* calidius in fundo esse, quàm in parte superiori. Ulterius rogatus, annon illud etiam in hyeme accideret, fuisse tum ibi hyemem, quanquam non in nostro orbe, asseveravit. Cogitavi eâ occasione, annon forte in parte Zonæ torridæ æquatori adèò ad 80. grad. vicinâ, si mare non admodum profundum, calor duorum
non

non longè distantium littorum *Coromandel* & *Ceilon*, aliquo modo in temperiem aquæ operetur. Considerabam etiam (quod non parum me sollicitum habuit) in multis Indiæ orientalis partibus, ac in regione quæ *Coromandel* est finitima, ubi familiaris aliquis meus, Vir ingeniosus, aliquo tempore vixerat, hyemem ac æstatem non tam frigore & calore, quàm pluviosâ & siccâ tempestate distingui. Ac certe multis in locis magis de squalore Caloris in isto Climate, eâ tempestate, quàm hyemem vocant, quàm æstate incolæ queruntur. Ita ut nulla sit illic ad *antiperistasin* solo hyemis frigore productam confugiendi necessitas. Suspicabar etiam (& puto non absurdè) quod, quia fundi hoc in loco peculiaris ad uniones nec majori quàm alibi copiâ progenerandos est constitutio, singularis etiam subjacentis soli natura esse possit, vel subterranei quidam ignes, aut calor aliquis sub fundo forte

reperiatur, unde inusitatus ille calor in partibus maris excitetur, cuius blanditiis fortassis testacei pisces unionibus foecundi, ut hîc potius quàm in vicinioribus partibus hospitentur, illiciantur. Verum omnes istæ conjecturæ pectus non saturassent, nisi alia retulisset mihi Nobilis curiosissimus, qui assiduus spectator celebris unionum piscaturæ prope Insulam *Manar* ad oras *Coromandel*, quæ non ita longe absunt à capite *Comory*; fuerat. Multum enim cum piscatoribus unionum conversatus non solum ab iis rescivit, satis frigidam esse in fundo aquam, qui multis in locis 80 vel 100. orgyas à superficie distare creditur; Sed & ipse ad scaphas suas redeuntes totos frigore tremulos ac ad ignes pro illis in littore sub exiguis casulis excitatos properantes vidit. Quæ relatio, cum circumstantiis multis fide dignis fulciatur, arguatque, relatori illi non incognita fuisse, quæ
su-

superius afferebam, qui & ipse cum Urinatoribus eo ipso in loco conversatus, facit, ut quàm primam illam relationem, concludam, vel hætenus præter solitum quædam illic evenisse, vel errorem aliquem observatoris intervenisse, vel non ad profunditatem convenientem descendisse urinatores.

Si data mihi fuisset opportunitas, id negotii ingeniosis quibusdam Navigatoribus dedissem, ut temperiem submarinarum regionum diversis anni tempestatibus, speciatim tempore æstatis ferventissimo, ac hyemis frigidissimo, thermoscopiis Hermetice sigillatis examinarent in particularibus istis detegendis : An quibusdam in maribus tanta sit temperamentorum varietas, quæ efficiat, ut vel in aliquibus tantum locis plures duabus regionibus constituamus : An submarinum frigus in fundo maris vel a tibi, vel æquet vel superet gradum, quem

quem supra terram congelandæ aquæ communi sufficere videmus: An partes aquæ marinæ frigidiores semper, quò profundiores: An incrementum hujus frigoris certas leges servet, ut ad justas ac invariatas proportiones reduci possit. Ad has similesque quæstiones definiendas non sine causa thermoscopium sigillatam requisivi. Vulgare enim illi proposito omnino inidoneum existimo, non solum quod aqua marina immisceretur liquoribus, quales adhiberi solent: cui incommodo ut subveniatur, facile quidem substitui argentum vivum posset, ut aliis occasionibus ipse feci: Sed præcipuè quoniam aqua marina incumbens restagnantem liquorem thermoscopii gravaret, atque ita observationes istas dubias redderet, eodem modo, ut aliâ occasione alio in tractatu notavi.

Ut hoc in loco ad illud confugere non sit necessarium, addam leve aliquid

liquod experimentum in gratiam ingeniosorum quorundam hominum, quibus non bene principia hydrostatica erunt cognita, à me institutum. Cujus eò libentius hîc mentionem facturus sum; quoniam multi fortassis non concedent aquæ pressionem in Mercurium sibi immersum, cum ponderosior hic ille liquor sit, aliique expectarent inclusum aerem, qui locum quò elabitur non habet, subjacentis Mercurii adscensionem magis, quam facit, repulsum. Facimus itaque exiguum aliquod thermoscopium, à communi in eo, præter magnitudinem, diversum, quod loco aquæ Mercurius fuit substitutus, & quod phialam vitream colli angusti pro continendo stagnante Mercurio accepimus: in quo aliquibus suberis fragmentis truncus sphaeræ vitreæ bene firmabatur, ita ut globosa illa instrumenti pars sublevari non potuerit, cum sub aquâ esset. Tum annisus, ut
 ex-

explicatione frigida ad latus sphaerae vitreae exterius aërem ad eandem cum aqua temperiem reducerem, vel saltem ad vicinum frigoris gradum, observata prius Mercurii in trunco illo memorata statura, per ligulas collo exiguae huius phialae adnexas instrumentum, in amplum longumque vas vitreum limpidam aquam, ut liquore & vase transparente motus Mercurii in trunco illo gracili vel fistula notari rectius possent, impletum, lentè sensimque demissi. Apparuit itaque hoc modo, quod quo descenderet profundius thermoscopium, Mercurius altius in fistulam protrusus fuerit. Ac ne quis hanc ascensionem unicè vel præcipuè à refrigeratione aëris per aquam oriri suspicetur, addam quod jam nunc notavi; quod quàmvis frigus aquae saltem qua sensum uniforme supponi possit; instrumento tamen toto lentè aliquando ad superficiem aquae superiorem sublato, interdum
ad

ad inferiorem ejus depresso, ascendens. decidensq; in teneri illâ fistulâ Mercurius conveniens fuerit superficiei ejus, vel distantiae ejus infra superficiem aquæ. (Simile experimentum capi potuisset, si thermoscopium aquâ impletum oleo immisisssemus, vel loco Mercurii & aquæ Sal Tartari per deliquium paratum, & purum Spiritum vini adhibuisssemus: si modo copia liquorum istorum suffecisset, aut id visum fuisset necessarium.) Verum de istâ circumstantia ut spectatores admonerem non inconsultum existimaui, videlicet, quod non facilè expectaverit aliquis, Mercurium in tantum surrecturum proportionem, cum exempli gratiâ ad pedis unius, quàm cum ad duorum vel trium digitorum profunditatem sub aquâ est: quoniam prout instrumentum profundius demittitur, ac aer in angustius cogitur spatium, compressi aëris impetus violentior fit ac magis resistit. Quod

monitum optimè quadrat ad hoc experimentum, cuius alia phænomena ut quæ hujus non sunt loci omitto: nunc enim tantum fidem facere volui iis, quæ de thermoscopiorum communi modo (aliis utut liquoribus) ad submarina ista experimenta capienda ineptitudine dissertavi.

Sed licet artificialibus istis observationibus hætenus simus destituti, ex iis tamen quæ superius sunt tradita, colligere probabili ratione possumus, quamvis infima submarina Regio valde sit frigida, aquam tamen, saltèm marinam, per hæc phænomena non videri *summum Frigidum*. Quamquam enim sæpius in aquâ falsâ glaciem ipse produxerim: nunquam tamen ullâ relatione memini in fundo maris generatam vel inventam glaciem, sub quo terra Urinatoribus nostris nunquam frigore constricta, sed mollis potius in maxima semper profunditate deprehensa est; ut videmus

mus in limo, arena &c. bolidi è fundo
 maris extractæ adhærentibus: quæ ad
 80 vel 100 orgyas ac profundius demit-
 titur: cujus in itinerariis navigatorum
 exempla bene multa reperias licet.
 Ac retulit mihi pridem ille Præfectus
 Navis, qui hoc anno à remotioribus
 magni Oceani partibus in patriam
 rediit, quod ad 35^{um} latitudinis,
 australis gradum sebum, quo bolis in-
 uncta erat, ex immensâ illâ vel saltem
 non intra 220. orgyas profunditate,
 extraxerat. Sed & ista huic observa-
 tioni cautela adjicienda est, non posse
 nos ex eo, quod glaciem in fundo ma-
 ris invenire non detur, certò colligere,
 quod frigus illic non adeò sit inten-
 sum. Nam quoniam, ut à pluri-
 mus accepi (quorum relationes alibi
 Scilicet in *Notis circa falsedinem ma-
 ris* recito) mare æquè in fundo, (quic-
 quid etiam Scholæ vulgo sentiant) ac
 in superficie falsum est; plusculis ego
 didici experimentis, quod aqua salsa
 absque

absque etiam congelatione majorem
admittat frigoris gradum, quam qui
ad aquam dulcem in glaciem
convertendam requi-
ritur.

F I N I S.

RELATIONES

DE

FUNDO MARIS.

RELATIONES

DE

FUNDO MARIS

Sectio Prima.

NOn equidem fundum maris
 unquam perlustravi : Verum
 quoniam nullus hæcenus physi-
 corum, quorum quidem scripta mihi
 sunt cognita hæc in parte mihi præfe-
 rendus : ac præterea infrequens sit in
 frigidioribus his Europæ partibus oc-
 cursus hominis qui vel satis audaciæ
 vel opportunitatis ac artis habeat ad
 penetrandos tam occultos ac pericu-
 losos Naturæ recessus , multò minus
 qui per aliquod tempus illic subsistat :
 non injucundum fore arbitror, si de
 negotio, de quo physici plurimi altum
 silent ; pauci admodum , non nisi ex
 aliorum relationibus , agunt ; ego
 hoc

hoc in loco recitem, quicquid didici
ab hominibus, qui è magno navigato-
rum ac peregrinatorum, cum quibus
conversatus fui, numero, verosi milli-
ma mihi narrare potuerunt.

Non est necessum hîc commemora-
re quod mare plerumque frigidum ac
falsum sit in fundo, aut repetere illa,
quæ jam aliis in dissertationibus pro-
posui. Primum itaque dicam, inter
præcipua, quæ sollicitè inquisivi, esse
inæqualitatem soli, quam in fundo
maris semper supposui. Nam quan-
quam superficies maris, cum non a-
gitatur ventis, plana appareat, ac re-
verâ saltem in hoc vel illo mari sphæ-
rica & (physice loquendo) concen-
trica terræ sit; verosimile tamen non
videtur è rationibus, quas hîc addu-
cere non est necessum, fundum ejus-
que superficiem, vel alveum, qui con-
tinet mare, vel planum esse vel regu-
lariter concavum.

Ut sciendi sitim illâ in re exple-
rem

rem, quæsiui ex homine, qui celebrem illam unionum piscaturam apud exiguam Insulam *Manar* (prope diuitem Insulam *Ceilon*) in Indiâ orientali viderat, ac dum ibi morabatur, Urinatorum operas ac observare ipse ac conservari cum illis poterat : ac didici ab homine illo, qui Studiosus erat, accepisse se ab Urinatoribus, quod fundum maris diversis in locis in æqualem invenerint, in aliis planum, in quibusdam non modicæ altitudinis rupibus asperum, alibi in præcipitia declivem, inter quæ frigus intentum observârunt.

Præter ista ab Urinatoribus testimonia è multis Naucleris aliisque Navigatoribus, qui itineribus maritimis longioribus defuncti, quæsiui, quam fundi inæqualitatem vel abruptam vel per gradus variatam obserrent bolidum jactu in locis admodum sibi vicinis : cum facile hinc colligi possit, an mare illic sit æqualiter profun-

dum, vel saltem aliquâ regularitæ per gradus â profunditate suâ declinet, vel annon, ut suspicabar, in fundo maris loca sint elata ac præcipitia & fortassis profundæ valles ac recessus, ut in parte globi terrestris detectâ observamus.

Ac natæ mihi sunt ex inquisitione curiosiori non paucae observationes, quarum, quæ maximè ad rem faciunt, istæ sunt.

Primum senex aliquis Navarchus, qui diu Africam & Indias frequentaverat, narrabat mihi, quod & ab aliis antea audiveram, nautas, si procul â terræ conspectu navigarent, non facile de bolidum jactu esse sollicitos, se tamen, quantum bolide fundum maris exploraverat, observasse, quod profunditas maris plerumque per gradus vel cresceret vel decrederet absque magnâ aliquâ inæqualitate, quibusdam locis exceptis, cujus exemplum dabat

Excavationem fundi maris intra vi-

L

sum

sum *Capitis bonæ spei*, ubi quanquam
 plerumque aquæ majorem profunditatem, quo longius à littore abibat, observasset; uno tamen in loco in tumulum quendam arenosum (qualem ille judicaret) notabili à superficie aquæ distantia incurrerit: Ut quanquam circa marginem tumuli se versari crederent, exiguum tantum orgyarum numerum bolide metirentur, unde modicam viam deflectentes immensam maris profunditatemprehenderint. Atque sic est responsis ejus collegi, quod in maribus majoribus plerumque fundum per gradus declinantem, sed prope littora, id est intra leucas ab eo non adeo multas valde inæqualem & quasi collibus elatum ac præcipitio abruptum invenerit.

Vir literatus, qui versus utramque Indiam & multas alias Regiones navigaverat, navibus interdum mercibus istis onustis, quæ sollicitos & frequentes in bolide jaciendam nautas require-

rent, narravit mihi, quod aliquoties notabili â littoribus distantia fundum maris 20, 30, vel 40 forte orgyis depressiorem invenerit, exploratione per bolidem ab uno navis latere factâ, quam fuerit pene eodem tempore antea ab altero latere observata: Narrabat & alia, quæ propositam mihi opinionem adstruebant.

Inaudiveram de Præfecto navis, quem magnâ in rebus maritimis experientiâ nobilitatum, & hoc anno ex Indiâ Orientali reducem adire cupiebam, ut quædam de re istâ cum illo conferrem: Sed cum spe istâ exciderem, negotiis illum suis aliò citius, quàm putaram, vocantibus, impetravi ab iis, qui ejus ministerio usi fuerant, ut inspicienda mihi darentur, quæ de itinere isto extremo in schedis apud eos relictis notaverat: spe ista ductus saltem aliqua me inventurum circa explorationes marium â tam curioso Navigatore factas: quæ quidem me

non fefellit : incidi enim in locum,
qui proposito nostro illustrando mi-
rè servit, dignissimus ut hîc transcri-
batur.

XII. Febr. die post observationem
nostram (respicit ad priorem aliquam
quæ nec â nostro scopo est aliena) fun-
dum infra nos conspicientes, bolidem
versus illum jecimus, quem ad 19. or-
gyas lapidosum invenimus; tum ex
Aquilone ad Borrholybicum ventus
concessit, ac aquam â 19 ad 10. & 8.
orgyas decrecentem, fundo duro ac
corallino existente invenimus, tum
statim ab 8. ad 20. & 22. orgyas incre-
vit profunditas fundo arenoso: con-
festim rupes infra nos vidimus, ubi 7.
orgyas & sequenti statim jactu 14.
iterum orgyas observavimus. Atq;
ita cursum versus Aquilonem â sextâ
matutinâ ad duodecimam meridia-
nam instituentibus novendecim cir-
citer miliaribus â 16 ad 25. orgyas a-
quæ

quæ profunditas auxit, quæ proximo
jactu non 35. orgyis terminabatur.

Tandem commodum in Naviga-
torem longo usu exercitatum inci-
dens, qui è natione nostrâ optimus ha-
bebatur thalassometra in navigationi-
bus versus Indiam Orientalem: in-
terrogavi illum de observationibuss,
quas ipse circa fundi inæqualitatem
instituerat, ac respondit, non solum a-
libi, sed & non procul ab ipso ore
Canalis nostri fundum maris adeò se
invenisse sæpe abruptum, ut intra
spatium navis longitudinem duplam
non excedens aquæ profunditas â 30.
ad 100. vel plures etiam orgyas obser-
vata fuerit.

Postquam ista mihi narrata fue-
runt, cum Nobili quodam Viro, qui
Classium Anglicarum Præfectus non
semel fuerat, & rerum maritimarum
non minus intelligens quàm curiosus,
collocutus fui de fundo maris, an non
is in locis admodum sibi vicinis inæ-

qualis sit: ille summe inæqualem esse
 ajebat. Atque ut desiderium meum
 expleret, ne conjecturas tantum loqui
 videretur, narravit, naviganti sibi in
 ipso *Canali* nostro observatum fuisse
 aquarum collisarum strepitum qualis
 sub ponte Londinenſi audiri ſolet: ita
 ut in loca intuta incidere metueret,
 profunditate 12. vel quatuordecim
 orgyarum, quæ paululum progredi-
 enti ad 30. uſque proceſſerat: idque
 ſæpius accidiſſe; aquarum vero ſtre-
 pitum non niſi ſub maris reſluxum no-
 taſſe ſe ajebat. Neque hœc tantum
 in loco, ſed & in ipſo mari altiſſimo, ut
 referebat; aquarum in ſuperficie con-
 tortarum ſtrepitus offendens, cum
 nulla illic loca elatiora ſuſpicabatur,
 bolidis primo jactu paululum ultra 30.
 orgyas numeravit; altero, intra
 exiguum temporis ſpatium, abyſ-
 ſum invenit, deficiente filo, in-
 terminabilem.

S E C T I O II.

Observatur hinc in fundo maris magna aquæ in alia corpora pressio. Quicquid enim vulgo philosophentur & è principiis suis concludant, de aquâ in suo loco non gravante, experientia tamen contraria doctrina ista generalis videtur.

Primum enim memini, cum cylindrum vitreum amplio-rem, extremitate unâ apertum, adjuncto conveniente plumbi pondere, in aliud vas capax vitreum aquâ plenum deprimi curarem, potuisse me tum distinctè satis per vitrum & liquores transparentes observare, quod, quo inversus ille cylindrus descenderet profundius, eò altius aqua externa, aërem inclusum comprimendo, in cavitatem cylindri ascenderit, cujus latera prius certis notis, numerisque distinxeram ad aquæ
in-

interioris per gradus ascensum & descensum cognoscendum.

Hinc ex hominum curiosorum, quorum alter machinâ urinatoriâ fundum maris in frigidâ Septentrionis regione petiverat; alter in Africæ oris simili instrumento idem tentaverat, relationibus in eo convenientibus; aquam aëre, quem secum deduxerant, profundiore machinæ descensu arctius constipato, altius altiusque ultra marginem, in ipsam machinæ cavitationem ascendisse, didici.

Sed jam majoris momenti experimenta aliquot in medium proferam, rei nostræ inservientia. Nam sermones miscenti aliquando cum machinario aliquo familiarius mihi cognito, quique ipse sæpius experimentis in mari capiendis oblectabatur, de modo, quem cogitaveram, definiendi pressionem aquæ, notabili infra superficiem profunditate, ejusque demonstrandi violentiam; narravit ille, super-

superfedere me hoc labore posse, cum suâ experienciâ certior me facere posset. Se enim cum sæpius navigaret versus Freti Gad: ostium per locum, ubi sic satis profundum mare est, observasse, quod non quidem valida ac rotunda lagena vitrea, sed phiala talis, quâ nautæ spiritum vini circumportare solent, unius forte pintæ vel duarum mensuram exæquans, si cum pondere convenienti mari ad 40 vel pauciores etiam orgyas immissa incumbente ac laterali aquâ ita comprimatur, ut in partes diffiliat.

Referebat porro, simili ratione Æolipilam metallinam cum competent pondere ad 40, 50 vel 60 orgyas mari immersam, non sine admiratione diversis in locis ad interiora repressam, cum extraheretur, apparuisse. Ac quanquam frigori maris ad istam profunditatem propter impetus in aëre incluso debilitationem, adscribi quadamtenus etiam effectus hos posse

posse suspicarer : nihil tamen mirabar
 eventus hos, ut cui ante aliquot annos
 Æolipila è cupri lamina tenuiori con-
 secta à leviori fluido, quam aqua ma-
 rina est, per pressionem ad interiora
 compulsa erat.

SECTIO III.

Observatur etiam in fundo maris
 tranquillitas aquæ, si distet à su-
 perficie longius. Quamquam enim
 venti in superioribus aquæ partibus,
 libidini eorum expositis, vastos ciere
 fluctus possint : vehemens tamen illa
 agitatio in partibus profundioribus,
 quæ à vertice sunt remotiores, per
 gradus deminuitur. Ita ut, cum mi-
 nus versùs fundum remotiorem ma-
 lacia maris turbetur, aqua illic vel
 tranquilla sit, vel saltem, quod sentire
 possis, non turbetur.

Id vero intelligendum præci-
 pue est de locis à littore remotiori-
 bus :

bus : sæpe enim in propinquiorebus,
ubi progressus aquæ vehementiâ quâ-
dam repellitur, aliis etiam concurren-
tibus circumstantiis, tanta aquæ com-
motio est, ut ad ipsum fundum per-
tingat, ut apparet ex arenæ aggeri-
bus, Ambrâ, & lapidibus alicubi in
ipsis tempestatibus vel post illas eje-
ctis.

Mira procul dubio videri potuit
non nemini maris illa in fundo mala-
cia, qui furiosum procellarum impe-
tum, & quam excitant, fluctuum am-
plitudinem admirans, non considera-
verit etiâ incomparabiliter majorem
quantitatem ac pondus aquæ, quæ
moveri debet, quam ut in fundo, cui
tanta salsæ aquæ, quæ dulci gravior est,
moles incumbit, vehementiorem ali-
quem exsurgere motum patiatur. Ut
itaque paradoxo huic fidem faciam,
memorabilem relationem, quam ab
Urinatore alibi nominato, qui ma-
chinæ beneficio moras aliquot horis
sub

sub aquâ poterat, habeo, adducam.

Ex eo cum quærerem, an ventorum ullam operationem in fundo maris profundiori senserit? respondit, vento vehementiori flante, cum fluctus sex, septem pedibus superficiem aquæ excederent, ad 15. orgyas ne signum quidem ejus se observasse: si vero is spiraret diutius, limum in fundo commotum ac aquam crassiorem & tenebrosam fuisse factam. Ac memini narrare illum mihi (quæ præcipua & ad rem faciens circumstantia est) quod cum aliquando in fundo maris profundissimo longiori tempore commoratus fuerat, ad superiores aquæ partes redeunti mirum visum fuerit, tempestatem illic offendisse, de quâ ne per somnium quidem cogitaverat, quæque in absentiâ ejus orta fuerat, cum nullum inferius ejus sensum habuerit, & mare tranquillum sub descensum suum reliquerit.

Pro ulteriori confirmatione addam, quæ retulit magnus aliquis Peregrinator, qui lucrosæ unionum piscationi in Indiâ Orientali interfuerat: Interrogatus enim, an non è conversatione cum Urinatoribus quædam de tempestatibus ad fundum maris non penetrantibus cognoverit, vidisse se respondit eo tempore, cum adeò sæviret mare, ut portu exire viderentur naves Urinatores mare ingredientes; qui indereversi, omnia se in fundo tranquilla invenisse, narraverant. Quod eò magis considerari meretur ob situm ejus loci, ubi unionum piscatio est: Est enim prope littus *Manar*, quod intra magnam Insulam *Ceylon* & vastum *Caput Comory* situm est; & quanquam illi propius est, ab hoc tamen non multum distat. Qui situs ac vicinitas magni oceani Indici ex latere uno insulæ *Ceylon*: ex altero magni sinus *Bengala* (qui Gan-

M

ge-

geticus antiquis dicitur) locum illum, ubi unionum piscatio instituitur, maribus procellosis ex æquo obnoxium facit.

Nec leve fortassis momentum addat præcedentibus, si quæ senex aliquis Navigator, cujus merita ad dignissima illum munia vocaverant, mihi narravit, recitavero. Is enim non adfirmavit tantum opinionem, quam de maris in fundo malaciâ habebam, sed & mitiores ventos sæpe non ad eam profunditatem, ut ipsi quidem Navigatores hætenus existimant, perungere aiebat. Majoribus, enim navibus, quarum inferiora ad 12. vel 15. pedes mari immersa, vectus, cum se nonnunquam ad carinas usque navium in medio illarum cursu in mare demiserat, agitationem aquæ magnopere ad tam exiguam â superioribus fluctuum partibus distantiam, imminutam æ valde languidam observavit. Re-
fere

ferebat etiam in Americâ artem Uri-
rinatoriam ab Indis discenti, suo
exemplo eos viam præmonstrasse,
per scopulos ac rupes, prope littus in
fundo jacentes, serpendo, quâ ratio-
ne ab impetu fluctuum, qui prope lit-
tus, ac ubi angustius, ut illic, mare
erat, natantibus ac imperitis urinan-
tibus periculosus, salvi erant. Qui,
ubi â littore ad aquas profundiores
concessere, spretis prioribus admi-
niculis, quibus contra maris impe-
tum se defenderant, intra paucarum
virgarum â superficie maris spatium,
securi ac nihil planè timentes pericu-
la â superiorum aquæ partium com-
motione provenientia, natarunt.

Incidi denique in magnum ali-
quem Navarchum, qui in observa-
tionibus maritimis curiosus, & in
iis accuratè instituendis erat solici-
tissimus, qui cum de re istâ sermo-

nes cum illo miscerem, narravit; fuisse se non ita pridem in loco, ubi procellis & tempestatibus satis agitatatum mare, certisque sibi signis cognitum, quod procellæ non ad 4. orgyas infra superficiem aquæ cum efficaciâ quâdam perringant.

De tranquillitate partium inferiorum in aquis profundissimis suspicio aliqua mihi orta est (quanquam illa, cujus apud alios autores nulla mentio est, videri quodammodo audacior queat) disquisitione tamen dignam judicavi, ob usum in doctrina fluxus & refluxus maris, si veritas ejus adstrueretur.

Anxie itaque inquisivi, an ætus marini vel ad fundum marium profundiorum, vel partes saltem vicinas pertingant, sed difficillima ejus indagatio fuit, cum paucos adeò curiosos invenerim, ut veritatem investigarent

rent problematis, de quo plerique Navigatores, mihi cogniti, ne per somnium quidem cogitaverant. Sed habeo tamen è Machinario quodam diligentissimo rerum marinarum observatore cognitum, narrasse sibi aliquando celebrem quendam Navarchum, insignem Mathematicum & amicum suum: quod observaverit sæpius, in bolide ad magnam quidem profunditatem non vero ad fundum usque demissâ, provectam eam illico fuisse agitatione motui Scaphæ, unde bolis ejiciebatur, contrariâ a longe celeriori. Sed hæc non nisi fide secundi Relatoris scio. Commemoravit etiam, nisi fallor, solers aliquis observator, militum hîc in Angliâ præfectus, ad bolidis jactum celerimum se inferiorum partium ac â superiorum agitatione motum planè diversumprehendisse: quam cum non consignaverim relationem, non

M 3 est,

est, ut illi quicquam superstruere velim. Cæterum ex omnibus illis, quæ unquam in schedis meis de his materiis notavi, quæque nunc præmanibus sunt, hæc, quanquam unica, narratio hûc transcribi meretur, quoniam Autorejus est è numero exercitatissimorum optimorumque inter Anglos Thalassometrarum.

Hujus itaque viri fidedigni testimonio didici, quod aliquando ultra *caput bonæ spei* versus mare australe navigans, experimentum cepit de motu superiorum partium aquæ supra inferiores. Cum enim bolidem amplam ac ponderosam ad minorem aliquam 50. orgyiarum profunditatem demiserat: nullam apprehendit sensibilem operationem in motum Scaphæ, è qua ejiciebat perpendiculum. At ubi altius ad 100. vel plures etiam orgyas demissa, quan-

quanquam fundum non tangeret, superior aqua, quod illi subjaceret inferior, scapham contra fluxum & cursum maris impulit, quasi anchora illi jacta fuisset, præterlabente interim latera scaphæ aquâ ad tria, quantum judicare licuit, per horam milliaria. Hactenus diligentissimus observator. Verum dubia illa, in quantum inæqualitas soli in fundo maris, & varia aquæ profunditas aliæque circumstantiæ illa, de quibus diximus, immutent, faciunt: ut difficulter definiri possit, quid adscribi æstui maris aut cursui ejus debeat, sunt quæ talia, de quibus nihil omnino certi pronunciare mihi licet, antequam plenius illis de rebus possim erudiri,

[Ubi hæc scripseram, occurrît mihi, qui multum temporis in celebri illâ Unionum in Oriente piscatura consumserat. è quo cum sciscita-

rer,

rer, annon Urinatores percontatus fuerit de proposito modò problema-
te; tùm an profundum satis illic pro-
ejus generis experimentis capiundis
mare esset. Ad posteriorem inter-
rogationis partem regeſſit, eſſe pro-
fundum ſatis ac obſervationibus aptiſ-
ſimum. Ad priorem : adfirmasse
ſibi Urinatores, quod aliquando in
fundo maris ad profunditatem ma-
jorem Stagnatio quædam aquæ ob-
ſervari videatur, ita ut uſque ad il-
lam altitudinem aſſurgere directè
poſſint; aliâ verò aliâque altitudi-
ne ab aquis minus profundis abripi-
antur : quod accidit, ſi emergunt viâ
multum diſtante ab iſto ſuperficieii
puncto, quod loco fundi, unde pri-
mum ſe levabant, rectâ lineâ
ſuperſtabat.]

F I N I S.

*Benevolo Lectori
pro sua aquanimitate corrigenda.*

PA. 1. lin. 15. legatur nunc p. 3. lin. 18.
sufficiat 2. lin. ultima aliquanto p. 6. lin.
6. hic p. 11. lin 10. l. facultatem l. 18. Si-
rupum l. ultima Sirupi p. 12. l. 9. habuerit
l. 21. Qualitates p. 15. 24. sigillato p.
17. 19. contactus p. 20. l. 13. detegunt
p. 20 l. 23. Sceptico l. ult. ne p. 21. 9.
Dioptricorum l. 10. Catoptricorum l. 21. sit.
p. 22. l. 16. quas l. 8. quoniam p. 26. lin. 18. con-
stant. p. 27. lin. 22. eis lin. 19. propiora. p. 32.
lin. 13. ducere. p. 39. lin. 2. arbitrer. lin. 7.
quanta. lin. 13. ubi. p. 46. lin. 13. attribu-
ta. p. 47. lin. 8. ceram. lin. 19. corpuscula
omnes formarum species. p. 48. lin. 1. an vi-
num. p. 49. lin. 8. Alabastri. p. 51. lin.
4. Quin possumus. p. 52. l. 5. profluunt. lin.
7. sexfiles. lin. 9. aliqua lin. 11. machanica
p. 57. lin. 9. nosti. p. 59. lin. 20. ut tibi forte

*In tractatu de cosmicis rerum Qua-
litatibus.*

P. 3. lin. 7. aquam fortem. p. 4. l. 1. judi-
camus. p. 7. l. 22. videri l. 24. aliena.
p. 8. l. 8. dissertatione. p. 9. l. 15. agant. p.
10. l. 23. differuntur. p. 11. l. 4. agant. p.
13. l. 4. contactu. p. 15. l. 9. impulsum. p.
17. l. 9. eadem illa extremitas. l. 14. foramen
l. 22. profundius. p. 18. l. 11. aeris l. 17. pos-
set.

set. l. 23. *quararent.* p. 23. l. 10. *tacitè* p.
 24. l. 17. *cooperationis* p. 25. l. 9. *contactui.*
 p. 27. l. 15. *portatile.* p. 37. l. 2. *ponantur.*
 p. 39. l. 18. *athmosphæra,* l. 22. *strepitu flocci.*
 l. 24. *squamulis.*

In Suspicionibus Cosmicis.

P. 3. l. 11. *contemnenda.* p. 7. l. 3. *sermones*
 p. 9. l. 7. *excitem.* p. 13. l. 1. *fuert.* p.
 14. l. 6. *mihi ipsi non potui.* p. 15. l. 9. *accepisse*
 p. 21. *versus.* p. 20. l. 9. *potuerint* l. 11. *lar-*
giatur. p. 23. lin. 9. *incidat, rubraquadam*
 p. 26. lin. 12, *ut adfirmatè scimus.* p. 32.
 lin. 5. *magellanicas.* p. 34. lin. 7. *accura-*
tio fingatur, p. 38. lin. 6. *phanomena*

De Temperie Subterranearum Regionum.

P. 8. lin. 11. *percepisse.* lin. 20. *inceperit.* p.
 9. lin. 14. *informat.* p. 12. lin. ult. *eum*
operari. p. 13. lin. penult. *aliquanto latiori*
 p. 16. lin. 14. *propiozem* p. 18. lin. 21. *ut*
ille qui p. 20. lin. 18. *qua illic eleuantur,* p.
 23. lin. 4. *aëre* p. 26. lin. 15. *calida* p. 28
 l. 8. *memorato.* p. 31. l. 24. *imprægnata.* p.
 34. l. 21. *properandum* p. 41. lin. 11. *infima*
 p. 51. l. 18. *hunc* p. 57. l. 12. *foras.*

In tractatu de temperie submari- narum regionum.

P. 7. lin. 21. *Gubernatoris* p. 16. l. 5. *arenâ* l. ulti-
 ma planè p. 18. l. 13. *asseveravit,* p. 24. l. 9. *si-*
gilla-

gillatum. p. 26. l. 6. *memorato.* p. 28. l. 16.
summu p. 29. l. 19. *plurimis.*

In tractatu de fundo maris.

P. 4. l. 7. *conversari.*



DE
ABSOLUTA QUIETE
IN
CORPORIBUS,

M O N I T U M.

Cum non abs re esse videatur, de quibusdam, qua occasionem sequenti tractatui dederint, moneri Lectorem, faciam id, quam potero, brevissime. Cum inviserent ad Nobilissimum Autorem ingeniosè quidam nobiles, sermo forte incidebat de Absolutà in multis corporibus quiete credità, qui ex loco uno vel altero Historia fluiditatis & firmitatis, qua tum recudebatur, malè intellecto, ortum trahere videbatur. Verum cum ista sermocinatio tandem abrumpenda fuisset, ac multa tamen, qua ad propositum Autoris facerent, indicta relinquerentur; raritas subiecti invitavit, ut summam eorum, qua disseruerat, quaque amplius disputationi suae, si oportunitas data, addere potuisset, satis quidem festinanter colligeret, desiderium Viri sagacissimi, qui praesens tum fuerat, expleturus. Atque haec tractatus istius occasio fuit, qui cum scriptas fuerit causam subministrante Historià Fluiditatis & Firmitatis, cujus nova editio jam publicationi parata erat, non inconvenientis videbatur, si appendicis loco eam comitaretur, primà extremàque epistola parte rejectà, cujus tantummodo corpus, ut ita dicam, instituto nostro servire videbatur.

DI-

DISSERTATIO

DE

INTESTINIS MOTIBUS

Particularum

Solidorum Quiescentium,

in quâ absoluta corporum quies in disquisitionem vocatur.

SECTIO I.

UT dubia ac scrupulos illos, de quibus nuper sub discessum dis-
ferebamus, removeamus, par-
ticularia ista aliquanto prolixius dedu-
cenda sunt, in quibus tum brevior, ut
nostri, ob temporis defectum fui. Sta-
tus enim controversiæ (si meministi)
iste erat: *An detur in corporibus absolu-
ta aliqua quies?* Ac responditum: cum

¶ 2

voca-

vocabulum 'Quietis videatur' quodammodo ambiguum, necessarium mihi videri, ut sensus quæstionis prius, quàm ad illam responderem, dilucidetur. Vocabulum enim Quietis, si loquimur de distinctis massis materiæ, pro quiescentibus habitis, vulgari acceptione termini significat talem statum visibilis ac integri corporis, vel potius corpusculorum è quibus illud consistit, qui actu ipso non moventur quoad visum, ut nec oculus (nec fortassis tactus) discernere localem aliquem motum in illis possit.

Secundum primum hoc membrum distinctionis in vocabulo Quietis breviter significabam præsentibus, quod eo sensu corpusculorum in Quietate constitutorum, manifestum crederem, esse tale aliquid in rerum naturâ. Nisi enim talem Quietem in particulis quasdam corporum species, ut Adamantes, ferrum, Porphyriten &c. constituentibus concederemus,

mus, difficillimum credo esset explicare, quomodo esse possint adeò solidæ massæ (ut ista sunt mineralia) exiguis istis ac separabilibus particulis congestæ. Quibus addebam, rationem me non videre, cur ista firmitatis species in quâ internus particularum motus infinitè lentus est, sufficere non possit ad definiendam tantam firmitatem, quantum inter consistentia corpora quærimus.

Verum cum occasione distinctionis allatæ simul etiam significarem, extra popularem hunc vocis *Quietis* sensum, alterum esse rigidæ magis ac philosophicæ notionis, ac speciem aliquam *Quietis*, quæ distinctionis gratiâ absoluta vel perfecta Quies vocari possit: ac infert durationem corporis præcisè in uno eodemque loco, & omnis motus localis, quam nunquam adeò tardi & imperceptibilis, absolutam negationem includit. Rigidâ hâc *Quietis* signifi-

ocatione, affirmare me non audere dicebam, an sint quædam in universo hoc corpora (saltem per longum aliquod temporis spatium) in Quiete; ac lubens quidem problema in utramque partem disputantum constituëbam, cum & ipse in negativam me inclinare non obscure significarem.

Recensitis illis, quæ circa statum hujus controversiæ inter nos agebantur, nolo jam commemorare, quod dubium hoc a me expressum Paradoxum sapere visum fuerit; ac quoniam subito nimis præsentium discessus ampliorem aliquam declarationem negaret, ipseque non meliora argumenta promiserim, quàm quæ in negotio problematis in modum proposito expectari possunt, operam nunc dabo, ut sententiam, ad quam ego hoc in problemate propendebam, saltem non esse adeò improbabilem, ut aliquibus tunc videbatur, ostendam.

Cum

Cum in negantibus sententiis directe probandis non (ut nosti) temere arbitrari, soleam, & inprimis in tali casu, qualis nobis hîc exhibetur: non ut credo, aliam conjecturæ meæ probationem expectabis, quàm ut affirmatè proponam, quod quædam ex illis corporibus, quæ particulas suas maximè quietas habere credimus, intestinos tamen illarum motus habeant; erit enim hujus prolationis consequens, probabile esse, quod in aliis corporibus, quorum minor est soliditas, componentes particulae non sint in statu perfectæ Quietis.

SECTION II.

SI necessitas aliqua efflagitaret, vel expeditet, argumenta mea ordiret, ut quædam contra absolutam Quietem dicerem, pro contrariâ opinione, argumentando â priori (ut loquuntur)

tur) à constitutione mundi, five ad Epicureorum five ad Cartesianorum de origine rerum sententiam consideremus. Epicuræi enim cum supponant, mundum fortuito Atomorum concursu productum, ac cuilibet atomi innatam aliquam ac inseparabilem mobilitatem, vel potius motum aliquem actualem, aut inquietam aliquam propensionem ad illum adscribant: consonum rationi est, quod, quanquam in concretionibus ita sibi implicentur, ut exiguo temporis spatio aut modo visibili expedire se ab isto nexu nequeant; nihilominus tamen indefinenter è vinculis se liberare atque avolare annitantur: Quâ ratione semper in solidorum corporum atomis, ac quâlibet illarum, actualis aliquis à quiete se extricandi conatus est, (qui conatus tandem in effectum deducitur, unde destructio ac interitus corporum est) cum interea perpetui isti ac contrarii nifus intesti-

nos motus producant in internis corporis partibus, quibus atomi istæ quasi captivæ detinebantur.

Ex aliâ parte secundum doctrinam Cartesianam *Materia subtilis*, quæ constanter fluminis instar vel solidissimorum corporum poros transit, credi potest transitu suo continuè concutere aut alio quodam modo agitare insensibiles particulas corpus constituentes, quæ quiescere videntur, ut motus ille oculis non pateat. Quemadmodum cum æstivo tempore (ut comparatione istâ me explicem) tenuis aliquis venti halitus viridarium aliquod longius à spectatore remotum pervagatur, quanquam oculus eò conversus nullam discernere mutationem in viridario possit, aura tamen arbores perflans frondes earum ac ramos quosdam flexibiliores commovebit, & folia non solum afflatu in varios situs disponet, sed & quædam illorum avellet ac dissipabit.

¶

Plura

Plura in rem istam dicere possem, sed cum jam aliâ occasione id factum fuerit, opportunius nunc videtur, satisfacere quibusdam eorum, qui tunc aderant, eodem adhuc laborantibus præjudicio unâ cum aliis Viris doctis, qui ut precariam aliquam ac chimæriam Atomistarum opinionem habent, quod in solidis & quâ sensum quiescentibus corporibus possit esse intestinus motus componentium particularum, cum nec motus nec corpuscula ipsa videantur, ac propterea utrumque, ut invisibile, ita incredibile sit. Specialis aliqua decisio totius quæstionis de exiguitate atomorum huc non spectat, ubi sufficiat respondere objectioni.

SECTIO III.

AC primum, ut alibi notatum est, apparebit è diversis phænomenis supra citatis (in Historia Fluiditatis) quod

quod, cum aquæ aliique liquores continuæ materiæ massæ videntur & eadem in quiete cum vitris, quibus continentur constitutæ, constituentia tamen eorum corpuscula in actuali, & vario, quanquam lento nec observato motu sint.

Hinc, quod similiter talis motus in minutis particulis argenti ipsiusque ferri sit, facile probari potest, si metalla ista igne candescere sinas: quanquam enim oculus non possit discernere motum corpusculorum, quibus metalla illa constant, potentia tamen illa urendi manus eorum, qui ea attingunt, demonstrat, quod agiles illorum motus tactu deprehendi possint; sique insputaveris, liquor ebulliet, ac si igni esset superpositus. Ac licet objici possit tam anomalum ac violentum agens, quale ignis est, ad hæc experimenta esse necessarium: addam ego, si minutæ partes tantum sufficienter agitentur, nihil referre, utrum igne, an

vero alio quodam agente motus iste productus sit; nam celerrimâ malleatione ferri vel argenti minutas eorum partes ita movebis, ut tactus ipsius iudicio metalla incalescant, quibus ubi sputum vel aqua admovebitur, bullulas in iis excitabunt & liquoris partes in aërem sub formâ fumi vel vaporis dispergent. Ac alibi ostendi, quomodo facillimo negotio satis quidem sensibilem, quanquam invisibilem agitationem in internis metalli partibus, solis meis manibus, citra ullum externi cujusdam instrumenti usum, excitaverim.

Ac cum objici possit: quod quanquam motus jam productus sit invisibilis, discernere tamen possimus mutationem componentium corpusculorum in corpore, quæ sunt in actu alterante, texturam, ac introducendo novam alterationem vel qualitatem in corpus, in quod operatur, vel destruente quandam præexistentem quali-

litatem: breviter respondeo (neque enim hæc repetam, quæ alibi super illâ re differui) clarissimo hoc experimento: Quod, quanquam oculus tuus non possit discernere mutationem in exterioribus & visibilibus, multo minus in latentibus ac internis corpusculis ferri, si fortior aliquis magnes secundum axem ab uno polo ad alterum & retrorsum iterum, percurrit, textura tamen ferri actione istâ magnetis ita mutetur, ut jam acquirat jam perdat admirabiles Qualitates, quas attractivam & directivam virtutem vel facultatem, Magneticis corporibus familiares, vocamus.

Jam ut demonstremus invisibiles etiam metallicorum corporum motus celeres ac satis quidem vehementes esse, sensibilesque esse posse, quanquam non visibiles, consideremus statum campanæ, postquam malleo pulsata est, quod cum nulla concussio vel alius motus in campanâ ipsâ observetur,

effi-

efficiat tamen in aëre inæqualem tinnitus speciem, vel si ita vocare licet undulantem sonum vel motum, sique campana ad acutiores tonos facta, argutè sonorum & tinnulum; nam, si soni, ut alibi docuimus, procedunt ab agilibus percussionibus aëris in celerrimam ac fluctuantem motum per sonora corpora deducti, ex argutia istâ soni patet, dum quâ visum campana quiescere videtur, minutas ejus partes in celerrimo esse motu, absque quo si esset, non posset adeò vehementer constanterque aërem stringere, quo tam argutus in aure strepitus producat.

Sed, fateor, incidit nunc difficultas, cujus quanquam, cum unâ essemus, nulla mentio facta fuerit, objectionis tamen loco illa esse possit, quæ difficultate aliquas è prioribus, si non omnes, superet. Videlicet, quod vix credibile sit, quomodo in tam solidorum ac durorum corporum internas partes tam levia agentia, ut aër est, & for-

fortassis quædam adhuc exiliores materiæ, quæ in eo dispersæ operari possint, & quomodo fieri possit, quod, ubi actualis aliquis motus est, ille adeò lentus sit, ut corpusculum ferri exempli gratia, locatum in internâ parte acus magneticæ tantum temporis informat secundum nostram conjecturam in tam exiguo spatio ex isto loco ad proximam superficiem acus conficiendo. Verum, quanquam duplici huic objectioni solvendæ exempla quædam, quæ in sequenti parte hujus schediasmatis occurrent, commodè adhiberi possint, pauca tamen ad singula objectionis membra afferam, ne curiositatem tuam morari videar.

SECTIO IV.

AC quantum ad primum, dico, quod intestini isti motus particularum in duris corporibus non debeant unicè aut fortassis præcipuè obviis istis exter-
nis

nis agentibus, ut fieri solet, adscribi : cū illa possint tantum excitare, vel assistere principibus istis ac internis causis motus de quibus loquimur, ut colligere potes ex iis, quæ modo deconnatâ & inseparabili mobilitate atomorum, secundum Epicuri doctrinam, vel materiæ subtilis Cartesianæ per solidissima corpora transitu diximus. Ac videmus in subitaneis istis magnetis effectibus, dum chalybem magneticis qualitatibus imbuimus, iterumque iis privamus (quod utrumque supponit mutationem texturæ, eaque productionem motus locatis in metallo) quod minutissima ac insensibilia corpuscula durabiles in solidissimis etiam corporibus mutationes producere possint.

Jam quantum ad alterum objectionis membrum, fateor nobis, qui solemus (plus justo etiam) sequi oculos duces in rebus corporalibus judicandis ac existentiam multarum rerum, quibus natura non visibilem aliquam

quam molem concessit, negandâ difficile esse concipere tantam lentitudinem, quâ revera natura in operationibus suis uti potest. Quamquam ineptitudo nostra in discernendo motu umbræ in Sciaterico vel indicis in Horologio, commonefacere nos possit de oculorum nostrorum in corporum naturalium motibus quibusdam, quos ratio ipsa incomparabiliter lentiores docere possit, insufficientiâ. Verum, ne nunc disputemus de existentiâ & attributis infinitæ lentitudinis, vel quæ gradu infinitæ proxima est, nunquam, quod memini, demonstratum est, vel saltem propositum, quod corpusculum, e. g. in acu modo data à loco ubi primum existere supponebatur, ad superficiem acus, rectâ lineâ moveri debeat, rationi enim magis ac Phænomenis istis consonum videtur, si supponamus viam hujus corpusculi in corpore, unde exiturum est admodum perplexam ac intricatam (qualis solet esse

esse ignium missilium in aëre vel in solo). Nam si ab unâ parte urgetur à causis, quæcunque tandem illæ sint, quæ efficiunt ut avolare annitatur, atque ex aliâ parte impeditur corpusculis jam quibus connectitur, aliorumque occursum corpusculorum, quorum motus vel adversi sunt vel cum motu nostri corpusculi non convenientes, priusquam extricare se potest fortassis cum multis aliis corpusculis conflictari cogetur, & ab illis modò addextram modo ad sinistram impelletur & nonnunquam ad interiora repelletur, cum jam ad superficiarias aciculæ partes pervenit; unde non statim illi avolandi libertas est, sed retrahi potest per alia quædam corpuscula, quibus adhuc innixum est, quæque cum & ipsa contingat introrsum ab aliis pelli, urgere possint atque irretire iterum corpusculum nostrum, quod jam libertati erat proximum. Ne quid nunc dicam de gravitate particularum corpusculorum.

com-

componentium, quæ talis sæpenumero est, ut facilis sit agenti, quod in agitationem illas deducit, detinendi illas in continuo isto lento motu, inter se, quam propellendi ad tam leve medium, quale aër est, ut experientia nos docet in iis corporibus, quæ fixa vocamus, auro scilicet & vitro, in actualem licet fusionem deductis.

Sed oblitus pene sum, quod nihil me speculationibus daturum promiserim, ac propterea bina tantum in medium proferam exempla, quæ, & quæ nuper dislerebam, & quæ nunc probatum eo, confirmabunt.

SECTIO V.

Primum desumam ex eo, quod ut artificiale aliquod cognitum est, videlicet si arcus, quanquam ex tam duro corpore, qualis chalybs est, confectus, violente flexus eoque in statu per aliquod tempus servatus, violentiâ illâ
rem o

remotâ, ad priorem redibit figuram; at si longius aliquanto violento in statu duraverit, per gradus amittit illud, quod Restitutionis motum vocamus, ac figuram illam inflexam retinebit, quanquam nulla amplius vis urgeat. Quod & potentiam quorundam familiariorum in Naturâ agentium demonstrat, & quod ubi partes corporis continue se in alium reducere statum laborant (nam id præcipue nunc rem nostram tangit) motus vel potius progressus lentior sit, quàm ut hactenus observari potuerit. Longum enim tempus intercesserat antequam textura corpusculorum chalybis ita immutata, ut remittendi se impetum exierit.

Verum illustrius huic experimentum superaddam, quod unice confirmabit, quæ jam nunc diximus, demonstrabitque aëri, invisibilibusque corpusculus in corpore locatis, non exiguum inesse in corpus agendi potentiam

tiam, & mutationes in solidissimis etiam corporibus efficiendi.

Pro instituto nostro id tantum nunc observato, quod quanquam Virgæ ferreæ una extremitas perpendiculariter & ad commodam distantiam puncto septentrionali acus magneticæ admota, illud vel ad orientem vel ad occidentem (ut alibi diximus) propellat: ac, si eadem extremitas inferior Virgæ ferreæ contrario situ locetur, illico temporarium illum magnetismum (ut alibi doceo) perdat: Virga tamen illa, si diutius ante fenestram vel alio conveniente loco steterit, constantem aliquam ac durabilem potentiam magneticam, ut magnetici quidam scriptores recentiores memorant, acquirat. Quod phænomenon in primis instituto nostro servit, cum appareat ex eo, tum quod aër magneticis terræ effluviis, quæ intra poros suos recipit, junctus sine ulla externâ durabiles aliquas in tam soli

-solido corpore, ut ferrum est, mutationes producat, tùm quod internarum partium motus (ii enim ad metallicorum texturam immutandam necessarii) mirabili quâdam tarditate perficiantur, cum virga ferrea quàm diutissimè aëri exponi debeat, antequam magnetismum aliquem durabilem acquirat vel saltem adeò, fixum & fortem, qui istis usibus, quibus destinatur, inservire possit.

Verum quoniam plura exiis, quæ in sequenti Dissertationis parte proponam, exempla quæ hæctenus differruimus affirmabunt, ad illa nunc procedam, si prius monuero, datâ me operâ omissurum diversa phænomena, quæ vel viris doctis commode exempli gratiâ adduci posse videantur, videlicet Nutritionem, incrementa, Decrementa Animalium & Vegetacilium, quoniam talia corpora supplementum semper corpusculorum, quæ naturæ sæpe diversissimæ ac incognitæ sunt,

eccei

recipientia, difficultates aliquas ac dubia nobis movent, quæ non nisi longiori aliqua dissertatione, quàm nunc nobis est, proposita, possunt expediri.

SECTIO VI.

PRimum in vegetabilibus substantiis exemplum à *Ligno Vitæ* vel *Guajaco* (nam multis eodem nomine veniunt, eidemque indistinctè usui destinantur) nobis capietur : de quo, quanquam solidissimum sit, quod quidem novimus (adeo ut ipse cum aliis eo usus fuerim, in quo solida corpora conterebam) ingeniosissimi tamen negotiatores in quos quidem incurri, inquirenti retulerunt : si ad usus adhibentur antequam temporis diuturnitate habile factum fuerit, valde esse fragile, quod eximius aliquis toreuta sæpe sibi damno suo evenisse asseverabat. Nam ante debitum tempus pretiosa aliqua è ligno vitæ opera formanti accidit, ut

eorum plurima calore solis (cui ut exponantur interdum usus requirit) in nescio quot partes dissilirent vel diffunderentur, atque ita præclaris his opificiis fraudaretur. Ac recordor, quærenti aliquando é peritissimo Negotiatore, à quo elegans mortarium è ligno vitæ confectum emeram, quamdiu lignum, at equam mortarium inde confecerat, servaverit: viginti (nisi me fallit memoria) annos nominasse, qui non breviori temporis spatio usibus aptum reddi aiebat. De eâdem re tum rogarem toreutam modo laudatum, is experienciâ diutinâ edoctus idem mihi asseverabat, quemadmodum & observationem non ita pridem circa lentos & imperceptibiles motus non solum in magis volatilibus tenuioribus aqueis ligni vitæ partibus, sed & in dissimillimis à me institutam. Narrabat enim deprehendisse se sæpe numero dum lignum tereumate elaboraret cavitates diversæ quantitatis in
 inte-

interioribus & solidioribus lignipartibus (quæ undique eas cingebant) inque his cavitatibus non modicam quantitatem certi cujusdam gummatidis, quod aliquibus ut singulare remedium Anti-Venerereum jactatum fuit.

Exempla hæc eam ob causam adduco, quod cum tam solidum corpus, quale truncus ligni vitæ est, ex arbore nuper dejecta tam longinquum temporis, viginti scilicet annos, vel plures etiam ad plenam aliquam soliditatem ac aptitudinem obtinendam requirat: ac quoniam ratio tanti temporis hæc esse videtur, ut per gradus liberiores aquæ ac volatiliores partes in aërem exhalent, unde remanentes solidiores in arctiorem coherentiam coeunt, otium commodum nactæ, quo ita inter se locari possint, ut ad texturam earum firmam ac durabilem faciendam convenientissimum est: Inde consequatur, quod vel in interioribus ligni solidi partibus, nectantum in laxioribus levio-

ribusque corpusculis, quæ se inde expediunt aut exhalent, verus motus fit localis, quanquam lentior occultiorque ut immediatè incurrere in sensus possit. Ac si Gumma modo dictum sit vel totum pro parte generatum, quoad sensum, post arboris dejectionem, ut ex analogis quibusdam exemplis, quorum alibi mentionem facio, probabile reddi potest; tum quidem hoc exemplum commodius instituto nostro probando serviet, cum pateat inde, quod substantia adeò crassa, nec tam volatilis, si cum aqueis partibus comparetur, fragile scilicet illud, de quo loquor, Gumma solidissimam ac exanimem substantiam permeare possit ad tantam crassitiem: quod absque interiori quanquam insensibili in partibus ligni & forte mirabiliter lento in particulis Gummatidis motu perfici non potest.

SE-

27.
SECTIO VII.

Sed fortassis magis mirum videbitur, quod tenuissimæ ligni partes, eæque sectæ ab arbore longè laxioris texturæ, longius requirant tempus antequam usui commodæ, quàm solidum illud ponderosumque lignum, de quo modo locuti sumus. Ac sane observatio illa non est, ut in ligno vitæ, capienda per fragilitatem aut alias obvias ligni qualitates, sed modo quodam subtiliori; cumque datâ operâ Instrumentorum Musicorum fabros consuluissem, ac usu diuturno edoctos Musicos, opinio mea multum fuit confirmata. Ac memini cum nuper ex aliquo eorum quærerem cuius ætatis instrumenta talia, præcipue testudines esse debeant, ut plenum illis tempus ad sonorem sit, respondit, quod in aliquibus viginti anni, in aliis quadraginta pro naturâ & crassitie ligni aliisque circumstantiis requirantur. Sed Musicus quidem

53.
senex, qui tum mihi præsens, cum hæc
dicerentur, celebres quasdam esse te-
studines ajebat, quarum unam alteram-
que mihi nominabat, quæ non nisi
octogesimo anno sonum laudabilem
acquirant. Atque hæc de inanima-
tis vegetabilibus substantiis dicta
sunt.

SECTIO VIII.

Quantum ad lapides calci natos at-
que in calcem congestos, species-
que lapidum non præparatorum; jam-
pridem observavi è fide dignis cemen-
tariorum ac aliorum relationibus, quod
muri in quibusdam ædificiis duritiem
ac soliditatem suam non nisi post qua-
dragesimum demum annum vel longi-
us etiam tempus acquirant: ac quoni-
am gradualis ad hanc soliditatem pro-
cessu muri isti ligno Vitæ supra memo-
rato comparari possent, motus inter-

na-

narum partium à mutatione texturæ
tām in hoc quàm in illis argui potest.

Jam, si ex aliis tractatibus (quor-
sum ista rectius spectant) describere
velim nonnulla, facili negotio hîc ad-
dere possem quædam Exempla de lapi-
dum beneficio temporis induratione
ac emollitione, quæ multum confirma-
rent ea, quæ hætenus diximus; sed in-
fistam ego nunc potius duobus exem-
plis subsequenter, omisissis quæ ad
lapidinas aut cæmenta spectant.

Primum est quod sint Marchasitæ
tām lapideæ quàm metallicæ substantiæ
consistentes, quæ ut ut multis aliis lapi-
dibus ac ipso marmore duriores, tantū
habent motum in inferiorib⁹ suis parti-
bus, ut si aer exponantur, non solum vi-
triolatam aliquā efflorescentiā, si ita lo-
qui licet in superficiebus suis (ut in diversis
aliis Marchasitis observavi) acquirant,
sed & temporis tractu lapis in partes
abeat. Cujus generis aliquando habui,
& nunc uti credo habeo Marchasitam
satis crassam à Naturæ quodam explo-

ratore penes Vitriolicas fodinas habitante mihi datam. Inde inter alios lapides vitriolicos excisus, ac ob crassitiem suam delectus, lapis ille sollicitè custoditus ac servatus ab ingenioso isto homine fuit, usque dum in partes dissiliret, & de eo Virum hunc compellarem. Ac ut satisfaciam mihi ulterius in eo, quod interiores Marchasitæ partes Marcasitarum æque ad vitriolicam naturam dispositæ esse possint, ac exteriores; me nini, cum confringerem duriores aliquam Marchasitam aliunde mihi allatam, ac per aliquod tempus ante fenestram reponerem, deprehendisse me, quod nova superficies è fractura circa medium lapidis orta Efflorescentiam Naturæ Vitriolatæ acquisiverit.

Alterum Exemplum, de quo hactenus multa memorata sunt, hoc est: Referebat mihi ingeniosus aliquis nobilis è familiaribus meis, aliquando me invisens, possedisse se Turcoidem
gem-

gemma, quæ, nisi valde falleretur, mirabili aliquâ proprietate prædita fuit. Cum enim in illâ maculæ quædam diversorum colorum â cæteris gemmæ partibus diversæ essent, eæ ab unâ parte ad alias quanquam lentissimè moveri videbantur. Atque id â multis jam mensibus (fortassis ipso biennio) observasse sibi videbatur. Hæc mihi narratio cum adeò insolens videretur, ut fidem ejus rei scirem, servare mecum annullum, quo gemma inclusa, ad aliquod tempus cupiebam, quod quidem lubentissime concedebat. Præterquam enim quod accuratissimè observarem macularum situm, operâ ingeniosi juvenis me cum tum viventis, ac peritissimi in delineando utebar, qui picturam in gemmâ delinearet macularum, ut erant tunc positæ, ac sollicitè semper (semel fortassis intra duas vel tres hebdomadas) gemmam inspiciens *novâ maculis progressis picturam induceret.* Atq; sic comparatione diversarum picturarû institutâ uno ore-

maculas in Turcoide de loco in locū migrare concludebatur, ac si materia, è quā consisterent, viā sibi per substantiā lapidis faceret, ut Gumma ligni Vitæ per substantiā ejus, quod modo notavimus, penetrare videtur. Quatenus observari nobis potuit motus harum macularum supra modum erat lentus ac irregularis, quanquam ad minorem quandam incertitudinem reduci potuisset, nisi harum observationum ad justum tempus continuationem casus quidam ingratus nobis interdixisset. Cum ergo hanc observatione in animum mihi revocarem mirabiles istas historias, quas de Turcoïdibus in bonis autoribus legeram, interrogavi aliquando de nonnullis ad gemmam hanc spectantibus nobilem aliquem Gemmarium, atque inter alia quæsi, annon mutationes quasdam, quæ spontaneæ videantur in substantiā vel colore hujus gemmæ aliquando observaverit. Respondit is in paucis quibusdam Turcoïdibus observasse se duos diver-

diversos colores cœruleos in diversi
 ejusdem gemmæ partibus, quorum al-
 ter lento atque imperceptibili gradu
 inuaserit, ac tandem obtexerit par-
 tem lapidis quam alter antea color oc-
 cupaverat. Addam hoc, quod idem
 iste Nobilis, à quo miraculosam illam
 Turcoidem habebam, postea capulam
 cultri ex Gagathe confectum ostende-
 rit, in quo nubecula aliqua videbatur,
 quam ingeniosum quendam Virum an-
 te aliquot annos huc illuc in lapidè mo-
 tam observasse ajebat, qui ut fidem
 relationi suæ faceret Gagathem per
 aliquod tempus servandam tradidit.
 Eorum Phœnomenorum rationem
 accuratam se mihi daturum is pro-
 misit, si lapidis ad justum tempus pos-
 sessio sibi permitteretur. Interim
 ista, quæ nunc de Gagathe
 hœc afferre potuimus
 sufficiant.

S E C T I O IX.

Verum cum Adamantes ac vitra à Chymicis præsertim in universum corpora credantur esse adeò compactæ ac firmæ texturæ, ut natura & ars compactiora producere non possit: exempla quidem proposito nostro magis inservientia expectari non possint, si vel in eorum corporum partibus intestinum aliquem motum ostenderimus. De singulis aliqua dicere conabor, quanquam quæ de Adamantibus dicturus sum, eam ob causam proponentur, suspicionem potius ejus quod esse possit quàm demonstrationem quod ita esse debeat, inferant. Ac primum quidem, ut removeam præjudicia, quæ oriuntur ab incomparabili illa duritie Adamantum (quæ, ut verum fatear meo experimento mirabilis mihi visa est) ac si corporum adeò durorum & solidorum partes ad motum compelli non possint, nisi vi quâ.

quâdam extraordinariâ, ne dicam prodigiosâ ; hic tantum repetam, quæ a libi ostendi : Adamantes scilicet esse corpora, quæ facillimè quidem actu ipso fiant Electrica, ac aliquos eorum (qualem ego, minutum licet, possideo) attritu super veste fulgorem in tenebris acquirere : quæ transeuntes qualitates cum mutationem texturæ etiam in interioribus partibus requirant ; cumque frictio, quæ hanc mutationem producit, immediate, eam partem tantummodo lapidis in motum deducendo, producat, judicari inde potest, moderatum aliquem impetum sufficere posse in interno motu interiorum Adamantis particularum producendo.

Quin possunt interdum occulta aliqua agentia impressiones aliquas in ista solidissima corpora operari. Nam in annulo, quem in digito auriculari gestare solebam, cui non inerat nisi unus ille Adamas fulgidus, cujus modo

mentionem feci, quam sæpissime ob-
 servare mihi visus sum majorem ali-
 quam claritatem ac scintillationem
 hoc, quàm alio tempore, quanquam
 causam referre non poteram ad sere-
 nitatem vel obscuritatem tempestatis,
 humiditatem vel siccitatem aëris,
 superficialium claritatem vel inquina-
 tionem gemmæ aut alias quasdam cau-
 sas verosimiles. Quo magis me non
 falli arbitrabar, quod frequentius ful-
 gorem gemmæ explorarem, ac præte-
 rea mecum haberem impolitum ad-
 hoc adamantem, ut è rupe excisus erat,
 in cuius electricâ facultate mutationes
 aliquas secundum gradus impetus quo
 attrahebat, & quidem intra exiguum
 temporis spatium observavi; quan-
 quam nullam invenire potuerim cau-
 sam, cui tam mirabile phænomenon
 adscriberem. Nam omittam hîc,
 quod cum forte aliquando ostenderem
 modò memoratum anulum ingenio-
 sissimæ matronæ, quæ in annulis ac
 ar-

armillis tales gestare gemmas solebat,
 referremque mutationes in Adaman-
 tibus istis à me observatas, illa, cujus
 major erat in gemmis quàm aliarum
 matronarum, cum quibus hætenus
 conversatus fueram notitia, parum re-
 latione meâ commota sæpius se obser-
 vasse similes in Adamantibus suis alfe-
 rationes, adseverabat, quæ interdum
 solito scintillarent vehementius, ac
 nebulosam sæpe faciem ostenderent.
 Cumque ego nebulas illas adscribi
 tempestati vel sordibus in superficie
 gemmæ posse regererem, de circum-
 stantiis istis jam se sollicitam fuisse illa
 respondit, detergendo gemmas, cu-
 ramque in observationibus instituen-
 dis adhibendo, adeo quidem frequen-
 tibus sollicitisque ut decepta sibi non
 videretur. Notavi alio in loco vidisse
 me non modicum quanquam nebulo-
 sum adamantem Hungaricam, quem
 Possessor ejus mihi donaturus erat, cla-
 riorum factum, cum per aliquod tem-

pus frigido liquori immergeretur, in quo prout diutius servatus, magis magisque tenebrositatem suam amissurum affirmabat. Ea quidem, quæque ipse vidi, sufficiunt probando eo, quod mutationes etiam in interioribus partibus talium adamantum possint produci per agentia, quæ absque apparente aliquâ violentia operantur.

SECTIO X.

QUOD si verum est Adamantes, ut alibi observo, inter plures alios lapides generari posse successu temporis in visceribus terræ, non fortassis absurdum erit concipere, quod & veri adamantes, qui videntur perfecti ac ad annulos apti, ad longum aliquod tempus habeant insensibilem motum per totam sui substantiam, per quam corpuscula unde consistunt, disposita sunt ad convenientiorem texturam pro constituendo durissimo corpore. Nam
quan-

quanquam ut concessum habeatur A-
 damantina corpora, quoniam ple-
 rumque duritie excedunt reliqua cor-
 pora, sic semper ita esse, experientia ta-
 men non semper hypothesin illam fir-
 mam demonstrat. Ac memini me,
 ut implerem meum in illarum rerum
 notitia acquirendâ desiderium, consu-
 luisse artificem aliquem eximium, lon-
 goque usu exercitatum in poliendis ac
 inferendis adamantibus, rogasseque il-
 lum, an omnes æqualis duritiei ada-
 mantes invenerit? qui respondit, se,
 ex quo his gemmis negotiatus fuerit,
 pene 20. annos Amstelodami ac mul-
 tos etiam annos in Angliâ, observasse
 annis illis extremis semper ignobilio-
 res adamantum species transmissas,
 multosque eorum adeò molles & fra-
 giles comparatione cum antiquioribus
 illis institutâ (quos eum aliis Gemma-
 riis Adamantes è rupe veteri vocare
 consuevit) invenisse, ut sæpius mole-
 stum illi fuerit huic negotiationi se
 im-

immiscuisse, cum, ne in sectione aut expositione illorum jacturam faceret, vereretur. Sed id tantum historicâ fide nunc refero, usque dum ulteriori observatione manifestum fiat, utrum adamantes isti, nondum ad plenam maturitatem pervenerint, & ulteriori digestionem in majorem concreescere duritiem possint, an vero è peculiari Adamantum genere sint, qui naturâ suâ molliores sint, quàm isti è rupe veteri.

SECTIO XI.

IN memoriam hoc mihi reducit confirmationem sententiæ de inæquali adamantum duritie, quæcunque etiam ejus causa sit, quam inveni in libello nuper à Gallo patriâ linguâ publicato, qui lectori suo ex orientalibus adamantum venis quædam narrans, è relatione testis, ut ait, oculati ita de terrâ & ultimâ venâ *Gazer poli* dictâ loqui-

quitur : *Clarissimi sunt & boni splendoris, sed non possunt comminui per mutuam attritionem* (Si recte capio vocem, quâ utitur) *sed per lapides ejusdem venæ ; nam si ahsiberet aliquis alterius venæ lapides, illi de Gazerpoli confringentur.* Facile itaque in rotâ franguntur, ac qui in dignoscendis lapidibus non multum versati fuerint facile decipiuntur in illis. Exemplum affert Autor noster de Lusitano aliquo, qui 1200. coronatos pro adamante aliquo è venis ad Ligorn respiciens, cum secundum Venetiis traderet in rotâ in quindecim vel viginti partes confractum vidit.

Aliud exemplum, quod ad rem nostram magis facere videtur, ab eodem Autore affertur, de alterâ venâ loquente, quæ maximas gemmas producit, *Gane* vel *Colonor* vocata : dicit enim, quod in plurimis eorum lapidum post eorum sectionem semper aliqua unctuositatis species appareat, quod identidem instrumento quodam deter-

detergi debet, quam aliquis ex insensibilibus provenire effluviis conjiceret; quæ è lapide exhalantia per aërem in superficie ejus sistantur quasi & condensentur, ut accidit inter sudandum in cuticulis animalium. Ejus conjecturæ veritatem accuratissime examinarem, si tales adamantes adipisci mihi liceret.

SECTIO XII.

ACquoniam Rubini, quanquam duritie inferiores Adamantibus, reliquis tamen gemmis duriores ac aliquādo magis quàm marmor similesque lapides, hâc occasione non omittā, quod plus quàm semel adseveravit ingeniosissima matrona, à cujus elogio vix mihi temperarem, nisi necessitudine, quâ mihi jungitur, prohiberer. Oculos enim forte in Rubinum, quem digitis gestabat, conjicienti accuratiusque eum lustrare cupienti, anulum
illa

illa detrahens obtulit contemplatione
 meâ non indignum judicans. Præ-
 terquam enim quod pretiosus erat, &
 dignus habitus fuerit, qui â magnâ ali-
 quâ Dominâ pro Legato sibi relinque-
 retur quæ quod novi, magna illa pre-
 tiosarum gemmarum varietate, quam
 possidebat, celebratur ; Rubinus iste
 sæpissime, nescio quî, splendoris sui
 gradus variabat : aliquando enim vi-
 vidiori igne quam solebat florere vi-
 debatur, aliquando tenebrosior nebu-
 losiorque solito apparebat, nec (quod
 toties repetitis observationibus suis
 credere me jubebat) nebulosæ tem-
 pestati vel superficiariis quibusdam
 sordibus lapidis imputari id debebat.
 Atque ut & ipse tam certus ejus rei es-
 sem, ut illi erat, sollicite lapidem de-
 tergere atque tum splendorem obser-
 vare jubebat, cujus manifestam alte-
 rationem semihi post aliquod tempus
 ostensuram sperabat, (accesseram e-
 nim tum ad illam, aliquot hebdoma-
 das

das in ejus domo commoraturus) sed cum intra paucos dies res meæ me advocarent, nullam mihi eventum hunc expectandi tempus relictum erat.

Quousque id, quod de Adamantibus hactenus dictum est, concedi possit pro argumento instituti probandi lubens quidem permittam tempori atque ulteriori observationi. Ad mentionem particularum antecedentium faciendam ipsa partim materiæ hujus nobilitas me invitavit, quæ fecit ut promptissimus in relationibus istis, quas alibi eâ de re scripseram, addendis essem: ac partim, quoniam saltem valde probabile videtur ex iis quæ superius notavi, deduci posse excitationem Adamantum per attritum tam ratione attractionis quàm splendoris, quod scilicet non obstante incomparabili eorum duritie intestinus motus minutarum partium è vestigio sine magno impetu statim possit produci.

S E C T I O XIII.

JAm itaque alterum illud corpus videlicet vitrum, de quo nos dicturos promiseramus, considerandum est. Illud enim corpus, quod adeò firmum & compactum visum est, ut nec naturâ, nec arte destrui possit, atque tam arctæ texturæ ut ne quidem subtilissimi spiritus hæcenus cogniti penetrare illud possint, ac tandem, cum tot fixitatis suæ in partibus etiam minitis examina in igne violentissimo sustinuerit, vix aliquod concipere corpus possum, quod minus capax motus inter componentes suas particulas videatur. Quod vero illæ non semper in perfectâ quiete inter se invicem sint constitutæ, sequentibus similibusque observationibus, ut crederem, inductus fui.

Primum, inquisitis celebribus peritissimisque Telescopiorum confectoribus, iisque qui telescopiis utuntur: an

un-

unquam observaverint vitra Veneta,
 quibus illi utuntur, sponte crepando
 frangi, dum tabularum instar adhuc
 servantur, ac aliquando postquam po-
 lita fuerunt; ajendo responderunt. Ac
 quanquam vix probabile videatur, vi-
 tra Venetiis ad nos delata, ac per tan-
 tum temporis spatium sæpe servata in
 Anglià, antequam occasio ea præpa-
 randi se obtulit: & fortassis adhuc
 diutius post eorum præparationem, ab
 omni tamen tempore illo interiorem
 inter componentes suas particulas
 motum retenturum: conjeci tamen
 salinas quasdam particulas, quàm na-
 tura vitri admittit numerosiores,
 per gradus quanquam lentè & inobser-
 vatè tendere versus superficiem vitri
 posse, & vel è poris evolare, vel rum-
 pere vitrum, dum transire conantur.
 Nam cum studiose quæsissem ex arti-
 ficibus modo memoratis, aliisque qui
 vitris opticis negotiantur, an non ali-
 quando, hyeme præsertim & humi-
 dis

dis tempestatibus aliquam efflorescentiæ speciem salini saporis in superficiebus vitri clarè satis deprehenderint, responsum à supra memorato artifice tuli, quod sæpius observarit, cum majorem hæc observandi opportunitatem habuerit, ac iustu suo exsudationes illas sensibilibiter falsas notaverit.

SECTIO XIV.

MAjor vero mihi erat occasio insistendi conjecturæ nuper propositæ, à densiore aliquo poculo vitreo, quod adhuc dum servo, cujus in præparatione, ut eò magis diaphanum fieret, nimia salis proportio adhibita videbatur. Poculum enim istud, quanquam ad tempus in perspicuitate ac integritate suâ perduraret, ante finem tamen hyemis insequentis, quanquam nec creparet, nec in partes dissiliret, sed priorem suam figuram semper retineret, tamen delineatam
qua-

quasi erat exiguis incisuris, ut ad aliquam distantiam albo quam crySTALLINO poculo similis videretur.

SECTIO XV.

REcordor etiam, quod aliquando quanquam rarius habuerim vasa ac alia corpora vitrea satis crassa, quæ sponte suâ illico in partes dissilierunt, cum strepitu etiam, qui ad observandum me permovebat. Quod vero id non acciderit semper eam ob causam, quod vitrum non per gradus refrixerit, non solàm ex eo quod adeò sponte creparet, strepituque tam claro, spissum ac vacuum vas vitreum, quod nescio quot menses servatum in museo meo fuerat; sed & è similibus casibus, qui aliis vitris obtigerant, conieci. Frequenter enim apud illos, qui copiam habent vasorum vitreorum, quique ea vendunt inquirens, didici damno saepe suo se expertos, vitra diu
pra-

præparata ac absque usu aliquo servata in partes suâ sponte confringi, cum non esset visibile aliquod exterius agens, cujus aliqua in vitro frangendo suspicio esse possit. Atque eo ipso tempore, quo hanc paginam scribo elegans phiala crySTALLINA non bene clausa in ipsâ fundi crassitie rumpebatur, in loco aliquo intra murum vitris servandis destinato, ubi cum aliis selectis vasis vitreis bene conclusam servabam, cum cætera vitra tam plena quàm vacua, nec exteriora illa, minimâ sui parte læsa vel incisa viderentur. Neque magna illa validaque Telescopiarum vitra hos casus effugiunt. Memini enim, ab honesto quodam viro, qui maximam Londini partem Telescopiis majoribus instruit, cum quarerem annon crepare illa cum strepitu nonnunquam deprehendat; plurimas vitri eximii tabulas ostendit, quas diu quamvis custoditas non solum claro cum strepitu sponte crepare, sed aliquan-

quando (quanquam rarius) tanto
impetudiffilire ajebat, ut vicinas ta-
bular, ut ut crassas validasque, confrin-
gant.

SECTIO XVI.

Cum itaque ulterius inquirere in
Animo haberem, an dispositio illa
ad fracturam in quibusdam vitris lon-
gius fortassis durer, quàm observandi
imihi opporitunitas daretur, accessi
ipse ingeniosum quendam artificem
Vitriarium, ex eoque quæsiui, quamdiu
vitra integra servari posse observave-
rit, ut tamen postea sponte rumpantur.
Qui respondit, sibi aliquando cum
congeriem Vasorum vitreorum, quæ,
cum occasio vendendi data non fue-
rit, eum in modum longo tempore ser-
vata fuerunt, disjunctim secundum
ordinem locaret, brevi tempore quar-
tam circiter vel tertiam eorum par-
tem sponte suâ crepuisse; cumque in-

terrogarem de tempore , quo servata
vitra fuerant, intra quartum vel quin-
tum annum (si rectè meminisset) ste-
tisse aiebat.

SECTIO . XVII.

EXempla illa (quibus addere multa
alia poteram) eam ob causam ad-
duxi, quia quælibet duarum hypothe-
sium quâ ratione quàm verosimillime
explicari possant, doctrinæ nostræ
hactenus assertæ favere videtur. Se-
cundum enim Theoriam corpusculor-
um concipi potest, quod sit constans
aliquis exiguarum vitri partium mo-
tus intestinus pro ratione atomorum
constituentium, quæ extricare se ac
evolare laborant, quod tandem in ef-
fectum deducunt fractione vitri in lo-
co fragiliori vel ad frangendum aptio-
ri; ubi (post multos occurfus ac evo-
lutiones) competentem earum nume-
rum conglobari, ac motum eorum ad

exteriora impediri contingit; unde tam inæqualis illic agitatio partium vitri antea conhärentium oriri potest, ut magis agitatae partes ab iis divellantur, quæ minus agitantur & per consequens vitrum rumpatur: Cui consonat, quod sæpe observavi in chymicis ac mechanicis experimentis in vasis vitreis institutis, quod, si unum arenæ granum vel exigua massa materiæ alcalizatae, unde confectum vitrum est, in substantiâ vitri inclusa reperiatur, aptius ad frangendum sit, & eo præcipuè in loco (unde plerumque velut à centro diversæ fissuræ diversâ viâ procedunt) cum pars illa vitri, quæ vitium contraxit, plerumque diversam à reliquis texturam habeat (ut sæpe ipsis etiam oculis patet) facileque in motu, differentem à vicinis partibus & fortassis proportionem illis non respondentem incite-
tur.

SECTIO XVIII.

Non immorari mihi his licet, ut dispiciam, annon motus iste internarum partium diversis casibus efficaciam majorem sumere possit à subtili quadam & humidâ materiâ in vitri poris (præsertim in magis superficialiis vitri quod laxioris texturæ est) atque ita per gradus vitare texturam corporis ac agitatione & intumescencia salinorum corpusculorum promotâ aptas illas facere quæ vitrum rumpant, eâ forte ratione, quâ Marchasitæ nuper memoratæ post vitriolatam aliquam efflorescentiam operatione aëris rumpebantur. Illis inquam, considerandis immorari nunc non licet, quoniam festinandum mihi est ad alteram Hypothesin proponendam, dicendumque: concipere nos posse (id quod non est alienum ab iis, quæ alibi differuimus) quod tractu temporis in quibusdam vitri partibus textura pro-

ducatur, quæ efficit, ut magis quàm antea resistat liberiori ætheris vel alterius cujusdam subtilis materiæ transitui, quæ (fortassis torrentis instar) permeare illud antea solebat; jamque viam sibi obstructam (ac fortassis plane impeditam) ob vitiationem pororum in vitro vel aliam inconuenientem texturæ mutationem inueniens, ac solitum sibi motum per loca illa recuperare laborans, ita distendit poros, vel alio quodam modo vim infert texturæ corporis, unde divulsio in partes contingit, quæ, prout cum majori vel minori impetu ac celeritate conjuncta est vel crepare tantum vitrum, vel disfilire facit. Cum hâc doctrinâ non malè ista duo conveniunt: *Primum* quod vitrum sit corpus, quod facile attritu electricum fieri possit, unde particulas ejus facilè in motum deduci posse probabile reddi potest. *Secundum*, quod talis divulsio fieri in vitro possit solùm per inæqualèm

mo-

motum inter vicinas partes; ut videri potest é praxi Chymicâ, cum tantum ferrum candefactum applicatur ad locum vitri, cum satis incaluerit, postea frigida (vel spuro) humectatum, quæ infrigidans partes, quas tangit, ac per consequens agitationem corpusculorum in quæ incidit impediens, dum interim contiguæ partes priorem illum motum vehementem retinent, discontinuationi vel divulsioni vitri causam præbet, cujus quædam partes celeriori, quædam lentiori motu concutuntur.

SECTIO XIX.

HAc occasione addam inprimis, cum omittere facile nolim tam memorabile phænomenum, quod in vitro etiam cum perdidisse gradum coloris videtur, quem aliquis ad figuram vel magnitudinem ejus sensibilibiter alterandam necessarium crederet, rema-

manere tamen tanta agitatio minutarum partium possit, quàm cum modificantur aëre, frigore ac aliis invisibilibus agentibus, ut magnitudinem vel figuram totius vasis, quod componunt, immutent, & illud quidem (quod non facile aliquis crederet) ampliando saltem vas, si concedere eo in casu figuræ immutationem nolimus. Sæpè enim in officinis vitriariis, in quibus alta vitra (ita enim pura ac clara vocantur) conficiunt, observatum est, quod cum massa vitrea insufflatur intra thecam quæ adornata est, ut vitro justam aliquam figuram & magnitudinem largiatur, vitra hæc, ubi refrigerint, rursus iisdem thecis inseri nequeant, cellulasque in quibus deinceps recondantur aliquanto largiores requirant. Quam observationem eximius artifex, qui multum vitro negotiebatur, confirmavit, sæpe de incommodis ex ignoratione vel oblivione inæqualium in refrigeratione vitri effe-

effectuum ortis conquestus. Verum horum similiumque phænomenorum considerationi insistendum nunc non est, nec examinandum hîc, quæ præcedentium explicationum præferri debeat, cum mentionem tantum eorum fecerim, ut ostenderem, cuicumque etiam plenius immoremur, evinci tamen inde intestinum in corpusculis vitri motum, quem lentissimum concipere possumus, si consideraverimus, quantum temporis intercedat, usque dum occasiones aliquæ ad producidos istos effectus intercedant ac sensibus nostris perceptibiles sistant.


SECTIO XX.

Cum ergo inter partes solidorum corporum, qualia hætenus exempli gratia adduxi, non posse tam perfectam dari quietem, ut vulgo quidem creditur, probaverim : jam, ut credo, expectabis, ut consequentias illas ex
iis

his, quæ hæcenus dixi colligam : Vide-
 licet, quod non sit talis absoluta Quies
 in Natura. Verum, quoniam ut pri-
 mum dicebam Paradoxum hoc ut
 problematicum tantum proposui,
 nec adeo certos nos esse posse per-
 pendo, in eo, quod quanquam plu-
 rimæ partes solidorum corporum
Semper sint sine motu: aliæ tamen *ali-*
quando saltem perfectè quiescere pos-
 sint. Concludam, ut in initio dixi, ac
 sine absoluta aliqua perfectæ quietis in
 rerum naturâ negatione dicere con-
 tentus ero. Quod nec absurdum sit du-
 bitare utrum sit, vel non: nec impro-
 babile, credere quod non sit, cum eam
 in istis quidem corporibus; in quî-
 bus præcipuè illa sperari pote-
 rat, non inveneri-
 mus.



24
23
22
21
20
19
18
17
16
15
14
13
12
11
10
9
8
7
6
5
4
3
2
1





Physiography
Byrle

